


**HISTORIA JURIS
CIVILIS
ROMANORUM,
QUÂ EJUS TUM
ORIGO, &...**

Jean Doujat





M

13-6.F.5

4

HISTORIA JURIS CIVILIS ROMANORUM,

Quâ ejus tum Origo, & Progressus;
Autoritas, & Utilitas: tum Justi-
nianæi Partes, atque Ordo Par-
tium demonstrantur. Ubi &
Gallici Juris Origo perstringitur.

*Exarabat JOANNES DOUJATIUS,
Antecessorum Parisiensium, & Regio-
rum Professorum Primicerius.*



LUTETIÆ PARISIORUM,

Apud JOANNEM DE LA CAILLE
viâ Jacobæâ, ad Insigne Prudentiæ.

M. DC. LXXVIII.
CUM PRIVILEGIO.



THE

LIBRARY

OF THE

UNIVERSITY OF

CHICAGO





VIRO SUPERILLUSTRI, D.

M I C H A E L I
L E T E L L I E R,

F R A N C I Æ
C A N C E L L A R I O,
J O A N N E S D O U J A T

A N T E C E S S O R,

Salutem.



U *U* *S* potius auspiciis
prodeat in publicam lu-
cem Romani Juris Hi-
storia, quàm tuis, GLO-
RIOSISSIME CANCELLARIE?
quem, non modò ex dignitate con-
ditorem vindicemque Juris Gallici
Romanis ferè è fontibus derivati,

ã ij

*sed ex rerum excellenti peritia, exq;
incorrupta vita ac morum integri-
tate, omnis Furis, Justitiaeque, su-
pra Sulpicios omnes, Consultissimum
uno cunctiore agnoscunt ac prædicant.*

*Est verò cur tibi nobiscum tute
ipse gratulere, quòd non per te so-
lùm, sed per utrumque dignissimum
te patre filium, fas ac leges spiraret
undique præclara familia tua. Cum
enim ea trium diversorum ordinum
Ecclesiastici, Togati, Militaris, pri-
mariis dignitatibus atq; muneribus
supra ceteras splendeat: cujusvis ge-
neris Jura, Divinum, Humanum;
Publicum, Privatum; Pacatum, Bel-
licum, ita domi tuæ florent: ut apud
Te, velut in communi scientiæ equi
& boni domicilio, sedem fixisse vi-
deantur.*

*Juris quidem Sacri singularem co-
gnitionem, cum exquisita rerum Di-
vinarum doctrina, præcipuo quodam
jure sibi vindicat Illustrissimus Ca-
rolus Mauritius Tellerius Rhemorum*

*Archiepiscopus , Gallia Belgica Pri-
mas , Primusque sui Ordinis Patri-
ciorum quos Pares Francia vocant :
sed hisce omnibus titulis major ;
vel si , tot inter alias dotes , ex sola
Propria , universaque Ecclesia Ju-
rium ac dignitatis defensione spe-
ctetur.*

*Te , M A G N I F I C E N T I S S I M E
CANCELLARIE , quis nescit re-
giâ & moris antiqui viâ , per legi-
timos honorum gradus , hinc men-
tus perspicacissima , inde limatissimi
judicii , & indefessi laboris admi-
niculis , Juris universi ; tum publici ,
quo judicum quorumvis munia ;
tum privati , quo civium res fami-
liaris , fama , vita ipsa continentur ;
praeceptam jamdiu notitiam ita usu
perfecisse : ut ad majora , quibus pau-
ci pares , utilitas Te publica neces-
sariò vocaverit. Ex quo autem in
aula arcanis , & summa rei per
difficillima tempora administratio-
ne versatus es , Jurium Regionum &*

majestatis Francica pari vigilantia
& fide tuendorum curâ , Te &
prudentissima Anna Augusta , quæ
diu in regni procuratione fuit ;
& Regi maximo cumulatissimè pro-
basti , intelligentissimo illi justissi-
moque hominum ac rerum aestima-
tori , & cujus admirabili judicio
ac propè divino probari nihil po-
test , quod non sit omnibus parti-
bus omnibusque numeris absolutum.

Militare autem ÷us, apud nos jam-
diu neglectum, sic ex Regis præscri-
pto per Te, perq; Illustrissimum Fran-
ciscum Michaëlem Tellerium , ultra
omnem veterum Romanorum severi-
tatem excultum est: ut nihil quod ad
Castrensem disciplinam, mutuaq; im-
perandi ac parendi officia; nihil quod
aut ad plebis cruentos inter armorum
tumultus solatium , aut ad fomenta
commodaque militum salutem publi-
cam tuentium , nihil quod ad Regis
invictissimi gloriam pertineat , ve-
stram utriusque fugerit diligentiam.

*Nec satis vobis est, quod aliàs
præclarum habebatur, Regia aliis
jussa accuratè describere, atque man-
dare: nisi ea ipsi quoque, ut gradu,
ita opere primi obeatis, omniumq; se-
dulitatē non modò verbis, sed, (quod
efficacissimum est adhortandi genus,)
factis vestris assiduè accendatis.
Non enim magis imperia Magni Lu-
dovici, quàm ab eo accepta è proximo
exempla sollicitudinis, cunctarumq;
necessariarum ad ardua quæq; confi-
ciēda virtutum, fidelissimā imitatio-
ne transfunditis in inferiores. Hinc
impenetrabili silentio septa consilia:
hinc subministrata inceptis alacri-
ter & faciliè perficiendis inaudi-
ta antehac adjumenta; hinc expedi-
tionum, etsi non suo tempore susce-
ptarum, nunquam fallentes, & omni-
bus præterquā auctoribus, improvisi
successus. Tantum sapientissimi, nec
sibi parcentis moderatoris rebus mo-
mentum afferunt haud dissimiles ad-
jutores; & concurrente præstantissi-*

morum ducum militumq; strenuissimorum ardore, providenter comparata, atque opportunè dispensata ingentium ceptorum subsidia.

Sed Tuas Tuorumque, ex Te ortas uno, virtutes, factaq; captum hominum fidemq; superantia recensere, & supervacaneum in tanta eorum luce; nec unius epistola fuerit, nec opera mea. Id solum adjicere liceat inter tot rerum militarium curas, nunquam equi te cepisse oblivionem,
CANCELLARIE GLORIOSISSIME. *Semper memor, esse belli, sicut pacis jura: non modò id egisti ne silent leges inter arma; sed armorum ferociam legum moderamine temperasti, eorumque licentiam subjecisti harum majestati. Nunc verò ad summum Togæ honorem evectus, tantò lubentiùs tuam in juris studia propensionem expromes, quantò illa apud exteros adhuc vigentia florentiaque, jamdiu in Gallia, ad ætatis gentisque nostræ dedecus, ja-*

*tere non sine indignatione intelligis.
Per unum Te, EXCELLEN-
TISSIME CANCELLARIE,
resurgere se posse confidit afflicta Iu-
risprudentia. Te auxiliatorem, Te
Instauratorem ac Patronum, implo-
rat, speratque. Hoc tantum ipsi no-
bisque optandum, ut pius, victor
ac triumphator semper Augustus Lu-
dovicus, Regum exemplar, diu fe-
liciterque imperet; Teque ipsi & Gal-
lia incolumem servet propitium vo-
tis publicis numen. Sic Iustitia, in
Te, ac per Te viventis ope, dudum
intermortua ejus Parens Legum Di-
sciplina, vera illa Judiciorum, &
societatis humanæ moderatrix,
tandem aliquando reviviscet: ac
per eundem Te plenissimè resti-
tuta, regnum suum apud nos quo-
que recipiet, ad gloriam tui no-
minis immortalem. Vale. Lutetia
Parisiensium prid. Kal. April. anno
Domini M. DC. LXXVIII.*

APPROBATIO.

NOs, in Academia Parisiensi Antecessores, testamur Viri Clarissimi JOANNIS DOUJAT Antecessorum & Professorum Regionum in eadem Academia Primicerii Librum, cui titulus est, *Historia Juris Civilis Romanorum, cum adjuncta Chronologia Juridica*; à nobis perlectum fuisse, atque adeò in eo nihil occurrisse, quod plurimæ, ac variæ eruditionis luminibus illustratum, & excultæ Orationis copia perpolitum non sit: ut ejus non permittenda modo, sed optanda editio sit, tanquam facilem ad Juris Civilis intelligentiam aditum ejus studiosis patefactura: in cujus rei fidem hîc subscripsimus. Lutetiæ Parisiorum, die Martii septimâ anno millesimo *secentesimo* septuagesimo octavo.

HALLE' Regius Professor & Syndicus.

BAUDIN Antecessor.



INDEX CAPITUM.

P RÆFATIO, pag.	3
C APUT I. <i>De Juris Civilis Origine & Progressu ante Justinianum</i> , paginâ	5
C AP. II. <i>De Jure per Justinianum in ordinem redactio</i> , p.	29
C AP. III. <i>De Jure Orientali post Justinianum</i> , p.	42
C AP. IV. <i>De Jure, quo usi sunt post Justinianum Occidentales Populi</i> , p.	58
C AP. V. <i>Quâ ratione laudari soleant leges & loca Juris Civilis</i> , p.	61
C AP. VI. <i>Nota, quibus brevitatis causâ uti solent Jurisconsulti</i> , p.	64
C AP. VII. <i>De Autoritate & Utilitate Juris Civilis, ubi & Gallici Juris hodierni Origo perstringitur</i> , p.	69

CAP. VIII. *Justiniani vita*, p. 89

CAP. IX. *De Romani Juris Interpretibus Primariis, & interpretandi Ratione*, p. 99

CAP. X. *Series Institutionum per Libros & Titulos*, p. 117

Rubrica Quatuor Librorum Institutionum carmine expressæ, p. 130

CAP. XI. *Series Digestorum*, pag. 134

Materiarum; quæ in Septem Partibus, Digestorum continentur, Index versibus exaratus, p. 167

CAP. XII. *Series Codicis*, p. 170
Ordo Duodecim Librorum Codicis versibus inclusus, p. 180



P R Æ F A T I O.



OS ad justitiam esse natos,
neque opinione, sed natura
constitutum esse Jus,
Tullius affirmat, *lib. 1. de
legibus*. Certè, ut, eodem

I. Jus aliquod apud
omnes
gentes in
usu.

judice, nulla gens est, neque tam im-
mansueta, neque tam fera, quæ non,
etiamsi ignoret qualem habere Deum
deceat, tamen habendum sciat: ita
nulla inveniri natio potest, quæ, licet
quid sit Jus nesciat, Juris tamen aliquâ
specie non utatur.

II. à Ro-
manis præ
ceteris
excultum.

Sed cum gentes aliæ aliis cultiores
fuerint, artesque alias alii studiosius
excoluerint: tantum præceptis justitiæ
servandis, jurisque regulis perdiscendis
tradendisque Romani supra ceteros om-
nes populos excelluerunt; ut dubium
sit, utrum imperio ac religione, quibus
totum ferè orbem olim in ditionem
suam redactum, adhuc subiectum te-
nent; an Jurisprudentiæ laude nationes

A ij


reliquas superaverint. Idque vel ex eo patet quòd post amissum imperium, legibus tamen suis, non modò per Europam omnem, quacunque Christiana viget fides, sed & Leunclavio teste, in media Turcarum adhuc barbarie regnant.

III. Jus Romanum ut rectè discatur, ejus cognoscenda Historia.

Illius itaque Originem, Progressum, atque Historiam universam paucis complecti constitui. Ejus quippe rei cognitio in toto studii juridici decursu omnino necessaria est, utpòte sine qua, tum in percipiendis legibus singulis, tum in conciliandis quæ invicem pugnare videntur, meræ ubique tenebræ occurrant. Hinc autem facilè, & autoritas juris illius, & studii ejusdem addiscendi, cunctis hodieque forum ubivis sequentibus incumbens necessitas apparebit.

IV. Varius ejus pro variis temporibus status.

Romanæ Jurisprudentiæ non eadem semper ratio fuit : sed pro variis Reipublicæ mutationibus varia. Ejus igitur status in tria admodum diversa tempora distinguere potest : quorum Primum ante Justinianum fuit : Alterum sub ipso Justiniano, qui Jus Romanum in ordinem & quasi in artem redegit : Tertium post eundem Imperatorem.



DE JURIS CIVILIS

ORIGINE

ET PROGRESSU

ANTE JUSTINIANUM.

CAPUT PRIMUM.

JU s, quod præcessit Justinianum, ^{r. Anti-}
 tribus maximè Intervallis constat, ^{qui Juris}
 quibus quicquid continetur, Jus Priscum ^{tres diver-}
 est. Antiqui autem illius Juris Interval- ^{sæ ætates.}
 lum primum continet Regium statum,
 annisque 244. finitur. Secundum Spa-
 tium Reipublicæ liberæ statum per an-
 nos circiter 486. complectitur, ad legem
 usque regiam de Imperio Augusti latam
 an. u. c. 730. Adjungi possunt anni 36.
 Reipublicæ adhuc quasi liberæ, sub Au-
 gusto ad primordia Tiberii, qui comitia
 in Senatum, aut veriùs omnem Senatus
 populiq; potestatem ad se transtulit. Ter-
 tium intervallum est status Monarchici
 sub Imperatoribus, à Tiberii primor-

A iij

diis ad initia Justiniani , estque annorum fermè 514.

ÆTAS
PRIMA.
sub Regi-
bus.
I. *Leges
Regia.*

PRIMÆ ÆTATIS Jurisprudentia *Leges Regias* habuit , à Regibus nempe, Comitiiis plerasque Curiatis , quasdam Centuriatis latas.

Curiata Comitia à Curiis appellata , in quas, sacrorum præsertim causâ , Cives conveniebant ex instituto Romuli. Is quippe populum in tres primùm majores partes , quæ Tribus dictæ sunt; atque harum singulas in partes decem minores divisit , quas vocavit Curias ; propterea quod Reip. curam per sententias partium earum expediebat , ut loquitur Pomponius Jurisconsultus in lege 2. Digestis de Origine Juris. Atque hæc sola Comitia in usu fuere usque ad Servium Tullium , qui habitâ census & facultatum cujusque ratione, universum populum in sex Classes partitus est , classibus in Centurias omnino 194. distinctis, ex Livio lib. 1. Hinc per Centurias lata suffragia , in Comitiiis , quæ idcirco *Centuriata* dicta. Prima porro Classis , quæ ex primoribus & locupletioribus constabat Civibus , Centurias 98. habebat : & sic majorem per se numerum , quam reliquæ omnes simul ;

quæ numerum 96. non excedebant : quod ideò factum , ut in Comitiiis superiores essent ii quorum maximè intererat salvam esse Rempublicam.

Latas Regum temporibus Leges in unum volumen regnante Tarquinio superbo, aut potiùs Prisco, redegerat Sext. Papirius , cujus opus appellarunt *Jus Civile Papirianum* : de quo Jure conscriptum à Granio Flacco librum testatur Jurisconsultus Paulus in lege 144. Dig. de verbor. significat. In editione Florentina. Qui liber, Commentarius videtur fuisse in leges Regias. Illius Granii Flacci meminit Macrob. 1. Saturnal. cap. 18. & Arnob. lib. 3. adversus Gentes.

Harum legum fragmenta quædam adhuc supersunt, Ant. Augustini, Fulvii Ursini, Pauli Manutii, aliorumque eruditione præstantium virorum studio, ex priscis scriptoribus collecta ; conditarum scilicet à Romulo, Numa, & Servio Tullio (cujus quinquaginta extitisse de contractibus, deque criminibus leges discimus ex Dionysio Halicarnasæo lib. 4.) Sed & legum ab aliis quoque Regibus latarum sententias, cumque his recepta sub Regibus singulis insti-

A iij

cuta ; ūndique cōquisita ; cæteris ; accuratiùs vel audaciùs , consarcinarunt , Valentinus Forsterus in sua Juris Historia , & Joannes Velcurio in commentariis ad T. Livium ; inter quos tamen de numero legum aut institutorum cujusque non satis convenit. Sunt enim

Apud Forster. apud Velcurion.

Leges seu Instituta.	{	Rom.	17.	25.
		Numæ	6.	33.
		Host.	1.	16.
		Anci		12.
		Tarq.Pr.		24.
	{	Tull.		50.

Tarquinius Superbus nullas tulit Leges : exlex ipse , alienis invidit.

ÆTAS
SECUNDA
sub Re-
publica.
1. Incertum
jus.

SECUNDA ÆTATE Romani, primum quidem incerto jure, saltem quod attinet ad privata negotia, usi sunt. Licet enim statim post Reges exactos, teste Dionysio Halicarn. lib. 5. legem tulerint primi Consules de restituendis Servii Tullii legibus, quas Tarquinius Superbus aboleverat : videntur tamen omnes postea sublata Lege Tribunitiâ ; quâ Tribunorum plebis potestas constituta est, primâ secessione plebis à pa-

tribus, anno fermè 17. ab ejectis Regibus, ut probat eruditissimus Cujacius ad d. l. 2. §. 3. D. de Orig. Juris. Inde post annos 56. nimirum anno à condita urbe fermè 300. ad sedandas plebis, certo jure uti postulantis, ac Patriciorum, discordias, convênit ut undecunque optimæ leges conquirerentur, & constituerentur.

Itaque agente Tito Romilio, post Caium Terentillum Arsam Tribunum plebis, missi ea de causa tres legati Athenas, atque in alias Græcorum civitates, tum quæ in ipsa terra Græcia florebant, tum quæ in Italia conditæ fuerant à Græcis: non solum intra eum tractum, cui ex eo magnæ Græciæ inditum nomen, (ubi Locri, Thurii, alique populi); sed & extrâ eam regionem, ac vel in ipsa Tuscia (ubi Falisci, studiosi justitiæ habitati, atque ideo *æqui* à Virgilio dicti, ut Servius notat). Legatis triennio post reversis, adjecti septem viri, qui communi cum prioribus operâ certum Romanis Jus constituerent. Sic Decemviri legibus scribendis creati, translata in eos Consulium, cæterorumque Magistratum potestate; ita ut singuli decimo quoque die Jus redderent.

2. *Leges*
XII. *Tabularum.*

Eorum Princeps habitus Appius Claudius. Hi legum tabulas Decem, ex Solonis maximè legibus, Hermodoro Ephesio interprete, conscripserunt, & promulgarunt Comitibus Centuriatis anno secundum Livium 302. Verùm cum adhuc nonnulla deesse viderentur, creati cum Appio novi Triumviri, à quibus in duas Tabulas, communi operâ congestæ sunt Leges aliæ, ex Regiis præsertim veteribus institutis, & maximè ex Servii Tullii Legibus selectæ: quarum aliquæ moribus sæpe adscribuntur, quod usu antea frequentarentur. Hujusmodi est Lex Romuli, quæ constituta fuerat patrum in filios eximia potestas cum jure vitæ & necis. His duabus Tabulis adjectis ad decem anni superioris Tabulas, extitit *δωδεκάβιβλος*, sive Duodecim Tabularum volumen; quæ Leges anno 304. ab u. c. probatæ, *Fons omnis publici privatiq; juris* fuere, ut Livius appellat lib. 4. aut, ut Tacitus annal. 3. *finis aquæ juris*.

Ex his fluxere Jurisprudentium interpretatione, tum disputatio ac tritura fori (quæ Juris Civilis nomen sibi specialius vindicavit), tum legis Actiones, sive formulæ agendi ex unaquaque ea-

rum Legum, Jure Civili Flaviano & Aeliano comprehensæ, de quibus Pomponius d.l. 2. §. 5. ac duabus sequentibus de Origine Juris.

Has Duodecim Tabularum Leges pueri foro destinati, velut solenne carmen, addiscebant, teste Cicerone: qui earum libellum audacter affirmat, unum Bibliothecas omnium Philosophorum, & autoritatis pondere, & utilitatis ubertate superare. In illis enarrandis priscorum Jurisprudentum non pauci desudaverant: imprimis autem Q. Antistius Labeo, & ultimo loco Caius.

Ex Tullii ejusdem libris de Legib. atque ex aliis autoribus priscis, hæc leges superiori atque hoc nostro sæculo à pluribus eruditis viris, quoad fieri potuit, collectæ & explicatæ sunt, in quibus P. Pithæus, Jac. Rævardus, Theodorus Marcilius non postremum locum tenent. Sed felicius, cæteris Jac. Gothofredus, nativo eas ordini videtur restituisse.

Hoc temporis intervallo, post generales illas Leges duodecim Tabularum, singulares aliæ Leges à populo, ex Senatus ut plurimum autoritate, variis de rebus constitutæ sunt. Illarum pleræ-

3. *Leges singulares.*

que , partim per seditionem extortæ , partim per ambitum latæ ; omnes de singulis rebus , aut personis , non de universo jure fuerunt. Leges hæc Singulares de autorum sive Magistratuum , unamquamque suadentium & rogantium , nomine dictæ , tum ab aliis , tum à Fulvio Ursino , Paulo Manutio , atque Antonio Augustino collectæ sunt.

Ferebantur Leges per hæc tempora à Majoribus Magistratibus , qui diu ex solis Patriciis fuerunt ; tam Ordinarii , Consules putà , Censores , Prætores ; quàm extra ordinem creati , veluti Dictatores , Tribuni militum Consulari potestate , &c. Solebant autem ferri Centuriatis Comitiis ; ita ut à singulis Civibus in sua Centuria , suffragium , initio quidem vivâ voce diceretur ; postea verò ex lege Papiriâ à Caio Papirio Carbone Tribuno plebis anno u. c. 621. Coss. Publ. Popilio Lænote & Publ. Rupilio latâ , cautum est , ut in jubendis legibus , aut vetandis , populus Tabellâ suffragium ferret , quò scilicet liberius esset cujusque judicium. Porrigebantur unicuique , ovile sive septum per pontem intranti , tabellæ duæ , quarum altera duabus litteris notata

notata erat *V. R.* id est, *uti rogas* : altera verò literam *A.* præferebat, id est, *Antiquo*. Priori utebantur qui legem probabant, directo Sermone ad Legislatorem, qui eam rogabat, id est, interrogabat an eam vellent. Posteriore indicabatur legis rejectio : id enim significabat verbum *antiquare*.

Legibus adjungenda sunt Plebiscita, 4. Plebis
cita. sic appellata, quod à plebe sciscerentur, non ab universo populo, ut leges. Verùm & hæc legum sibi nomen sæpe numero vindicant, & à Tullio vix aliter quàm Tribunitiæ leges vocantur, quòd Tribunos plebis haberent auctores. Et verò cùm anno u. c. 260. propter Patriciorum fœneratorum scæviti-
tiam, plebs armata à Senatu secessisset ultra Anienem Fl. in montem, qui deinde Sacerdictus est : Menenii Agrippæ suasu in concordiam quidem rediit; sed eâ lege ut Tribunos suos, proprios scilicet plebis Magistratus haberet, quorum operâ defendi posset ab injuriis potentiorum. Sed Tribunorum Scitis nonnisi plebei tenebantur adstricti; donec alterâ secessione in Aventinum Crustumerinam illam sequutâ, ob Appii Claudii Decenviri impotentiam &

libidinem, à Virginio Centurione, anno urbis 304. concitarâ, constitutum est, lege à Marco Horatio Consule latâ; ut ea in omnes Cives, etiam Patricios valerent. Verùm, cùm hæc lex minus servaretur: tertiâ deinde seditione & secessione in Janiculum anno u. c. 467. cautum est novâ lege per Hortensium Dictatorem, ut Plebiscitis omnes Quirites æquè tenerentur.

Fiebant Plebiscita Comitiis Tributis, quibus Plebei sua quisque in Tribu suffragia ferebant, rogante Tribuno plebis, qui Magistratus diu Plebeiis tantùm patuit.

§. *Senatus-
consulta.*

Per eadem tempora edebantur *Senatusconsulta*, id est Decreta *Senatus*: qui ordo statim ab urbe condita consilium publicum civitatis fuit, & de maximis quibusque rebus consultabat ac decernebat; tribus tantùm causis à Romulo populi potestati permissis, cùm scilicet leges ferendæ essent, Magistratus creandi, aut bellum indicendum finiendumve esset: quod teste Dionys. Halicarn. lib. 4. ita prioribus sæculis fiebat, ut Scita populi à Senatu postea confirmarentur; posterioribus verò temporibus ita ut Senatus auctori-

ritate suâ populo præiret , ex lege nimirum Publiliâ , quâ Q. Publ. Philone Dictatore sancitum est , ut legum , quæ Comitiis Centuriatis ferrentur , Patres , ante initum suffragium , auctores fierent anno u. c. 514. ut Livius lib. 8. testatur. Atque hæc erat *Senatus Auctoritas* à *Senatusconsulto* diversa. Illa quippe plenum per se robur non habebat , nisi quatenus plerumque populus judicium Senatus sequebatur : at *Senatusconsulta* de rebus quarum penes eum ordinem solum potestas erat , statim valebant , non expectato populi consensu.

Anno deinde 386. ab u. c. cùm Consules , qui hæctenus juri dicundo præfuerant , bellis ambo extra urbem avocarentur ; institutus atque huic muneri præpositus est Prætor Urbanus , qui edictum initio Magistratus sui publicè proponebat in tabula dealbata , quæ idcirco album Prætoris dicebatur , ut scirent homines , quòd jus de quaque re quisque dicturus esset. Hæc *Edicta* , quemadmodum Prætoris ipsum munus , annua erant , unoquoque Præatore proprium edictum proponente : unde Jus illud edictale minùs certum erat ; do-

6. *Edicta*
Magistratum.

nec lex Cornelia anno u. c. 673. à L. Cornelio Sylla iterùm Consule rogata, sanxit, ut Prætores ex edictis suis perpetuis jus dicerent : unde Ofilius J. C. edictum Prætoris primus composuit circa Augusti initia ex Pomponio d. l. 2. §. 44. de Orig. Juris. Alii quoque Magistratus, etiam minores & Plebei, edicta proponere solebant: sed non Jurisdictionis causâ, verùm prout res inciderat, quoties monendus populus erat, seu aliquid jubendum publicè. Ædiles tamen Curules, cùm de mancipiis & jumentis emendis vendendisque, aliisque rebus ad ipsorum curam spectantibus cognoscerent, Edictum suum proponebant. Additi Urbano alii quoque Prætores partim in urbe, vel inter peregrinos, vel de certis rebus, tutelis putà, fideicommissis jus dicebant : alii in provinciis. Aucto itaque paulatim numero Magistratuum, ex his omnibus decem Tribuni plebis, Consules duo, decem & octo Prætores, sex Ædiles in civitate Jura reddebant, teste Pomponio d. l. 2. §. 34. Horum varia Edicta Juris dicendi causâ comparata, generali Juris Honorarii nomine continebantur.

Post Augustum verò , translatis à Tiberio ex campo Martio in Senatum Comitiis , ut Tacitus lib. 1. Annal. tradit , simulacrum quoddam autoritatis , in privato præsertim jure constituendo , huic ordini relictum est : cùm quod de unaquaque re principes constituturi essent , orationibus in Senatu recitatis , aut epistolis ad eum missis complecti solerent , easque Orationes sive Epistolas Senatusconsulta de his rebus sequerentur : unde hujusmodi Scita , modò sub nomine Senatusconsultorum , modo sub hujus vel illius principis , Orationum aut Epistolarum nominibus promiscuè laudantur : quod à Tiberio ad Marcum Antoninum valuit : estque hæc prima pars Juris quod tertia ætate Romanæ Jurisprudentiæ obtinuit.

Præterea Imperatoris Hadriani jussu , ejusque anno 15. , Christi circiter 132. , *Edictum perpetuum* à Salvio Juliano Jurisconsulto non solum prioribus Prætorum Edictis in ordinem ac titulos digestis ; sed nonnullis etiam additis , deductis , aut immutatis compositum fuit ; cujus æquissimum Jus fundus Jurisprudentiæ præcipuus ex eo haberi cœpiti

ÆTAS
TERTIA
sub Imperatoribus.
1. *Senatus-consulta secundum*
Orationes principum.

2. *Edictum perpetuum.*

Huic non absimile fuit Edictum Provinciale, quo utebantur in Jure dicundo Rectores provinciarum, admixto, si quid specialis Juris in unaquaque provincia ex fœderum legibus, aut privilegio quodam servaretur.

3. *Responsa
Prudentum.*

Responsis quoque Jurisprudentum ab Augusti temporibus magnum robur accessit. Nam præter quàm quod eorum consilio Imperatores Jus dicebant, & Jura condebant; selectis etiam ex eorum numero quibusdam, non privatâ solùm, ut priùs, sed publicâ & principis autoritate de Jure respondendi facultas concessa non est.

Celebres
Juriscon-
sulti
Rom.

Duodecim quidem Tabularum & Interpretatio & Actiones apud Collegium Pontificium diu fuerant, velut arcanum quoddam. Sed Appii Claudii cæci scriba Cn. Flavius subreptum Actionum librum populo tradidit, ex quo Tribunatum plebis, Senatoriam dignitatem & Ædilitatem consequutus est: deque ejus nomine liber ille Actionum appellatus est Jus Civile Flavianum: cui novum Actionum, quæ adhuc deerant, librum adjecit paulo post, ac populo dedit Sext. Ælius: unde dictum Jus Civile Ælianum. Nihilo tamen minus

magnam semper auctoritatem apud populum ex illa Legum interpretandarum potestate retinuerunt, non modò Pontifices, sed & cæteri Jurisconsulti, tum quod, cum omnia ferè negotia solennibus adeò alligata essent, ut qui syllaba cadebat, is causâ quoque caderet, peritorum consilio in rebus suis ritè ac tutò gerendis homines indigerent: tum quod eam scientiam nonnisi viri in civitate Primarii profiterentur, ut qui hanc ad consequendos Magistratus certissimam esse viam viderent. Memorantur imprimis *Appii Claudii* duo, Decemvir & Centimanus qui postea Cæcus ex casu cognominatus, & P. *Sempronius* quem solum ex omnibus Romanis populus *Σοφὸν*, id est, Sapientem idcirco appellavit. C. quoque vel P. Scipio Nasica, & Quintus Mucius.

Sed hi aliique similes vel in latenti Jus Civile retinere cogitabant, vel solum Consultatoribus potiùs quàm discere volentibus vacabant, itaq; omnium primus Tiberius Coruncanius publicè professus traditur qui Consulatum gessit anno u. c. 473. primusque de plebe Pontifex maximus creatus est circa annum 500. Post Coruncanium Mar-

cus Cato ejusque filius, tum Publius Mucius, Marcus Junius Brutus, & Manilius, Quintus Scævola, ejusque discipuli, in quibus Q. Ælius Tubero, Sextus Pompeius magni Pompeii patruus, Aquilius Gallus. Clari præ cæteris Servius Sulpicius, Alfenus Varus, Aulus Ofilius, & Caius Trebatius Testa cognomine, & A. Cascellius, Ciceroni supparet aliique maxima ex parte Consulares, Prætorii, quidam Pontifices etiam maximi fuere.

Sabiniani
& Procu-
leiani.

Per hæc tempora dividi cepere Jurisconsulti in duas velut sectas sive familias; quæ ab Imperio Augusti ad Marcum usque Antoninum extitere: earum Autores memorantur Atteius Capito qui Consul cum Germanico fuit anno 764. Ofilium secutus, & Antistius Labeo, institutus à Trebatio. Prior in iis quæ ei tradita fuerant, perseverabat. Labeo ingenii qualitate, & fiducia doctrinæ plurima innovare instituit, ut est apud Pomponium sapius laudatum l. 1. D. de Origine Jur. §. 49. Ab illo Sabiniani sive Cassiani, ab hoc Proculiani sive Pegasiani orti, quorum series ibidem sic describitur.

SABINIANI		PROCULEIANI	
Ab <i>At. Capitone</i>		Ab <i>Antist. Labeone.</i>	
Sub Tiberio			
* <i>Masur. Sabinus</i>		<i>Nerva Pater</i>	
Sub Calig. Claud. & Nero.			
* <i>C. Cassius Longin.</i>		* <i>Proculus</i>	
		<i>Nerva fil.</i>	
Sub Vespas. ejusque			
filiis			
<i>Cal. Sabinus</i>		* <i>Pegasus</i>	
Sub Traiano,			
<i>Javolenus Priscus</i>		<i>Celsus pater</i>	
Sub Hadriano,			
& Anton. pio			
<i>Aburnus Valens,</i>		<i>Celsus fil.</i>	
<i>Tuscanus</i>		<i>Neratius Prisc.</i>	
<i>Salvius Julian.</i>			

Qui post hos Jurisprudentiam cum laude excoluerunt, ab Antonino Pio ad Constantinum ferè, hi nulli sectæ addicti, dissidia componere magis distinctionibus adhibitis, quàm augere studuerunt: Erciscundi idcirco appellati, id est, Divisores; quod Sabinianorum & Proculianorum sententias ita dividerent, ut prout æquitas suadere videbatur, utrasque partim probarent, partim rejicerent.

Excellentium Jurisconsultorum per hæc tempora ingens copia fuit. Celebrantur præ cæteris, sub ipso Antonino

Præcipui post Hadrianum Jurisconsulti.



no, *Sextus Cæcilius Africanus* : Sub Marco Aurelio Antonino Philosopho, & Lucio vero fratribus, *Caius & Papirius Justus* : Sub eodem Marco & Commodo *Pomponius & Marcellus* : Sub Commodo *Cervidius Scaevola*, & *Florentinus* : Sub Severo *Tertyllianus* : Sub eodem & Caracalla *Callistratus*, & *Papinianus* : Sub Caracalla quoque *Licinius Rufinus*, *Thryphoninus*, *Jul. Paulus* atque *Ulpianus* : Sub Alexandro Severo, *Marcianus* & *Æmilius Macer* : Sub Gordiano *Modestinus* circa annum Domini 240. Qui deinde sequuti sunt, publicè in tribus Imperii civitatibus ad hoc designatis, Romæ nimirum, Constantinopoli; & Beryti docendi munere contenti, vix quicquam ad illustrandum Jus Civile contulerunt. Memorantur tamen sub Constantino ejusque filiis *Hermogenianus* & *Arcadius Charisius*.

Eorum
autoritas,

Cùm itaque ante Augustum non aliter pro Jure valerent Prudentum responsa, quàm si usu fori paulatim recepta fuissent : certum autoritatis robur eis additum est, postquam Augustus constituit ut ex autoritate ejus selecti homines responderent ; quod J

Sabino concessum esse à Tiberio Cæsare testatur Pomponius sub finem L. 2. sæpius nominatæ, de Orig. Jur. nec vivis tantum hæc data facultas, sed & mortuorum scriptis tandem vim & jus lectionis Principes tribuerunt; id est, eam auctoritatem, ut eorum sententiæ in judiciis pro certo jure & quasi lege adduci possent: ut patet ex Theodosii Junioris ac Valentiniani 3ⁱ. epistola ad Senatum, ex quâ desumpta est Lex unica Cod. Theodos. de Respons. Prudent. cujus tenorem, ut melius percipiatur ejus rei usus, hic inferere visum est. *Papiniani, Pauli, Caii, Ulpiani, atque Modestini scripta universa firmamus. Ità ut Caium, atque Paulum, Ulpianum & cæteros, comitetur auctoritas lectionis, quæ ex omni opere recitatur. Eorum quoque scientiam, quorum tractatus atque sententias prædicti omnes suis operibus miscuerunt, ratam esse censemus, ut Sævola, Sabini, Juliani, atque Marcelli, omniumque, quos illi celebrarunt: Si tamen eorum libri, propter antiquitatis incertum, Codicum collatione firmentur. Ubi autem diversa sententiæ proferuntur, potius numerus vincat Autorum: vel, si numerus æqua-*

lis sit, ejus partis pracedat autoritas, in qua excellentis ingenii vir Papinianus emineat; qui, ut singulos vincit, ita cedit duobus. Notas etiam Pauli, atque Ulpiani in Papiniani corpus factas, sicut dudum statutum est, precipimus infirmari. Ubi autem pares eorum sententia recitantur, quorum par censetur autoritas, quod sequi debeat, eligat moderatio judicantis. Pauli quoque sententias semper valere precipimus &c. Dat. VII. id. Novembris Ravenna D D. N N. Theod. XII. & Valentiniano II. A A. Coss.

Eorum
res à qui-
bus con-
scriptæ.

Horum veterum Jurisprudentium vitas plures scripsere, Bernardinus imprimis Rutilius & Fichardus superiori sæculo: hoc verò nostro Joannes Bertrandus Præses Tolosanus duobus libris Βιινομικὼν, sive de Jurisperitis; & Guido Pancirolus, priori parte librorum de claris Legum interpretibus. Quibus non pauca licebit adjicere ex erudito *Amœnitatum Juris* opere, quod nuper in lucem edidit V. Cl. deque omni literarum genere, & vulgaribus etiam linguis optimè meritis, Ægidius Menagius, à quo accuratissimum, ejusque exquisitâ eruditione dignum Commentarium in Titulum de *Origine Juris*

Sed quoniam imperii vis omnis temporibus illis penes Principes erat, præcipua Jurisprudentiæ pars sub hoc tertio statu posita erat in eorum *Constitutionibus*, quæ plurium generum fuere. Aliquando enim Imperator ipse, in sacro Consistorio inter partes cognoscebat; unde manarunt *Decreta* & *Cognitiones*: sæpe ad Consultationes Magistratum, aut ad Libellos privatorum rescribebat; unde *Rescripta* seu *Epistolæ*; itemque breviores *Annotationes* ac *Subscriptions*: alias missæ ad Senatum oratione, aut sub Edicti, vel generalis Legis vocabulo, aut adjecto per Programmata publicè vulgandi jussu, Jus in universum constituebat; unde *Edicta* & propriè dictæ *Constitutiones*, quæ naturâ suâ Legum vim obtinent: cum *Rescripta* & *Decreta* non aliter similitum causarum fata componant, nec generaliter pro Legibus servantur, quam si eam esse Princeps voluntatem suam palam declaret; aut, si Codici Legum, insus jussu, inferantur. Quandoque adhibito tractatu & consilio, ad preces præsertim civitatum, provinciarum, vel cujuscunque universitatis aut corporis, fusiùs respondebat; ex

IV. CONSTITUTIONES IMPERATORUM.
I. Variarum generum.

quo *Pragmatica Sanctiones* : denique nonnunquam dissentientium Jurisconsultorum sententias definiebat, unde natæ sunt *Decisiones*. *Mandata* verò Principum, non Jus generale continebant, sed Officium Magistratuum quibus dabantur.

2. Ea in
tre Codices
collata.

Per hæc tempora Imperatoriarum Constitutionum tres Codices in lucem prodire, Gregorianus, Hermogenianus, & Theodosianus : quibus in Codicibus diversorum Principum, ab Hadriano usque, Constitutiones collectæ, ac per titulos digestæ fuerunt. Priores duo privatâ Autoritate compositi, deque compilatorum nomine appellati, Leges complectebantur Ethnicorum Cæsarum, qui ante Constantinum imperaverant; Gregorianus eorum, qui ab Hadriano ad Diocletiani primordia rem Romanam rexerant; Hermogenianus, Diocletiani præsertim & Maximiani Constitutiones; ut Cujacius censebat : nam Jacobus Gothofredus utrumque eadem omnino tempora sequuntur conjicit. At Theodosianus à Theodosio Juniore nomen accepit, cujus jussu ab octo viris ad id delectis anno Christi 438. est conscriptus. Hic

sedecim libris, ad ordinem ferè Edicti perpetui, quem sequutus in suo codice fuerat Gregorius, digestis; Edicta & Rescripta per Christianos Principes ab initio Constantini, tum de Prophanis & Civilibus, tum de Ecclesiasticis rebus promulgata continebat. His additæ denique sequentium Augustorum novæ Constitutiones, Novellæ idcirco nuncupatæ, quod novissimè post Codicem Theodosianum emanassent.


Juris Romani sub imperatoribus Justiniano vetustioribus, certum in ordinem redacti, reliquias plures viri docti, quoad licuit, hæctenus, accuratè collegerunt. In *Edicto* quidem *Perpetuo* ex Digestorum Justiniani libris, fragmentisque veterum Jurisconsultorum ibidem comprehensis, eruendo & concinnando, egregiè versatus fuerat Guil. Ranchinus sub finem superioris sæculi. Illud, conjecturâ ex ordine Commentariorum, in Edictum ab Ulpiano, cæterisque prudentibus editorum, ductâ, ad nativum suum ordinem revocare ante aliquot annos conatus est idem Jacobus Gothofredus Dionysii filius: cujus nuper in lucem prodire ampli atq;

3. Horum
Jur. um
reliquiæ à
quibus
præsertim
collectæ.

eruditi inCod. Theodosianum Commentarii operâ A. Marvillii Ant. valēt.

14 Qualis
ad nos
perven-
it Codex
Theodo-
sianus

Hic tamen Codex ad nos integer non pervēnit. Ejus breviarium & excerpta ad usum populorum, qui Visigothis parebant, Goiaricus Comes Alarici Regis jussu concinnaverat, additis interpretationibus: qui liber Aniano vulgo adscribitur, quem tamen Referendarii & subscriptoris dumtaxat partibus functum probabilius est. Eo autem volumine, cui fragmenta quædam priorum Codicum Gregoriani & Hermogeniani; itemque Institutionum Caji; Regularum Ulpiani, & Sententiarum Pauli adjecta erant, usi diu Galli, atque Hispani sub nomine Codicis Theodosiani, aut Legis Romanæ. Atque hunc Codicem sic decurtatum primus edidit Basileæ Jo. Sichardus anno Christi 1528. Joannes deinde Tilius Parisiis posteriores octo libros integros (ultimo excepto, qui adhuc mutilus) vulgavit anno 1549. Cujacius sextum ferè totum, septimum, atque octavum integros accepit à Stephano Charpino, & operi una cum ultimi supplemento adjecit anno 1566.



DE JURE

PER JUSTINIANUM

IN ORDINEM REDACTO.

CAPUT II.

S E Q U I T U R Secundum tempus, quo Romana Jurisprudencia certam à Justiniano formam plenissimè accepit: Id, intra septennium perfectum est, operibus quatuor, quorum tria duntaxat ad nos pervenerunt, præter adjectas subinde Constitutiones singulares, quæ postea collectæ, volumen quartum formarunt. In suis conficiendis operibus usus est Imperator operâ delegatorum ab se, tum Magistratum, tum Antecessorum, atque Advocatorum: His verò delegatis præerat Tribonianus. Absolutum porro est hoc Justitiæ Romanæ Templum (uti ab ipso autore vocatur) post 1280. annos, quibus Res Romana steterat. Sed pro eo numero rotundiorum 1309. subjecit Justinianus in Constitu-

SECUN-
DUM TEM-
PUS SUB
JUSTINI-
ANO.

1. Juris à
Justiniano
compositi
quot sint
partes.

tione de Confirmatione Digestorum ad magnum Senatum, sive *l. 3. Cod. de vet. jur. enucl.*: unde corrigendæ sunt Constitutiones aliæ, sive Epistolæ ejusdem Principis, in quibus pro trecentis, quadringenti anni corrupte hodiè leguntur. Hujus Compositionis hic fuit ordo.

I. CODEX
PRIOR

Primum quidem Decio Consule, id est; anno Domini 529., quem Justinianus Imperii sui tertium numerabat, idibus Aprilis prodiit *Codex Prior*, tam ex tribus prioribus Codicibus Gregoriano, Hermogeniano ac Theodosiano, quàm ex Novellis sequentium Imperatorum, ipsiusque Justiniani aliquot Constitutionibus compositus.

II. INSTI-
TUTIONES.

Tum anno Christi 533. Imperii septimo, Consulatu Justiniani 3. editæ sunt, XI. Kal. Dec. id est 21. Novembris, *Institutiones*, sive Elemètorum ac principiorum Juris, Libri 4., in titulos 99. & Paragraphos (si titulorum initia computes) 816. distincti. Quod opus in gratiam tironum, exemplo còplurium Jurisconsultorum, Caji præsertim, Ulpiani, & Florentini, partim etiam ipsorum verbis concinnatum est à Triboniano Magistro & exq̃uestore sacri Palatii & Excòsule, simulque à Theophilo Constantinopo-

litano, ac Dorotheo Berytenſi Anteceſſoribus, qui viri Illuſtres nominantur, honoratiſſimo, nec niſi primæ dignationis Magiſtratibus conceſſo, titulo.

III. DE
GESTA.

Eodem anno, xvii. Kal. Januarias, ſive die 16. menſis Decembris, promulgatum eſt Pandectarum ſeu Digectorum difficile opus, univerſa veteris prudentiæ monumenta in unam conſonantiam, ut loquitur Juſtinianus, redacta atque in ordinem digeſta complectens.

I. Quo
tempore
edita.

Hinc operi nomen duplex, Latinum quidem Digectorum; Græcum autem Πανδεκτῆρ; utrumque à priſcis Juſiſprudētibus uſurpatum. *Digectorum* autem nomen ex eo inditum fuit, quòd in his libris veterum Juſiſprudētium ſententiæ ſub ſuos titulos certo ordine Digectæ ſint, juxta ſeriem nimirum Ediſti Perpetui, quoad fieri potuit. *Pandecta* vero inde dicuntur, quòd univerſum Juſ antiquum complectantur: Eſt enim Græcè πᾶν, omne, ſive totum; & δέχομαι, capio.

2. Eorum
nomina &
Etymologia.

Decerptum itaque fuit opus Digectorum ex veterum Juſiſconſultorum, tum Reſponſis, tum notis ad Legeſ aliasque Juſiſ Romani partes, ac præſertim ad Ediſtum Perpetuum;

3. Unde
collecta.

tum etiam ex tractatibus, librisque Methodicis, & reliquis Commentariis eorundem: quæ Jurisprudentum opera ad duo penè millia voluminum, ver-
sum autem tricies centena millia ex-
currebat, seu, quod idem est, trecen-
tas myriadas.

4. Ubi Ca-
talogus
Autorum
ex quibus
ea de-
prompta.

Syllabus veterum Jurisprudentum, ex quorum scriptis compositi sunt Dige-
storum libri, præfixus extat Pandectis
Florentinis: ubi Autores leguntur nu-
mero 37. in quibus ii eminent, quorum
nomina jam ante retulimus. Reliqui
ab iisdem in operibus suis nominari ac
laudari meruerant, aut etiam Commen-
tariis, notisve illustrari. Eorum ibi re-
censentur Libri tantum mille quingen-
ti sexaginta & unus.

5. Index
Legum,
ad seriem
operum
Auctoris
cujusque
accommo-
datus.

Legum ex unoquoque libro decer-
ptarum, Indicem, ad suos quamque
Autores, suæque tempora revocantem
debemus industriæ Jacobi Labitti: qui
& duorum Jurisprudentium, in Floren-
tino indice prætermisforum nomina,
cum brevi singulorum Jurisconsulto-
rum veterum vita, seu elogio; & ex
nonnullis eorum operibus, quæ Ca-
talogo Florentino deerant, Leges ali-
quas adjecit. Indicem non abfimilem

concinnavit postea Antonius Augustinus lib. *de nominibus propriis* τὸ πρῶτον *Florentini*. Horum Indicum mirum in omni Legum studio usum unusquisque deprehendere poterit: & quæ quantaque ex his commoda sequantur, latè disseruit ipse Labittus: quod & recitationibus suis ad eum ordinem digestis, confirmavit præ cæteris eruditissimus Cujacius.

Digestorum operi componendo, præter illos tres, quos exarandis Institutionibus incubuisse diximus, præfecti sunt à Justiniano ex ordine Illustrium Constantinus Comes sacrarum largitionum; & Magister Scrinii libellorum, sacrarumque cognitionum; Anatolius apud Berytenses, & Cratinus apud Constantinopolin Juris Interpretes; hic etiam Comes Sacrarum largitionum; unâ cum undecim causarum patronis in Præfectura Prætorii Orientis, ut ex Constitutionibus de Confirmatione Digestorum §. 9. discimus.

Hujus operis, quod in septem Partes divisum, libris 50. titulis 430. constat, versuum autem millibus 150. triplex hodie habetur Editio, nempe *Vulgaris* minùs correctâ, quâ usus Accursius &

6. Quorum opera confecta fuerint Digesta

7. Eorum divisio per Partes & Volumina

cæteri Glossatores ; *Norica* seu Noribergensis , quam Gregorius Haloander anno 1531. curavit ; & Florentina sive Pisana anno 1553. Typis mandata Francisci Taurelli operâ ex Medicæ Bibliotheca. Illius operis vulgata partitio, Bulgari atque Azonis temporibus orta , in Digestum *Vetus*, *Infortiatum*, & *Novum*, non aliâ ratione niti videtur , quàm molis ipsius , quæ adjunctis Glossis uno volumine comprehendere non posset , commodiùs dividendæ. Harum certè appellationum causas edere difficile , in opere quod totum eodem tempore natum esse constat. Atque , ut Tomi primus & postremus, *Digesti Veteris* & *Novi* nomen ex ipsa operis serie sortiri aliquatenus potuerint , eo quod vetera tempore præcedant , nova autem subsequantur : quo pertinet *Infortiati* vocabulum medio volumini inditum ? nisi fortè eorum sententiam admittere velimus , qui apud Accursiũ ex eo *Infortiati* nomen deducunt, quod *Fortes* Leges contineat, id est difficiliores , quales materia præsertim testamētaria complectitur. Nam, quod alij, eodem teste , derivant ab *Infortias* Chaldaeo , ut volunt, vocabulo,

dispositionem significante , eò quòd ibi de ultimis dispositionibus agatur ; vereor ut ejus linguæ peritis probetur. Tolerabilior fortè Alciati conjectura ex Græca Origine trahentis ; à nomine scilicet φορτίον , quâ dictione significari ait , merces omnes quæ importantur victûs causa. Quapropter Græci , penes quos libri Juris fuerant , cùm hunc totum Latinis tradebāt, (ubi de Dotibus, Tutelis ac Testamentis disseritur , quæ sunt de pane lucrando , ut vulgò loquuntur), dicerent se eis dare τὰ φορτία. Sed & onera quælibet ac sarcinas , & quicquid grave est , hac voce Græci exprimunt ; & φορτία appellant molesta , ac tædii plena. Unde ἀναφορτίζω , onus grave in humeros tollo : ex quo adjectivum ἀναφορτικὸν pro eo quòd ægrè tollitur ac portatur , & superlativum ἀναφορτικώτατον formari potuit , atq; hinc *Infortiatum* à Latinis facile derorqueri.

Sequenti anno , salutis nimirum 534. Imperii 8. Justinianus , cum in Digestorum opere concinnando animadversum esset multas esse in Jurisprudentum scriptis controversias , nondum imperiali autoritate decisas , aliaque nonnulla in priori Codice desiderari ; eum primâ

IV. CO-
DEX PO-
STERIOR
I. Cur
composi-
tus.

abrogatâ editione , secundis curis retractatum, & 50. Decisionibus auctum denuò vulgavit.

2. Ejus
divisio.

Atque hic novus *Codex*, repetita *Prælectionis* ex eo dictus, is est quo nunc utimur, in duodecim libros divisus, qui titulis 776. distinguuntur, ordinis ratione à serie Digestorum non admodum diversâ.

3. Nomi-
nis ratio.

Codicis nomen generaliter librum significat, à caudicibus arborum deducto vocabulo. Sed Jurisconsulti Codicem per antonomasiam appellarunt librum Legum ab Imperatoribus conditarum.

4. De
Indicel-
Im-
perato-
rum &
Legum
ab uno-
quoque
editarum.

Nomina Imperatorum numero 54. ab Hadriano ad ipsum Justinianum, qui vel singuli, vel plures simul, Auctores fuere Constitutionum in libros Codicis collatarum, præfixa reperies Codici per Dionysium Gothofredum edito, unâ cum Notarum interpretatione, quæ in earum tum inscriptionibus, tum temporis quo editæ sunt, subnotationibus, occurrunt. Indicem Legum ab unoquoque editarum confecere antedicti Labittus & Augustinus.

5. Per
quos e-
médatur
hoc opus.

Huic operi adhibiti sunt quinque
viri

viri ex eorum numero qui Digestis componendis operam dederant; quorum duo ex Illustribus fuere, Tribonianus Magister officiorum, Dorotheus Berytenfis Doctor, & tunc Quæstor Sacri Palatii (nos Cancellarium diceremus): reliqui tres togati fuere sedis Præfectoriæ.

Quanquàm autem triplici Institutionum, Digestorum, & Codicis volumine, Juris studio plenissimè consultum videretur: his tamen subinde, pro variis rerum argumentis, adjectæ sunt à Justiniano, sequentibus Imperii annis, novæ Constitutiones Græcâ linguâ conceptæ, Latinis *Novella* dictæ, Græcis *Νεαγγι*.

v. Novellæ.
1. Ratio nominis.

Harum sex & nonaginta duntaxat, Glossatoribus cognitæ fuerant; etsi Julianus Antecessor Constantinopolitanus, paulò post Justinianum, Latinâ linguâ Epitomen 125. Novellarum per capita conscripserat: Haloander quinque & sexaginta supra centum edidit; quibus tres addidit Cujacius; ut sint omnino Novellæ numero 168., quarum quæ tempore, omnium, ni fallor, postrema est, nimirum Novella 141. cadit in annum Justiniani 32. qui post

2. Numerus.

D

Consulatum Basilii est decimus octavus initus, Christi 558.

3. Collec-
tionis
ordo.

Hæ Novellæ, cum Edictis tredecim, in unum postea corpus, non ipsius Justiniani jussu, sed privati cujuspiam industriâ, collectæ sunt, ut ostendunt Cujacius & Antonius Augustinus. Digestæ verò sunt, servatâ ut plurimum temporum serie.

4. Cur
Authenti-
cum di-
ctum ea-
rum volu-
men,

Totum opus, ab Interpretibus in novem Collationes divisum, quæ librorum instar plurimos singulæ Titulos comprehendunt; dictum est *Authenticum*, sive quod hæ Constitutiones, ut pote Codicis Legibus posteriores, præcipuam obtinerent Autoritatem (id enim sonat Græcè *αὐθεντία*): sive quod integræ Novellæ pro autographis habitæ sint, comparatione Latinæ illius Epitomes à Juliano compositæ.

5. Earum
Interpre-
tationes
Latinæ.

Earum Latinæ Interpretationes exstant tres; vetus, cujus Autor Bulgarus putatur, refragante tamen Cujacio lib. 8. observationum cap. ult. Altera Haloandri suprâ memorati: Tertia Henrici Agylæi.

6. Quid
Authen-
ticæ.

Summæ ipsarum, non exiguo studioforum commodo, Legibus Codicis,

quæ similis argumenti videbantur, per Wernerum sive Irnerium antiquissimum Glossatorem, *Authenticarum* nomine, subjectæ, novissimum Jus à Justiniano constitutum suis locis indicant: sed cautè cum fontibus suis conferendæ, à quibus nonnunquam aliquatenus recedunt.

Tria porro sunt, quibus præsertim differt à Codice volumen Novellarum: I. Quòd Codex complectatur plurius imperatorum Constitutiones; Novellæ sint unius Justiniani. II. Quòd Leges Codicis Latinâ ferè linguâ, Novellæ Græco sermone scriptæ sint. III. Quòd in Codice Constitutiones in certas Classès ac Titulos, pro rerum varietate, ac plures sub uno Titulo dispositæ sint: in Novellarum autem volumine unaquæque Constitutio suum habeat Titulum; eæque servato magis temporis, quo unaquæque edita est, quàm rerum, ordine digestæ sint.

7. Inter Codices & Novellas quæ sint differentiae.

Juris studium Quinquennio definivit Justinianus: quod non servari suo tempore præstantissimus Cujacius queritur, eo tempore ad Triennium redactò. Nunc, quod Cicero, jam in legitima scientia versatus, sed eloquentiam fo-

S. Tempus & loca studii.

rensem umbratili Jurisprudentiæ antepo-
 nens, velut per jocum in orat. pro
 Muræna minabatur, triduo se Juriscon-
 sultum esse professurum; id hodie ma-
 gno publico malo apud nos fit. Adoles-
 centum pars major, quod in epistola
 ad eximium Ludovicum Nublæum Amæ-
 nitatibus Juris præfixa, nimium verè de-
 plorat Menagius jam laudatus, vix tri-
 duum, non Juris studio, sed Jurisconsul-
 ti assequendo titulo impendunt. At Ju-
 stinianus non modò certum tēpus quod
 dixi, studio Juris præfixerat: sed ejus
 professionem paucis locis ac selectis
 hominibus committi voluerat, quam
 sibi passim nunc omnes & ubique assu-
 munt. In universo Imperio Romano
 tres omninò Civitates erant in quibus
 Antecessores Jus Civile publicè profi-
 tebantur, Roma, Constantinopolis,
 & Berytus in Phœnicia, quam in Me-
 tropolin erexere Theodosius Junior &
 Valentinianus 3. Horum lege duo tan-
 tum erant qui Leges in Capitolio doce-
 bant, ac totidem Constantinopoli. Au-
 ctum postea hunc numerum constat, ni
 fallor, ex inscriptione Constitutionis
 à Justin. ad Antecessores emissæ, ubi
 novem numerantur Constantinopoli-

tani aut Berytenſes Legum Doctores; cum Roma Gothiſ adhuc pareret : quæ cauſa fuit cur in Conſtitutione ad magnum Senatum, (quo nomine Conſtan- tinopolitanum,) intelligit trium tantum Præſectorum Prætorio meminerit, Orientis nempe, Illyrici, & Africæ; nulla Præſecti Prætorio Italiæ, non magis quàm Præſecti Prætorio Gal- liarum, factâ mentione. Itaque extra urbes Regias, & Berytum tradi Civi- lem ſapientiam vetuit; ac nec apud Alexandriam Ægypti, aut apud Cæ- ſaream Palæſtinæ primarias civitates doceri permiſit, in quibus eo tempo- re quidam imperiti homines divaga- bantur, & doctrinam diſcipulis, uti nunc paſſim & impunè fit, adulterinam tradebant.



D E

JURE ORIENTALI POST JUSTINIANUM.

C A P U T I I I.

I. ORIEN-
TALE JUS
POST JUS-
TINIA-
NUM.

POST Justinianum complures Juris mutationes contigerunt, tam apud Græcos, quàm apud Latinos. Apud Græcos quidem, tum per novas Imperatorum Constitutiones à Justino Juniore & sequentibus usque ad Michaëlem Palæologum, id est, ab anno Christi 566. ad 1260. conditas diversis temporibus ac promulgatas: tum per novas priorum Legum, partim abbreviatarum, partim expansarum Collectiones; aut Legum, quæ de rebus Ecclesiasticis latæ fuerant, cum Canonibus Collationes.

Prioris generis opera; alia *πρόχειρα* Promptuaria; *Εγχειρίδια* Manualia; alia *Εκλογαί*, Delectus, sive selectorum collectio; vel *Συρόψις*, & *Επιτομαί*,

Compendia, dicta sunt: Posterius genus Βασιλικῶν ferè titulo est decoratum, id est, Imperialium. De quibus omnibus post præstantissimum Jurisconsultum pluribus locis, Marquardum Freherum in Chronologia Juris, aliosque; differuit si non distinctius, certè plenius cæteris Ill. Josephus Maria Suaresius Episcopus Vasionensis in innotitia Basilicôn ad Urbanum VIII. Pontificem Maximum, ex fide plurimorum Codicum Manuscriptorum, & Palatina Bibliotheca in Vaticanam dono Serenissimi Bavariæ Electoris Maximiliani, magnam partem translatorû.

Constitutiones Imperatoriæ, Βασιλικαὶ Διατάξεις in Classes duas dividi possunt; eas scilicet quæ Basilicis priores, & eas quæ sequutæ deinde sunt. Illæ in ordinem quemdam digestæ videntur fuisse per Basilium præsertim Macedonem, qui primus refingendo apud Græcos Juri manum admovit: Posteriores Novellarum nomine primùm dispersæ, tandem servatâ, saltem ut plurimum, temporum serie collectæ sunt. Imperatores, à quibus editæ fuere Constitutiones priores, numerantur decem, Justinus nempe Junior, Tiberius item

II. CON-
STITU-
TIONES
IMPERA-
TORUM.

Junior, Heraclius, Constantinus V. Pogonatus, Leo tertius Iconomachus, Leo V. Armenus, Theophilus, Basilus Macedo cum filiis. Autores sequentium Novellarum sunt numero circiter septemdecim, nimirum Constantinus VIII. Porphyrogenitus, Romanus Lecapenus qui & Senior, Romanus Porphyrogenitus sive Junior, Nicephorus II. Phocas, Basilus Junior, Romanus I V. Argyropulus, Zoë Imperatrix, Isaacius Comnenus, Michael VII. Ducas, Nicephorus Botaniates, Alexius Comnenus, Joannes Comnenus vulgò Calo-Joannes, Emanuel Comnenus, Alexius tertius Comnenus, Isaacius Angelus, Joannes tertius Ducas, qui Nicææ atque in Asia Minori regnavit, Constantinopolin obtinentibus Francis; & Michael Palæologus, qui ejectis Latinis Constantinopolin recuperavit. Hæ autem Novellæ non ab uno aliquo è tenebris erutæ, aut editæ, & latinitate donatæ sunt; sed per partes variis Editionibus atque temporibus publici Juris factæ, ab Enimundo scilicet Bonafidio, Joanne Leunclavio, & Carolo Labbæo: habentur maxima

partem tam Latine quam Græcè apud Leunclavium: in corpore autè Juris per Dionysium Gothofredum edito ex interpretatione partim Henrici Agylæi, partim Bonafidii antè nominati. Inter Novellas tum Justiniani, tum posteriorum Imperatorum Orientis, fuere *ἐπιταγὰς* sive *νόμοι*, quibus describebantur quæ ad ædificandi modum, aliaque ejus generis in provinciis spectabant: fuere & *Ποταναὶ* Magistri, de quibus Cujacius lib. 6. observat c. 10.

Plures cæteris Constitutiones condidit Leo VI., cui ex Juris, historiæ, aliarumque bonarum artium studio ac petitiâ, Sapienti sive Philospho cognomen fuit, fortè M. Aurelii Antonini imitatione. Sunt ejus Novellæ numero 113. circa annum à partu Virginis 890. emissæ. Eas interpretatus est Latine idem Agylæus; sed pleræque, quibus Leo plurima Juris à Justiniano compositi capita ex æmulatione quadam corrigere tentavit, ne apud Græcos quidem, etiam ipsius Leonis tempore valuerunt: iis tantùm usu receptis in foro Constantinopolitano, quæ novum quid constituiebant de rebus prætermisissis à prioribus Legislato-

I. Leo's
Novellæ

ribus, cujusmodi sunt Novellæ 29. 48. 57. 71. 68. 86. 100. 102. 103. & 104. uti discimus ex Græcis Interpretibus & Pragmatica Michaëlis Attaliatæ apud Cujacium lib. 17. observat cap. 31. & ex Psello in Epitome Juris, ac Balsamone ad Nomocanonem Photii.

2. *Alia
ejusdem
opuscula.*

Omitto alia Leonis opera, veluti libros τακτικῶν de apparatu & disciplina bellica, qui versi sunt Latinè & Italicè: librum de Aucupio: Oracula & Vaticinia varia de Roma & Constantinopoli, quæ in Bibliotheca Palatina extabant: & opuscula Theologica atque Historica, quæ recensentur in Bibliotheca Constantinopolitana: sed hæc non sunt hujus loci. De Basilicis, & Prochiro ejusdem, mox dicam, ut & de reliquis posterioris Græci Juris partibus; in quibus, ad clariorem rerum intellectum seriem temporum sequendam putavi.

III. PRO-
CHIRON
BASILII.

Interpolari cœpit, ni fallor, Jus Justinianæum circa an. Christi 870. à Basilio Macedone, qui cum filiis suis Leone & Constantino atque Alexandro Πρόχειρον νομικόν, jussit concinnari. Id Titulis quadraginta, ex singulis Juris voluminibus compendiariâ ratio-

ne collectum fuisse testatur Harmenopulus in Præfatione sua. Non igitur Titulos 60. continebat, ut putavit Cujacius. Extat inter Codices manu exaratos Bibliothecæ, olim Palatinæ, nunc Vaticanæ, modò sub Basilii Leonis & Constantini; modò sub horum duorum; modò sub Leonis solius nomine, & cum diversis Præfationibus. Unde conjicere est à Leone Philosopho retractatum fuisse hoc patris Basilii opus.

Præter hoc Prochiron & Novellas, de quibus antea dictum, edidit Leo Juris Epitomas, opus satis elegans, quod meris definitionibus & regulis constabat, eratque in Palatina Bibliotheca: imprimis verò ingens Basilicorum opus fabricatus est circa annum 886. in 60. libros divisum: ideoque vulgò *ἑξήκοντάβιβλον* nuncupatum, cujus sunt *τέμνη*, sive volumina sex: *ἀντιτάξις* quoque vocarunt; quasi dicas correctionem Legum sive expurgationem. Cedrenus à Basilio Leonis Patre inchoatum id opus fuisse affirmat: ab hoc operâ Sabbatii Protosphatarii promulgatum tradit Antonius Augustinus post Matthæum Blastarem. Eo in opere li-

IV. BASI-
LICA
PRIORA.

bri omnes Juris à Justiniano cōpositi, servato ferè Legum ordine, ac re-
 sectis quæ supervacanea videbantur,
 correctisque iis, quæ ab posteriorum
 temporum usu abhorrebant, atque
 adjectis posteriorum Legibus, ita in
 unam consonantiam, Græcâ linguâ,
 redacti sunt; ut quæ de unaquaque re
 per Institutionum, Pandectarum, Co-
 dicis, & Novellarum libros à Justinia-
 no sparsa fuerant; ea in unam & eam-
 dem sedem sint collata. Quamquàm
 non modò diversam à Triboniani in-
 vento materiarum dispositionem; sed
 & pleraque de priorum Principum,
 suisque Novellis Leonem mutasse Fre-
 herus observat.

V. BASI-
 LICA
 POSTE-
 RIORA.

Verùm Constantinus octavus Leo-
 nis filius, cognomento Porphyroge-
 neta, hæc *Basilica* sub incudem revo-
 cavit, & *ἀναγέτατον* novam, sive
 ejus operis repetitam prælectionem
 in lucem emisit sub annum 920. ut
 reformato Legum corpore de Juris-
 prudentia benè mereretur; non mi-
 nùs quàm de historia, opere alio, quo
 in unum corpus trium & quinquagin-
 ta locorum communium, historicos
 omnes colligi jussit. Ex hac Basilico-
 rum


rum editione factum est , ut hunc Constantinum operis primum Autorem G. Herverus post Luitprandum fuisse censuerit. Atque hi sunt veri βασιλικῶν libri : ad quos ipse Constantinus Prochiron , sive Introductionem componi curavit : nisi potiùs Prochira , quæ Basilii avus ipsius , & pater Leo composuerant , retractavit. Hinc illius quoque nomen tot Prochirorum diversis exemplaribus manu exaratis inscriptum reperitur : cujusmodi brevitaria à studiosis & causidicis Orientalibus variè interpolata , & pro libito concisa , ac præpostere descripta , videre est , ad decerpentis nempe cujusque usum accommodata atque inter se admodùm dissimilia.

1. Prochiron alterum Imperatorum.

Basilicorum hanc secundam editionem subsecuta est Interpretum Græcorum , qui in eam Commentarios & Glossas scriberent , turba non minor quàm postea Latinorum , in quibus recensentur à Cujacio Stephanus , Nicæus , Thalelæus , Isidorus , Eustathius , Eudoxius , Calocyros , Sextus , Callistratus , Leo , Phocas , Modestinus , Dominus , Gobidas , Chumnus , Joannes , Hagiotheodoretus , Doxapater , Gre-

2. Interpretes Græci Basilicorum.

gorius, Garidas, Bestes, Baphius & Theophilus : addit Freherus Patzum, Theophilitzen, Phobenum, Theodorum Hermopoliten, Demetrium, Chartophylacem ; qui singuli, quibus annis vixerint liquidò sciri nequit, & enumeratos sufficit. Verùm cùm Thalelæus ævo Justiniani floruerit, (ut patet ex ipsius Just. Constit. ad Antecessores), falsò numerari videtur inter Jurisconsultos qui scripserunt in Basilicas ; ut & Stephanus, qui jussu Justiniani Græcis Digestis insudavit ; itemque Theodorus & Isidorus, qui duo è numero sunt septemdecimviro- rum, qui concinnandis Digestis Latinis præfuerunt : idemque de Theophilo censendum, qui cum Triboniano ac Dorotheo Institutiones composuit : sic etiam Phocas unus extitit è Decemviris, qui Latino Codici operam dederunt. Quod ad Callistratum & Modestinum attinet, nemo nescit eos Justiniano ipso antiquiores fuisse. Unde nisi demonstratum fuerit plures diversis temporibus eodem nomine fuisse Jurisconsultos ; non possunt hi Basilicorum Interpretibus accenseri, licet eorum nonnulli in Justiniani vo-

uminiſ in Græcam Linguam  transfundendis verſati fuerint, veluti Stephanus Pandectarum, Thaleſus Codicis Interpretes antiqui ex Blaſtare, quos ut Dion. Gothofredus putat, ſequuti Cyrillus in Digefſtis, in Codice Theodorus.

Præter ante dictos alii ſunt incerti Baſilicorum Interpretes, Anonymus, Baſilicus, quem Cujacius cenſet contextus ipſius Baſilicorum Interpretem; Enantiophanes, coacervator ſcilicet pugnantium inter ſe, ſive ἀπνομιῶν: cujus collectionis autorem idem Vaſionenſis Epicoſpus ſuſpicatur Photium, ut qui profiteatur in Nomocanone ſe librum ſcripſiſſe ἐπὶ ἐναντιοφανῶν. Latiùs diffuſam paraphraſin, ſive ut vocant τὸ πλάτος νόμων, Cujacius Dorotheo tribuit, ſub Indicis nomine: at Gothofredus diverſos fuiſſe arbitratur, & Indicem quidem religioſum in vertendis Latinis vocibus; Baſilicum largiorem; Baphium Constantino Porphyrogenetæ alterum Tribonianum, multaſque adjungentem. Illuſtriſſ. autem Epicoſpus Vaſionenſis, quod attinet ad Anonymum, Enantiophanem, & Baſilicum, Cujacii ſententiam probat

3. Incerti
Interpre-
tes alii.

Baphium exponit jurisconsultum illum qui Rubricas, seu Titulos explanavit ac Notis illustravit.

4. Varia
apud Græ-
cos Juris
interpre-
randi ge-
nera.

Sanè cùm Justinianus Latinâ Linguâ Jus Romanum composuisset, & versionem ejus in Græcum sermonem de verbo ad verbum; itemque Paratitla, sive Titulorum breves ἀναπεληρώσεις permisisset: è Græcis Jurisconsultis nonnulli fuere, qui tum ejusmodi versioni, quam Justinianus κατὰ πόδας vocat, incumberent: (qualis fuit Interpretres Codicis, quem ea de causa |καὶ δὲ κείνην appellarunt): tum etiam Πα-
ratitlorum methodum adhiberent. Sed in hoc duplici genere non conquievit posteriorum industria: quin aliis quoque modis, licèt ab Autore vetitis, in eo explicando Jure variè versati fuerint. Alii amplam Juris quasi comprehensionem instituerunt, quam τὸ πλάτος τῶν νόμων vocarunt, uti jam indicavimus. Alii breves quasdam velut Periochas ad Digestorum Codicisve Titulos adjecerunt. Alii Metaphrasi paulò elegantiore, quàm ea quæ vestigiis verborum inhærebat; aut liberiore Paraphrasi usi sunt. Alii positæ à Justiniano Legis penitus obliti, non jam

scholia , sed plenissimos Commentarios conscripserunt : quos idcirco uberioribus fieri necessarium videbatur, quòd non pauca Romani Juris Græcis moribus incognita , ideoque plenius essent enarranda. Id autem frequentes exigebat digressiones sive *προσπειράς* , ut Theophili in Institutiones Paraphrasis ostendit. Addebant & *παράπληναις* , id est , similium locorum coacervationes (remissiones aut concordantias vulgò nominant) , quarum aliæ interlineares , aliæ marginales ; illæ *ἑσώθεν* ; hæ *ἑξώθεν κεκρίναι*. Erant & qui *παράγραφας* concinnarent , quibus Legum difficiliorum positis hypothesibus , sive casu (ut loquuntur) præmissis , sensum deinde exponebant. Alii τὰ ἐναντιοφασίη colligebant , in conciliandis Legum locis , quæ sibi invicem adversari videbantur. Sed horum monumentorum maxima pars in principum atque eruditorum virorum bibliothecis latet. Ex his tamen, & iis quæ mox sequuntur , apparet posteriores Græcos summâ diligentiam excolendo Juri Romano ad extrema usque Imperii Byzantini tempora incubuisse. Veniamus ad ea quæ typis vulgata, hominum manibus teruntur.

IV. NO-
MOCA-
PHOTII
NON
&c.

In his est Photii Constantinopoli-
tani Patriarchæ Schismatici *Nomoca-*
non, qui eodem fermè cum Basilicis
tempore circa annum Christi 877. in
lucem emissus est, atq; in quatuordecim
Titulos divisus. *Πεξαρόνα* quoque di-
xerunt, quòd Canonibus Concilio-
rum præponi soleret. Extat hoc opus
cum scholiis Theodori Balsamonis ini-
tio collectionis postremæ Græcorum
Canonum. Nomocanonis autem, sive
Nomocanoni titulo intelligitur colla-
tio Legum de rebus Ecclesiasticis à
Christianis Principibus latarum, cum
sacris Ecclesiæ Canonibus, id est, re-
gulis Conciliorum & veterum Patrum:
cujus rei usus non à Photio primum
cœpit. Antea enim simile opus, ad Jus
enucleatum à Justiniano, composue-
rat Joannes Antiochenus Patriarcha &
ipse Constantinopolitanus, quod in al-
tera parte Bibliothecæ Canonicae nuper
editum est, Græcè & Latinè, operâ
Clarissimorum virorum Guil. Voëlli
& Henr. Justelli.

V. ECLO-
GA.

Ecloga Basilicorum, quæ Synopsis
etiam à quibusdam dicitur, confecta
fuerat secundum ordinem litterarum
& elementorum: ideoque *Μικρόν κτ*

στοιχείων (id est manuale minus juxta ordinem alphabeti) appellabatur. Autorem quidam apud Cujacium lib. observat 6. cap. 10. vaticinantur Romanum juniorem Constantini Porphyrogeniti filium , Romani Lacapeni nepotem , qui circa annum 962. imperium iniit. Eam Tarenti in extrema Italia à Joanne Sambuco Pannone inventam , edidit & Latinè vertit Joannes Leunclavius Basileæ anno Domini 1575. additis etiam annotationibus : sed non eodem ordine , quo dicitur composita fuisse , juxta seriem nempe litterarum alphabeti ; verùm aptatam ad ipsorum Basilicorum ordinem. Extat in secunda parte Juris Græco-Romani. At Epigraphæ hujus compendiarîi Legum selectus Leonem & Constantinum Autores præfert. In præfatione autem narratur, quorum operâ conscriptum hoc opus fuerit. Fieri potest, ut à Leone & Constantino fratribus , servato alphabeti ordine edita sit : non quidem eo tempore , quod apud Leunclavium exprimitur , nempe mense Martio indictione nona anno ab orbe condito 6347. qui respondet anno Christiano 839. Eo enim tempore ne Basilius quidem Mace-

do, horum Imperatorum parens, Imperium fuerat auspicatus: sed fortè post annos circiter viginti, cum Basilius filiorum suorum nomen ejusmodi operibus adscribebat. *Επαναγωγὴ* autem, si-
ve reductionem ad seriem Basilicorum suo postea tempore Romanus junior conficere, aut imperare potuit.

VI. SYNO-
PSIS.

Michaël Attaliates, si-
ve Attaliota Proconsul & Judex diversam à priori *Synopsis* jussu Michaëlis Ducæ Imperatoris eo nomine septimi scripsit, quæ sub Pragmaticæ nomine circumfertur; extatque apud eundem Leunclavium in Jure Græco-Romano.


Eodem tempore, id est, anno Christi 1071. Michaël Psellus, Juris & Philosophiæ peritiâ illustris, *Synopsis* quoque Legum, præter alia multa, ad eundem Imperatorem scripsit versibus politicis.


VI. HARMENO-
POLI PRO-
CHIRON.

Postremo Constantini Harmenopuli Nomophylacis, & Judicis Thessalonicensis *Πρόχειρον*, si-
ve *ἐγχειρίδιον*, aut Epitome Juris Civilis, circa annum 1150. prodiit, imperante Emanuele Comneno. Is in præfatione testatur se usum Prochiro seu Promptuario Basilii Macedonis: sed pro quadraginta Ti-

tulis , quibus illud continebatur , se ,
propter ingentem novarum Legum cō-
piam , totidem alios , aut etiam plures
Titulos subnexuisse , adjectis ad Leges
scholiis. Editum est Græcè Parisiis an-
no 1540. curâ Theodorici Adamæi
Suallebergi : Latine autem reddi-
tum per Joannem Mercerum Profes-
sorem Regium , Lugduni anno 1556.
prodiit.

His Librum Eustathii Antecessoris
ἐπὶ χρονικῶν διαστημάτων , id est , de tem-
porum intervallis à Cujacio quoque
editum ; Leges item Militares , Colo-
narias , sive rusticas , & Nauticas atte-
xuit Leunclavius sæpius laudatus : Pa-
ratitla Car. Labbæus.





D E J U R E
 Q U O U S I S U N T
 P O S T J U S T I N I A N U M
 O C C I D E N T A L E S
 P O P U L I.
 C A P U T I V.

IN Occidente usus Italiae praesertim
 & Constitutiones quaedam Impera-
 torum Germaniae ad Jus Justinianum
 nonnulla adjecerunt, quae corpori Ju-
 ris Romani adjuncta sunt, licet nihil
 habeant cum eo commune.

2. LIBRI
 FEUDO-
 RUM.

Consuetudines Feudorum primum
 inter haec obtinent locum. Earum duo
 tantum libri vulgo recepti fuerunt sub
 titulo Collationis decimae, quasi ad no-
 vem Collationes Novellarum adden-
 dae: quibus unum Hotomannus adjici-
 cere tentavit; Cujacius tres addidit.
 Primi Autor creditur Gerardus Niger:
 Secundi & Tertii Obertus de Horto,

qui ambo Jurisconsulti & Consules Mediolanenses fuere, tempore Friderici Barbarossæ Imperatoris, circa annum 1160. Quartus liber est ex variis & incertis Autoribus. Quintus Imperatorum Germanicorum quasdam Constitutiones ad Feuda pertinentes complectitur.

Horum Germanicorum Cæsarum aliæ paucae Constitutiones additæ sunt, nimirum Friderici II. de statutis & Consuetudinibus contra libertatem Ecclesiæ editis anno 1223. *Extravagantes* duæ Henrici VII. quas nonnulli undecimam Collationem appellant, in duos Titulos divisam; quorum prior est, quomodò in læsæ Majestatis crimine procedatur: Posterior, qui sint rebelles, Pisis anno 1312. data. His denique accessit liber de Pace Constantiæ inter Fridericum Imperatorem, & filium ejus Henricum ex una parte: & civitates Lombardiæ & Marchiæ &c. ex altera, anno 1180.

2. EXTRA-
VAGAN-
TES.
*Imperato-
rum Ger-
mania.*

Mitto Codicem Legum antiquarum, in quo continentur tum Francorum Lex duplex Salica, & Ripuaria: tum aliorum populorum, qui partim in Galliæ quibusdam Provinciis degebant, ut

3. Codex
LEGUM
antiqua-
rum.

Wisigothi, Burgundiones; partim in Germania, ut Alamanni, Baiuvarii, Saxones, Angli & Warini, ac Frisiones; partim in Italia, ut Longobardi: quæ post à Francorum primæ aut secundæ stirpis Regibus approbatæ, à Fridrico Lindembrogio collectæ, & cum veteribus Formulis editæ fuerunt Francofurti anno 1613.

4. CAPITULARIA

His addenda Caroli magni, aliorumque Regum atque Imperatorum Francorum Capitularia, quæ majoris apud nos momenti habenda sunt, utpote quibus Juris, quo utimur, origo magna ex parte debeatur. Capitularia dicta sunt, quòd per capita sive capita digestas complecterentur Regum Constitutiones, de rebus sacris ac profanis editas, consilio Episcoporum & Nobilium. Collecta primùm fuere in septem libros, ab Ansegiso Abbate Lobienfi & Benedicto Moguntiacensi Levita. Accessere deinde Additiones quatuor, præter Caroli Calvi propria Capitula. Primam eorum editionem P. Pithæo debemus, postremam & locupletissimam Steph. Baluzio sæpius à nobis laudato.

QUA



QUA RATIONE

LAUDARI SOLEANT LEGES, ET LOCA JURIS CIVILIS.

CAPUT V.

QUÆ aliis scriptoribus Capita li-
brorum dicuntur, ea Titulorum
seu Rubricarum nomine à Juriscon-
sultis appellantur. *Rubrica* nomen ex eo
deductum est quòd olim Rubricâ sive
terrâ Rubrâ, aut minio notari consue-
visset materia, quæ in unaquaque libri
sectione tractaretur: hinc illud satyrici:

1- Unde
Rubrica
nomen.

Perlege Rubras Majorum Leges.

Tituli autem Digestorum & Codicis
in Leges distinguuntur: Leges, ubi
longiores sunt, in Paragraphos. *Legum*
nomine intelliguntur, in libris quidem
Pandeetarum, Centones ex Jurispru-
dentum libris deprompti: in libris au-
tem Codicis Constitutiones aut Rescri-
pta Principum. At verò *Institutionum*
Tituli non per Leges, sed per Paragra-

2- Titulo-
rum Juris
divisio.

F

phos dividuntur.

3. Quid
fit Para-
graphus.

Paragraphi vocabulum lineam significat in longum protensam, quâ margini adscriptâ sectiones sive articuli capitum distinguebantur. Eo nomine apud nos duo indicantur : tum Nota ejus distinctionis , quæ hâc figurâ exprimitur § : tum tota sententia , sive articulus sub una ejusmodi nota comprehensus. Deducitur ea vox à verbo Græco *μεγέθειν* , quod est , *adscribo* , sive , *ad marginem annoto* , & *circumscribo* ,

4. Citan-
di ratio.

Admonendi itaque hoc loco tirones videntur , quâ formâ sententiæ sive loca Juris Civilis Justinianæi in schola & foro allegari soleant. Neque enim Jurisconsulti librorum & titulorum , seu capitum numerum indicant : sed prima ferè verba Legum ac Paragraphorum , (quæ sectiones sunt , seu membra vel Titulorum in Institutionibus , vel Legum in Digestis , & Codice) adjectis Rubricis , sive verbis ipsis , quibus conceptus est unusquisque Titulus : ex quo facilè quisque judicare poterit , quàm necessarium sit Jus addiscenti Rubricas memoriâ tenêre.

Advertendum præterea est Paragra-

phos non statim ab initio Tituli, aut Legis numerari; sed primam ferè periodum seorsim spectari, dicique *Principium*, seu initium.

Loca itaque Institutionum sic laudari consueverunt. *In princ. Instit. de autorit. tutor. vel §. actionum autem, de actionib. Instit. sive, quod idem est, §. 28. de action. apud Justinianum.* Licet enim Digestorum & Codicis non minùs Autor reverà sit Justinianus: ei tamen specialius attribuuntur Institutiones, quòd non mera collectio sint, & ex alienis centonibus confarcinatio: sed mixtum ex veterum sententiis & ipsius Constitutionibus & rationationibus opus.

Digesta seu Pandectæ hâc formâ citantur. *L. ex facto, §. rerum autem, ff. de heredibus instituendis, vel, L. 35. §. 3. D. de hered. instit. Item L. huiusmodi legatum 84. §. ult. de legatis 1.*

Ex Codice verò sic, *L. ult. in pr. Cod. de petit. hered. L. un. in fine C. de rei uxor. act. L. 1. §. sin autem servus 4. C. de comm. servo manum. L. communium 9. in fin. pr. C. de naturalib. liberis.*

6. Ex Institutionibus.

7. Ex Digestis.

8. Ex Codice.

9. Ex Novellis.

Novellæ denique laudantur, aut

F ij

more veterum Interpretum, ita : §. *his consequens est, authent. de aqualitate dotis & propter nuptias Donationis, Col. lat. 7. aut, quod eodem recidit, sed nunc magis receptum : Nov. 97. cap. 3.*



N O T Æ

Quibus brevitatis causâ uti
solent Jurisconsulti.

C A P U T VI.

1. Neces-
saria est
hæc cog-
nitio.

TIRONIBUS non ingratum me facturum putavi, si præcipuas Notas subjunxero, quibus brevitatis causâ uti vulgò Interpretes solent in citandis maximè Legibus, aliisve Juris locis; (& quas ideò Breviaturas vocant), adjunctâ cujusque significatione. Sine harum quippe notitia non facilè ullus ad eorum scripta patet aditus.

2. De No-
tis & Si-
gla.

Neque verò huc pertinere videtur quod Justinianus Jus à se compositum per Notas aut Sigla describi vetuit, ut priùs fieri moris erat. Sunt autem *Sigla* singulares, ac ferè initiales lite-

ræ, quibus totum vocabulum designatur, ut cum S. P. Q. R. scribimus, pro *Senatus, Populusque Romanus*: ex qua forma natum apud Hebræos Machabæorum nomen, quod literas quatuor מ. כ. ב. י. vexillis suis inscriberent: quibus denotabatur hæc sententia ex cap. 15. Exodi. מי כמוכה באלים *Mi Chamocha Baelim Jehova.* id est, *Quis similis tibi in fortibus Domine?* Illæ itaque primæ literæ in unam vocem conjunctæ, efficiebant *Machabi*. At verò *Notæ* sunt certi linearum variè implicatarum ductus, qui non solum unicam vocem, sed plures, sæpe etiam integram sententiam ex instituto Notariorum significabant, ut Cujac. ostendit. Observat. lib. 12. cap. ult. *Sigla*, ut pluribus nominibus eadem communia erant, ambiguum sæpe faciebant orationem. *Notas* pauci noverant. Quæ causæ fuere prohibendi usum utriusque generis. At nostra hæc literarum compendia, nec contextui adhibentur, & omnibus Juris studiosis cognitu facilia sunt. Hæc sic habent.

Ap. Justin. apud Justinianum, id est, in Institutionibus Justiniani.

F iiij

Arg. ar. argumento : deducto nimirum ex tali Lege , vel ex aliquo Paragrapho qui laudatur.

Auth. authentica : id est , in summa Novellæ alicujus Constitutionis , inserta Codici sub hoc vel illo titulo.

Cap. capite, verbi gratiâ 1. vel 2. Novellæ 123. &c. aut libri alterius extra corpus Juris.

C. Cod. Codice : in Codice Justiniani.

Co. Theod. Codice Theodosiano : composito scilicet jussu Theodosii Junioris.

col. columnâ : primâ vel secundâ paginæ alicujus , quæ ex interprete aliquo laudatur.

coll. collat. collatione : v. g. tertia aut quarta. Collationes autem sunt quasi libri Novellarum Justiniani.

d. dicto , ant, dictâ. v. g. Paragrapho aut lege.

D. Dig. Digestis : in libris Digestorum Justiniani.

e. cod. eodem : supple titulo , vel cap.

extrav. extravag. extravagante Constitutione alicujus Imperatoris Germanici.

f. fi. finali , finalis , fine : id est , in fine legis, vel lege aut §. finali sive ult.

ff. π , id est , Pandectis, seu Digestis Justiniani.

gl. glossa : id est , notæ ab Accursio collectæ in universum Juris corpus.

h. hic : id est in titulo , vel lege, quæ materies est interpretationis.

h. t. hoc titulo : idem quod suprà.

j. gl. junctâ glossâ : id est , Accursii notis cum textu legis laudatæ conjunctis.

in Auth. coll. 1. in Authentico, collatione 1 : id est in Novellis Justiniani Sectione , vel parte, hac vel illa.

in f. in fine : Legis aut Paragraphi citati.

in pr. in principio , seu initio Tituli aut Legis ante Paragraphum primum.

in f. pr. in fine principii : paulò ante primum Paragraphum.

Inst. Institutionibus : id est in Institutionibus Justiniani Imperatoris.

in sum. in summa : Legi aut Paragrapho citato præfixa.

l. Lege , hac vel illa sub Titulo qui laudatur.

Li. , aut *Lib.* Libro 1. 2. &c. Institutionum, sive Digestorum , aut Co-

dicis , vel operis cujusvis.

Nov. Novellâ ; 1. aut 2. Justiniani.

Pr. Principium : quod Legis aut Tituli , Paragraphum primum præcedit.

sol. solve , aut solutio : quâ respondetur ad argumentum propositum.

sum. summa ; Legis aut Paragraphi , de quo agitur.

t. tit. titulo.


ŷ. ver. ut **ŷbum.** verbum.

ŷ. **ŷs.** versu , versiculo : id est , segmento , sive commate Paragraphi longioris.

ult. ultimo , ultima : Paragrapho scilicet , vel lege.

§. Paragrapho : id est , membro sive articulo Legis vel Tituli.





DE AUTORITATE ET UTILITATE JURIS CIVILIS

Ubi & Gallici Juris hodierni
Origo perstringitur.

CAPIT VII.

DE Jurisprudentiæ, tum Judicialiæ, tum Professoriæ dignitate, deque præmiis atque honoribus omnino ævo utrique delatis apud omnes Gentes quæ aliquid unquam habuere humanitatis, alius erit, ut spero, dicendi locus. Id nunc quidem sufficiet, quòd summi quique & optimi Principes; cum se civium suorum, non minus à flagitiosorum hominum, quàm ab hostium insidiis, ac tam ab illorum interna, quàm horum externa vi, tuendorum causâ constitutos intelligerent; tempus omne suum inter Juris dicendi & gerendi belli munia æquè partiti sunt: quòdque Legum quodammodo conden-

i. Jurisprudentiæ dignitas.

darum potestatem Jurisconsultis Imperatores Romani attribuere. Sed nunc de Juris tantum Romanorum, per Galliam præsertim, Autoritate, differendum est: eamque in rem Justinianæ Jurisprudentiæ fatum, ut ita dicam, inspiciendum; atque ab illius ætate ad hæc fermè tempora de ducendum: Ex quo & Juris nostri Origo lucis aliquid accipiet.

2. Jus Justiniani non statim in Occidente valuit.

Et si universum Juris à Justiniano compositi corpus circa dimidium sæculi à Christo sexti absolutum omni ex parte fuerit, atque in Orientis Imperio receptum: in Occidente nihilominus radices statim agere non potuit, utpote in alieno jam solo. Italiam quidem ab Ostrogothorum ditione Justinianus vindicaverat, Teiâ ultimo eorum Rege per Narsetem devicto, anno Imperii sui 26. Christi 552. Verum sub initia Justiniani Junioris, qui ei proximè successit, Longobardi, Rege Alboino è Pannonia transgressi circa annum Christi 606. magnam ejus partem occuparunt: Longino, cæterisque Exarchis qui Constantinopoli mitti ceperunt, agrè Ravennam cum Pentapoli sua adversus eos tuentibus, ad an. scilicet 752. Apuliæ verò, Sici-

liæque, Saraceni aliquandiu, ac deinde Normanni potiti sunt.

Gallia per hæc tempora Francorum Regibus maxima ex parte parebat, ut Westrogothis Hispania. Harum amborum regionum veteres incolæ Legem quidem Romanam, annuentibus ipsorum Regibus, servabant: sed qualis Codice Theodosiano, eoque interpolato, aut ejus abbreviati interpretatione, & receptis ejusdem Codicis additamentis, continebatur: uti jam indicavimus.

Advenæ verò in Gallia Franci, & si qui adhuc Burgundiones; in Hispania Gothi; in Italia Longobardi; in Germanico limite Alemanni, aliæque Francis subjectæ Gentes, suis quæque moribus regebantur. Hinc ortæ postea harum nationum Leges à victoribus Francorum Regibus progressu temporis in ordinem redactæ & confirmatæ, alicubi etiam correctæ & auctæ; ut patet ex Codice Legum Antiquarum, quas collegit Fridericus Lindenbrogius.

Tanta verò fuit Regum in subditas nationes humanitas, ut non modò singulis Gentibus propriarum Legum usum indulgerent: sed etiam, nullo

3. In Gallia diu perseveravit Jus Theodosianum.

4. Sed una cum Jure Francico &c.

5. Ita ut singulis Gentibus permissum fuerit Jus suum.

inter victores victosque discrimine, liberum privato cuique diu reliquerint arbitrium eligendi quo quisque ex his Juribus vivere, ac judicari vellet: nisi quod in rebus Ecclesiasticis Lex ubique Romana prævaluit.

6. Jus Romanum sequuntur generaliter Itali.

Hanc Romani ipsi ac plerique Italorum retinuerunt, non modò Gothis, sed & Francis in Italiæ Regno dominantibus.

7. Gallique Narbonenses, & Aquitani.

Jus idem Romanum Galliæ Narbonensis, Provinciæque Viennensis, & Arelatensis, ac ferè totius Aquitanie incolæ in universum amplexi sunt; quod præ cæteris vir Cl. Ant. Dadinus Altaferra Rer. Aquitanic. lib. 3. per plura capita probat; ut & Innocentius Cironius observat. Juris Canonici lib. 5. cap. 2. & sequentibus, ac Steph. Baluzius ad Agobardum adversus Legem Gundobadi.

8. Probat hic usus in Gallia.

Sanè apud Illustriss. Hieron. Bignonium in Notis ad Formulas Marculfi lib. 1. cap. ult. laudatur eam in rem vetus Constitutio Clotharii Regis his verbis concepta: *inter Romanos negotia causarum Romanis Legibus precipimus terminari*: ubi notandum est Romanorum nomine Gallos intelligi, cæterosque

cæterosque populos, qui Romanis antea paruerant, quique generali Antonini Imperatoris edicto civitate Romanâ fuerant donati. Eo spectat, apud Marculfum, Donationum & Testamentorum juxta Romanorum consuetudinem Formula quæ 37. est libri secundi; apud Lindenbrogium verò 73. numeratur. Atque hic usus confirmari potest ex ipso Titulo eidem adjectarum Formularum veterum *secundum Legem Romanam*.

Idem in Italia, tanquàm recepto more servari constituerunt Carolus Magnus & Pipinus lib. 2. tit. 56. Legis Longobardorum. Illius constitutio cap. 1. ejus tit. sic refertur: *Sicut consuetudo nostra est, ut Longobardus, aut Romanus, si venerit quod causam inter se habeant, observamus ut Romani successiones juxta illorum legem habeant, similiter & omnes scriptiones secundum legem suam faciant; & quando jurant, juxta legem suam jurent: & alii similiter faciant: Et quando componunt, juxta legem ipsius, cujus malum fecerint, componant. Et Longobardos illos convenit similiter componere. De cæteris verò causis communi lege vivant;*

Et in Italia

quam Dominus Carolus, excellentissimus Rex Francorum atque Longobardorum in Edictum adjunxit.

Pipini autem Constitutio sic habet: *De diversis generationibus hominum, quæ in Italia commanent, volumus, ut ubicunque culpa contigerit, unde fayda crescere poterit, pro satisfactione hominis illius, contra quem culpaverit, secundum legem ipsius, cui negligentiam commiserit, emendet. De statu verd ingenuitatis, aut de aliis querelis, unusquisque secundum suam legem semetipsum defendat.*

8. Probatur facultas eligendi sibi Legem.

Concessam autem singulis per universum Francorum imperium facultatem edendi quo jure uti ac vivere mallent, iidem, aliiq; scriptores ex priscis monumentis ita comprobant; ut rem adeo certam in dubium revocare ignari omnino sit, aut pertinacis. Id Legis Burgundionibus præscriptæ ac Francis probatæ Titulus L X. demonstrat, qui sic habet. *Ceterum si quis posthac barbarus vel testari voluerit, vel donare, aut Romanam Consuetudinem, aut barbaricam esse servandam sciant. Adjecisse sufficiet ex antedicto Legis Longobardorum lib. 2. tit. 57. rescri-*

ptum Lotharii Imperatoris ; qui filius fuit Ludovici Pii , quod etiam à Gratiano exscriptum est ad calcem Distinctionis 10. Ibi Lotharius ad postulata Leonis IV. Pont. ad se de his rebus missa respondens ; hæc sanxit. *Velumus ut cunctus populus Romanus interrogetur quali lege vult vivere ; ut tali Lege , - quali Lege vivere professi sunt , vivant : illisque denunciatur , ut hoc unusquisque , tam Iudices , quàm duces , vel reliquus populus sciat , quidd si offensionem contra eandem Legem fecerint , eidem Legi , quâ profitentur vivere , per dispensationem Pontificis , aut nostræ subjaceant.* Illustre usûs illius exemplum extat apud Sigonium lib. 8. de regno Italiæ in Bonifacio Duce , seu Marchione Tusciæ , ejusque filiâ Mathilde Comitissa. Testatur quippe Bonifacium Longobardicam Legem esse professum , Mathildi verò Salicam placuisse : uti ex eorum tabulis , quæ Mutinæ in Ecclesia asservantur , cognoscere licet : ubi illud quoque observat , etsi liberis alio à parentibus jure uti liceret ; non tamen uxori licuisse aliam , quàm mariti Legem sequi : quod ex eodem tabulario Muti-

nensi probat, adducto instrumento quo Maria quædam, cùm ante nuptias professæ esset Lege vivere Romanâ, contestatur tamen se postea cum viro suo Lege Longobardicâ vivere, quod is Longobardus natione eâ Lege se vivere professus esset. Affirmat porro idem Autor lib. 11. eum usum in Italia. vixisse ad tempora usque Lotharii secundi, qui post inventum, ut diximus, Jus Justinianæum, Lege sanxerit ut imposterùm ex uno illo Jure Civili Romano judicia fierent.

9. Hinc
orta con-
suetu-
rum di-
versitas.

Ex hac Regum indulgentia natum est tum illud jurium discrimen, quod inter populos pro regionibus variis intercessit; tum morum illa diversitas, quæ intra cujusque fere regionis fines inolevit. Cùm enim privatis liceret suam sibi Legem eligere: hinc fiebat, ut ubi Lex Romana communi usu vigeat, non pauci tamen Salicam, Gothicamve, aut Longobardicam mallent: & ubi major pars hominum Salicâ, aliâve ejus generis Lege seu consuetudine utebatur: multi invenirentur, quibus Jus Romanum magis placeret. Ex hac itaque jurium mixtura, seu potiùs confusione, evenie-

bat, ut nullibi Lex ulla penitus sincera custodiretur: & sic paulatim omnes populi aliquam Juris non sui partem, unâ cum Lege propria, asciscerent. Atque hæc, ni fallor, harum consuetudinum statutorumque diversorum, quæ tractu temporis emerferunt, atque inoleverunt, causa, & origo extitit.

Jus igitur à Justiniano compositum in Occidente (saltem extra Exarchatum Ravennatem) ferè incognitum latuit per sex propemodùm secula. Quamquam enim Carolus Magnus, postquam subactis in Italia Longobardis, Imperator Romanorum electus est; de restituendo jure Romano seriò cogitasse dicatur: hoc tamen ejus desiderium exitu caruit, sive ob continua bella; sive deficientibus libris, quibus hoc Jus continebatur. Emerfit tamen è latebris tempore Lotharii Saxonis Imperatoris Germanici, cui cognomen aleatori circa annum Christi 1137.

Eo tempore belli, adversus Rogerium Siciliae Regem, hortante Innocentio II. Pont. suscepti, victor Lotharius ope Pisanorum, qui tunc mari plurimum pollebant: cum in excidio urbis Amalphitanæ inventus esset vetustissimus

10. Jus
Justiniani
in Occidē-
te diu
ignotum.

11. In usum
esse cepit
inventis
Pandectis
Pisanis.

Pandectarum Codex ; eo volumine tanquàm eximio munere, ac luculento rei benè gestæ præmio, donandos censuit Pisanos. Hi eum librum religiosè servarunt ad annum usque 1406. quo tempore Guidus Coponius Florentinorum dux, captis Pisis, hæc Pandectas, velut præclarum victoriæ monumentum, nec minimam triumphi sui partem, Florentiam transtulit: ubi adhuc earum autographum magnâ curâ asservatur: unde *Pandectis Florentinis* nomen. Antea quidem non omnino incognitum, etiam in Gallia, fuisse Jus illud Justiniani, vel ex Ivone Carnotensi probari potest, qui cum circa an. 1090. in vivis esse desierit, nonnulla ex ejus libris transtulit in suum Decretorum opus.

Vulgato Pandectarum opere, Wernherus (Irnerium Itali dixerunt) magni nominis per ea tempora Jurisconsultus, qui apud Constantinopolim ei studio dederat operam, plurimumque poterat apud Lotharium; ei Autor fuit, ut Jus Romanum Justiniani publicè in Academiis doceri, atq; ex eo causas in foro posterum judicari juberet: ipseque primus paulò post Bononiæ Jus Civile docuit.

Hinc ingens exitit Jurisconsultorum examen : quorum statim in Galliam non pauci migrarunt ; nec modò Placentinus apud Montem Pessullanum Jus Civile professus est , unde oriundus erat ; sed & alii alibi : adeò ut Luteiæ hoc studium jam tum circa ann. 1150. floruisse legatur , volente , & Doctores atque auditores fovente Ludovico VII. Rege. Ejus rei oculatum testem habemus Rigordum Philippi Augusti Capellanum , cujus hæc in historia Philippi ejusdem , notanda sunt verba. *In diebus illis studium literarum florebat Parisius : nec legimus tantam aliquando fuisse scholarium frequentiam Romæ , Athenis , vel Ægypti , vel in qualibet parte mundi , quanta locum prædictum studendi gratiâ incolebat : quod non solùm fiebat propter loci illius admirabilem amœnitatem , & bonorum omnium superabundantem affluentiam ; sed etiam propter libertatem & specialem prerogativam defensionis , quam Philippus Rex & pater ejus ante ipsum , scholaribus impendebat. Cùm igitur in eadem nobilissima civitate non modò de trivio & quadrivio (id est , de septem artibus quæ*

12. Brevi
in Galliâ
invectum.

liberales vocantur , & quarum tres sermonem, quatuor quantitatem ac res ipsas respiciunt) *verùm & de quaestionibus JURIS CANONICI & CIVILIS, & de ea facultate, qua de sanandis corporibus scripta est, plena & perfecta inveniretur scriptura: ferventiori tamen desiderio sacram paginam & Theologicas quaestiones docebant.*

1 2. Ejusque studiū magno ardore arreptum.

Tanto autem studio harum Legum Romanarum scientiam homines illorum temporum appetere ceperunt; ut ei non modo Laici, sed Clerici quoque, imò & Monachi, desertis sedibus muniisque suis, sedulo incumbere, & Leges Imperiales reliquas scientias suffocarent, ut querebatur Martinus quidam Clericus apud Giraldum Cambrensem. Quod, quanquam eo colore fieret, ut essent in Monasteriis, & Collegiis qui eorum causas defendere possent; reverà tamen divitiarum atque honorum spe impulsī huic disciplinæ se penitus, neglectâ Theologiâ, dedebant, tum ordinis Ecclesiastici homines, tum etiam cœnobitæ. Qua de re videndus præ cæteris Arthurus Duckius lib. 2. de usu & Autorit. Juris Civilis, cap. 8. parte 2. §. 31. & 32.

Atque hæc eo proruperunt, ut re-
 primi hunc perdiscendi Juris Civilis ar-
 dorem necesse fuerit, vetitis religiosis,
 sive hac de causa, sive ad medicinam
 discendam; Monasteriis suis egredi:
 quod Concilii Turonensis ab Alexan-
 dro III. Pontifice anno 1163. ex uni-
 verso pene Occidente congregati, Can.
 8. cautum fuit; ex quo desumptum
 est Cap. tertium extra, *ne Clerici vel
 Monachi secularibus negotiis se immis-
 ceant.* Eodemque pertinet Honorii
 III. Decretalis circa annum 1219. emis-
 sa in Cap. super specula 28. de privi-
 legiis: ubi sub excommunicationis
 interminatione interdicitur, ne Pari-
 sius (in unica scilicet Galliæ tunc tem-
 poris Academia) vel in civitatibus;
 seu aliis locis vicinis, quisquam doce-
 ret vel audiret Jus Civile: cujus Con-
 stitutionis si quis inscriptionem spectet
*ad Capitulum Parisiense & ceteros Ec-
 clesie Prælatos Parisiis commorantes;*
 præterea partem decisam attentè le-
 gat, ubi hæc affertur ratio, *quod non
 debeat à Clericis & Monachis pro de-
 relicto haberi sacra Theologiæ studium;*
 cæterasque ejusdem Decretalis partes,
 quæ extant tum in Cap. ult. *ne Cle-*

14. Et
 Monachis
 interdi-
 ctum, &
 Clericis
 majoribus
 Lutetiæ,
 ut alibi.

*rici vel Mon. secularib. negot. se im-
misceant* , tum in Capit. ult. de Magi-
stris : sique cum his conferat, Bonifacii
VIII. Decretalem primam & secun-
dam sub tit. *ne Cler. vel Mon. in 6.*
ex his omnibus facile judicabit eam ad
Clericos tantum in Ecclesiastica digni-
tate constitutos pertinuisse. Nec verò
aliter illam accepit optima Legum in-
terpres Consuetudo , ut alibi est à me
demonstratum.

15. Appa-
ret autori-
tas Juris
Civil. in
Gall.

Ex his apparet magnam esse Juris
Justinianæi etiam in tota Gallia auto-
ritatem. Eam quidem non ab Autori-
bus legum Romanarum , non ab ipso
Justiniano nactum est , qui nulla un-
quam in parte Galliarum imperavit ;
longè minùs ab Imperatoribus Ger-
manicis , qui leges in eo comprehen-
sas nec condiderunt , nec , ut extra
Germaniam servarentur , jubendi ha-
buere potestatem.

16. Idque
ex Regum
voluntate

Omne itaque apud nos robur suum
Christianissimis Regibus debet Jus Ro-
manum , qui clementiâ providentiâque
suâ dignum , sibi que ipsis magnificum
duxerunt usum æquissimarum Legum
ab iis sancitarum , qui priùs in Gallia
imperassent , quorumque in Jus ipsi

non armorum modò vi, sed (ut aliàs à me probatum est) fœderum quoque jure, successissent, petentibus populis indulgere. Nec verò Romanam tantùm Legislationem, ex Theodosiano Codice, sive potiùs Codicis Breviario, prout mos illorum temporum ferebat; sed & Burgundicam à Gundebaldo Rege denominatam; Gothicam, atque Alemannicam Merovingii; & Boioari-
eam, Saxoniam, Frisicam Carolovin-
gii permiserunt; non minùs quam Ri-
puariam Salicamve, quæ duæ, ni fal-
lor, fuere Leges, quibus usi, Eghinar-
do teste, veteres Franci. Pari deinde
benignitate Capevingii, ut prolatum
à Justiniano Jus Romanum trans Du-
ranium transque Rhodanum colenti-
bus * : ita citerioribus populis, variè
mixtas ex Romano Francicoque Jure
Consuetudines; cunctis denique sub-
jectis Imperio suo gentibus, prout
unaquæque in eorum venerat potesta-
tem, instituta, quæ cuique antea pla-
cuerant, rata manere voluerunt.

Sed duo sunt prætereà quæ enixam
Christianissimorum Regum in fovendo,
excolendo, atq; probando Jure Romano
voluntatem non leviter adstruunt: quòd

* Extat
Car. 7. re-
scriptum
in actis Se-
natus To-
los. ut à v.
f. Cl. Ba-
zino Be-
fontio di-
gniss.
Com. Cō-
sistoriano
accepi.

17. Quæ
probatur
ex Acade-
miarum
erectione,
& Judicum
examine.

nimirum, ejus usum dimidiæ amplissimi Regni sui parti concessisse non contenti; illud & in Academiis omnibus à se erectis publicè doceri; & futuris per totam ditionem suam, sive Advocatis, sive Magistratibus ad fori munia admittendis, pro Lydio lapide esse voluerunt.

28. Propter
eximiam sc.
Juris ejus
Utilitatē.

Videbant nimirum, pro sua prudentia, Jus Civile Romanum adeo æquitati naturali consentaneum, ejusque sanctissimas Leges ad rectè decidendum omne genus negotiorum ita comparatas esse: ut ex eo solo certa Juris gentium principia, veræque iudicandi regulæ peti possint; ejusque comparatione mutilæ sint cæteræ omnes Legislationes. Hinc Lex Romanorum *Legum omnium mater* meritò appellatur in Additione quarta ad libros Capitularium cap. 102. aliàs 103. Hinc & D. Ludovicus, & alii tum Franciæ, tum Hispaniæ Reges in Constitutionibus suis, omnesque Legum Interpretes, Leges Romanas *Juris Scripti*, & *Juris Generalis* sive *Communis* nomine decorare non dubitant. Carolus imprimis Molineus ad Consuetudines Parisienses, Jus Romanum tam æquum esse affirmat,

affirmat, & rationi conveniens; ut omnium ferè Christianarum gentium usu & approbatione commune sit effectum. Sic Ludovicus Servinus, Generalis in Senatu Parisiensi Advocatus, in Oratione de testamento Comitis Lavalii, Jus Civile Romanorum naturali & Civili æquitate ante omnes Leges pollere ait; & ad illud omnes ubique recurrere. Cui consonat quòd Dionysius Gothofredus in praxi rerum civilium testatur Jus Civile Romanorum, Legum sanctitate & disciplinâ, exterarum gentium omnium Legibus & Institutis præponderare, omniaque populorum jura & mores in se comprehendere.

Neque his adversatur Christophori Thuani primi Præsidis opinio, censentis Jus Romanorum apud nos locum habere rationis scriptæ duntaxat, cum Regum Constitutiones, & gentis cujusque Consuetudines nostrum propriè Jus constituent. Nam P. Lisetus, & ipse Præses, teste Coquillio in Præfatione ad Consuetud. Nivern. in alia sententia erat; contendebatque Jus Civile Romanorum esse Gallorum quoque Jus Commune: ideoque Con-

19. Nec
obstat di-
ctum Chr.
Thuani
Præsidis.

stitutiones & Consuetudines , in quibus Jus Gallorum proprium versatur, Jus esse strictum , strictamque interpretationem recipere. Præterea nominis revera magis , quam rei hîc quæstio agitur : quando nec Lex sine ratione esse potest ; & ratio apud omnes homines , qui quidem homines sunt , Legis loco esse debet.

20. Necesse-
farius Ju-
ris R. usus
deficiente-
in multis
Gallico.

Neque verò abnuerim quin in iis causis , quæ Regiâ Constitutione aut receptâ Consuetudine definiuntur, huic Juri Galliæ proprio standum omnino sit. Verùm ubi Jus nostrum deficit , ad Jus Romanum , tanquàm ad limpidissimum , non solum æquitatis , sed & Edictorum atque Institutorum nostrorum fontem , recurri oportere cum plerisque Jurisconsultis Gallicis assevero. Cum Molineo dico in Consuet. Paris. Tit. de Feudis n. 106. cum Eguipario Barone in Constitutionem Justiniani ad Senatum & omnes populos ; cum Chopino de communib. Francicarum Consuetudinum præceptis. quod adeo verum est , ut supremarum etiam Curiarum Judices secundum Jus Romanum pronunciare ex officio debeant. Ita certè affirmare non verentur Re-

buffus de reprob. test. n. 175. Chaz-
rondas Responsorum lib. 3. responso
96. & ad Edictum Francisci II. de se-
cundis nuptiis ; Paschasius lib. 9. Dis-
quisitionum seu observationum quas
Gallicè scripsit cap. 38. Ranchinus lib.
2. variarum lectionum cap. 3. aliq; non
pauci.

Et sanè si quis ex vero rem æstimet,
litium ; quæ in forum deferuntur , non-
nisi partem longè minorem Legibus
noribusque nostris decidi posse neces-
sariò fatebitur : adeo angustis finibus
hæc omnia concluduntur. Constitu-
tiones quidem Regum Christianissi-
morum paucissima Juris privati capita
complectuntur , circa munia Magistra-
tuum ; qui in hoc regno propè innu-
meri sunt ; circa cujusque ordinis aut
corporis Jurisdictionem , circa ordi-
nem judicarium in disceptandis ter-
minandisque apud varia Judicum audi-
toria controversiis , servandum , ma-
xima ex parte versantur. Consuetudi-
nes autem , si Feudales & censuales
causas , conjugum communionem , (ex
vetustissimis Gallorum Institutis ortam)
formamque testandi , & pauca succes-
sionum capita demas : vix quicquam

21. Ut no-
tum cui vis
forum se-
quenti.

habent, quod usûs alicujus sit. De cæteris omnibus negotiorum figuris, al-
 tum in his silentium: ita ut, deficiente
 in majori parte causarum, jure Galliæ
 speciali; consulendum necessario ve-
 niat Jus scriptum, sive Civile, sive Ca-
 nonicum, pro diversarum controver-
 sarum natura. Quin & si quis rem ac-
 curatius dispiciat Originem aut prima
 certè quædam, tum Gentilitii, ut vo-
 cant Retractus, tum ipsius Feudorum
 Juris, Semina in Jure Civili haud ægrè
 prehenderit.

22. Jus
 proprium
 Galliæ in-
 de manat,

Accedit quòd Constitutiones ipsæ
 & Consuetudines Romanis, è fon-
 tibus manant: tantamque cum Jure
 scripto familiaritatem habent, etiam
 cum ab eo deflectunt, eive dero-
 gant: ut quemadmodum, communi
 omnium judicio, Juris Canonici nemo
 idoneus est auditor sine Juris Civilis
 peritia; ita nec teneri ac percipi à quo-
 quam sive Leges, sive Mores Francici
 possint, nisi qui in Legibus Romanis
 apprime versatus fuerit. Id vel ex omni-
 bus editis, tum in Regias Constitutio-
 nes, tum in, Consuetudines Commen-
 tariis apertissimè liquet; quorum Au-
 tores ad Jus nostrum interpretandum,

nonnisi petitis ex Jure Civili rationibus
ubique utuntur ; suasque interpretatio-
nes , Legum , aliquando & Canonum ,
autoritate fulciunt : ut eos pudere om-
nino debeat , qui in Juris Consuetudi-
narii regionibus , nullam esse Legum
Romanarum vim , usum propè nullum
audent affirmare. Qui profecto , dum
propriæ aut alienæ inertiae velifican-
tur , non Juris hujus probant inutili-
tatem , sed suam ipsorum inscitiam
produnt.

Huic tractatui , deesse aliquid haud
dubiè videretur , nisi aliorum exemplo
gesta subjungeremus Justiniani , quem
Romani Juris , quo utimur , Autorem
agnoscimus.

JUSTINIANI VITA.

CAPUT VIII.

JUSTINIANUS Imperator non Sa-
lonæ in Dalmatia & Illyrico Occi-
dentali , non in Thracia natus est , ut
quidam scripsere : sed in Dacia Medi-
terranea , Orientalis Illyrici Provin-
cia , Thraciæ proxima , quantum ex

i. Justinia-
ni patria.

H iij

ejus Novella xi. conjicere licet, quâ patriam suam, sive Achridem, sive Bederinam (variè quippe traditur) sub Justinianæ primæ nomine, ut sede Præfecti prætorio Illyrici, ita & Archiepiscopatu seu Primatu decoravit. Is à Justino avunculo ex humili, armentarii scilicet, fortuna ad Imperiale fastigium, post Anastasium evecto, Nobilissimi prius, ac deinde Cæsaris titulo auctus; tandem Imperator creatus est flagitante populo Constantinopolitano, Kal. Aprilis, Mavortio Consule, hoc est anno à partu Virginis 627. Tum defuncto, post menses quatuor, Justino, imperium solus moderari cepit Kal. Augusti, annum ætatis ferè 45. agens. Tum bello, tum pace inclytus fuit: in administrando imperio viros doctos fortesque atque industrios nactus.

2. Bellum
Persicum.

Primum adversus Cavadem Persarum Regem bellum gessit, qui Mesopotamiam Syriamque populabantur. Hoc bellum Gêntis Lazicæ gratiâ, quæ olim Colchorum Natio fuit, susceptum est initio imperii, cum Rex Lazorum Tzathus Romanorum religionem fœdusque esset amplexus. Ad

id bellum gerendum missus anno 529. Belisarius, re ancipiti exitu gestâ, inde à Justiniano revocatus est anno 531. atque in Africam adversus Vandalos ire iussus. Sequenti anno, qui sextus Imperii Justiniano erat, pax cum Persis inita est, eâ lege, ut utriusque bellum in Lazica gerere liceret.

Eodem anno Constantinopoli ingens est coorta seditio, per quam Hypatius, Patricius Imperatoris Anastasii nepos Imperatoria sumpsit insignia, cum Pompeio & Probo consobrinis. Justinianus, cum de fuga capeffenda cogitaret; hortatu tamen Theodoræ uxoris palatium muniit: ac prælio in ipsa urbe Constantinopolitana factò, Belisarii, & Narsetis operâ, occisis, unâ die, triginta circiter hominum millibus, supplicioque affectis Autoribus, hunc tumultum repressit. Complures tunc Ecclesiæ subversæ, quæ post à Justiniano restitutæ: imprimis verò S. Sophiæ templum, quod anno Imperii sui 10. maximis sumptibus instaurare cepit. Ea seditione populi furor contra duos Imperatoris familiares exarsit, Joannem Cappadoceni Præfectum

3. Seditio
Constanti-
nopol.

Prætorio, & Tribonianum Quæstorem sacri Palatii. Horum uterque pecuniæ supra modum avidus: Joannes, literarum omnino rudis, vaser tamen, multisque inquinatus flagitiis: Tribonianus è Pamphylia oriundus, Juris quidem eâ tempestate callentissimus habebatur; sed Leges pretio fingere dicebatur ac refrigerare. Utrumque Justinianus exauctorare coactus est placandæ plebi. Sed paulò post in pristinum gradum restituit. Et Tribonianus in dignitate diu perstitit, donec morbo extinctus est: Joannes decimo post anno, Christi 542. omnibus exutus facultatibus, in Presbyterum attonsus, atque in Ægyptum amandatus, miserrimam illic vitam duxit, ad mortem usque Theodoræ Augustæ, annumque Christi 548. Tunc à Justiniano revocatus, in Sacerdotio perseveravit; falsis visis in spem adductus imperatoris dignitatis adipiscendæ. Verum præstigiæ ejusmodi fides non aliter est impleta, quàm ubi Sacerdos initiatus cum Clericali ordinis indumenta deessent, Presbyteri, cui nomen Augusto, Tunicam sumere adactus est. Vandalicum postea bellum, duce Be-

4. Bellum
Vandalicum in
Africa.

lisario eodem inchoatum anno 533. sequenti finitum est; captâ Carthagine; ac Gilimere, (qui Hilderico interfecto, Vandalorum regnum invaserat,) post longam obsidionem redactio in potestatem, & Constantinopolim abducto, Justiniani quarto Consulatu. Qua de causa Belisario permissus triumphi honor jamdiu obsoletus: nisi potius ovationis species fuit, cum non curru veheretur triumphator, sed pedes ambularet, captivis ante se traductis, inque his Gilimere ipso, qui ad Justinianum in Hippodromum deductus, eumque adorare coactus est. Is casum suum non gemitu aut dolore, sed risu profecutus, illud identidem ex sacris literis proferebat: *Vanitas vanitatum & omnia vanitas*: Post triumphum agro in Cappadocia donatus est; patricia quoque dignitate decorandus si hæresim ejurare voluisset. Sic eversum est Vandalorum in Africa regnum anno 96. post occupatam à Genferico eorum Rege Carthaginem; anno autem 108. à prima Vandalorum in Africam irruptione. Nec tamen ante annum imperantis Justiniani 19. quieta à Maurorum incursionibus Africa fuit.

r. Bellum
Gothi-
cum.

Vandalicam expeditionem excep-
pit bellum Gothicum in Theodatum
Amalaphridæ Theodorici sororis fi-
lium, ad regium culmen evectum ab
Amalasuntha ejusdem Theodorici filia;
quæ ab eo necem pro beneficio tulit,
agente ut creditum, est, Theodorâ Ju-
stiniani uxore, verita, ne Justinianus
Amalasuntham sibi anteferreret. Hujus
cæde commotus Justinianus, qui aliun-
de recipiendæ Italiæ desiderio flagra-
bat, Ducem Belisarium contra Gothos
immisit anno Christi 535. Hic Siciliam
anno eodem occupavit, Syracusis po-
nitus. Sequenti anno Belisario fortiter
obstitit Vitiges à Gothis Rex electus
Theodato interempto. Romam tamen
cepit Belisarius anno 536. & à Vitige
obsessam annum integrum atque insu-
per dies novem, liberavit anno 538.
Pauló post Ravenna, ipseque cum
conjugè Vitiges in potestatem venit.
Hunc Belisarius anno 540. à Chri-
sto nato, belli quinto, ad Justinianum
adduxit. Postmodum Totilas vir forti-
tudinis & prudentiæ non vulgaris,
Rex à Gothis, post Aldibaldum &
Eraricum creatus, res Gothorum in
Italia afflictas, non magis bellica virtu-

te, quàm justitia atque animi moderatione erexit, Fufis sæpius Romanis, urbem anno 546. cepit: eamque à Belisario, rursus in Italiam transmissò, receptam, biennio post recuperavit. Sed anno belli 18. Christi 552. regni 11. Totilas idem, à Narfe Eunuchò, natione Persa, prælio victus, atque in fuga est obtruncatus. Denique Teia postremo in Italia Rege Gothorum paulò post interfecto, finis bello Gothico impositus est anno Christi 553.

Interea Persicum in Oriente bellum 6. Bellum Persicum renovatum. recrudit anno Justiniani exeunte 13. Christi 540. excitato per Vitigem Gothum ad infringendam pacem Chosroë. Is taq; vastata Syria Antiochiam cepit, atque incendit. Tandem quinquennales induciæ anno circiter Christi 545. Justiniani 19. instauratæ sunt, ita ut nihilo scèius bellum interim in Colchide gereretur. Tum quinquennales rursus inter utrosque pactæ sunt induciæ anno 551. non sine Romanorum infamia, qui tributum Persis pendere sunt coacti, Lazis ob Gubazem Regem fraude Romanorum Ducum interfectum ad Persas deficientibus. Sed redintegrato postmodum fœdere dato-

que Lazis Zathe Rege, Persæ ingenti prælio victi. Quâ clade adeo est irritatus Chosroës, ut Nachoragano Ducem, in pœnam rei malè gestæ, detrahi jussisset. Idem rursus de Colchide cum Justiniano ita pactus est; ut quod quisque tum in ea obtineret, per inducias servaret, donec inter eos pax omnino coaluisset. Ea tandem in annos 17. convenit anno Christi 561.

7. Hunni
repulsi.

Intermedio tempore in Thraciam sæpius irruerunt Hunni, positisque non procul ab ipsa Constantinopoli castris, vicina impunè populati sunt sub annum præsertim 558. cum jam senio fessus Imperator, animo æquè ac corpore æger, neglectâ rei militaris curâ, se se totum ædificiis moliendis, pacisque artibus dederet: donec tandem consilio ac virtute Belisarii, quantumvis ætate confecti, non sine insigni clade, Hunni repressi fugatique sunt.

8. Mors
Justiniani.

Tandem Justinianus, cum in Euty-
chianam hæresim incidisset, negans
Christum Dominum à Virgine huma-
ni quicquam traxisse, ejusque carnem,
dum in vivis esset, pati aliquid, aut
corrumpi potuisse: Eutychium Pa-
triarcham Constantinopolitanum huic
pravo

pravo dogmati subscribere recusantem loco movit : ac paulò post è vivis excessit extrema jam ætate , annos saltem duos supra octoginta natus , die xiv. Novemb, indict. 14. anno Domini 565. cum imperasset annos 38. mensesque insuper 8. Ejus jam defuncti pietatem commendat ex anteaactis Romanus Pontifex Agatho in epistola quæ recitata legitur in sexta Synodo. Eodem anno quo Justinianus , obiit tot sub eo victoriis inclytus Belisarius , cum biennio ante conspirationis suspectus , bonisque omnibus ea de causa exutus ; compertà paulò post veritate in gratiam rediisset , famæque & facultatibus fuisset restitutus.

Præter bella hîc memorata , & Juris Romani descriptam à nobis antea Collectionem , pluriumque ædificiorum magnificentiam : duo adhuc sunt notanda quæ imperante Justiniano contigerunt. Synodus v. Oecumenica, Constantinopoli eo autore celebrata adversus tria quæ vocant Capitula , & Origenis errores , anno 553. Vigilio Pontifice Maximo : & , si hoc quoque tanti est , Serici conficiendi ratio circa annum 551. à quibusdam Mo-

nachis ex India Constantinopolin allata : hoc luxus instrumento per eos, qui maximè ab omni luxu abhorre debent, si non primùm invec̃to, saltem, majori facilitate inventâ, non parum inter Christianos amplificato.

9. Unde haurienda Justiniani historia.

Hæc ex veteribus Historicis decerpta sunt, qui de rebus Justiniani scripsere in his primas tenet Procopius, cujus sunt decem libri; duo scilicet de bello Persico; totidem de bello Vandalico; quatuor de bello Gothico; is cui *Ἀνέκδοτα* nomen fecit, quod eum vulgare ausus non esset, ut pote Justiniani, Belisarii, ac totius aulæ vitiis atque in eos conviciis refertum; & qui de Justiniani ædificiis est inscriptus. Sequutus est Agathias, cujus de imperio Justiniani extant libri quinque. Hunc Theophanes excepit, qui gesta sub Justino juniore literis mandavit, admixtis etiam Justiniani rebus. Possunt & ex Zonara, & ex Marcellino Comite, itemque ex Evagrii & Nicephori Ecclesiastica Historia, huc pertinentia quædam colligi.

10. An is literarum prorsus rudis.

Cæterum Suidæ minime habenda fides est, cum Justinianum *ἀμάθητον*, & *ἀναλφάβητον*, ac literarum omnino

rudem fuisse scripsit. Id sanè vel ex eo refelli posse videtur, quod ipse Imperator testatur se Institutionum libros & legisse, & recognovisse. Verum error ex nominum affinitate ortus est. Suidas quippe Justiniano perperam adscribit, quod Procopius, testis oculatus, Justiniani avunculo & Patri adoptivo longè verisimilius tribuit, Justino scilicet, quem ex subulco militem, ex milite tribunum, hinc Comitem, tandemque Imperatorem, admirabili fortunæ vicissitudine, factum esse constat.

Illud non pigebit adjicere, Theodbertum Francorum per Austrasiam Regem, magni Clodovæi nepotem, adeo ægrè tulisse, quod Justinianus Francici titulum Edictis suis inscriberet; ut ea maximè de causa icto fœdere cum Gothorum in Italia Regibus Theodato ac Vitige, pro ipsis adversus Imperatorem arma sumpserit. Extremo enim Vitigis, apud Ravennam obsessi, tempore, anno Christi 539. cum centum armatorum millibus in Italiam irrupit, Liguriamque & Alpes Cottias cum magna Venetiæ parte subegit: sed, grassante in suos morbo, do-

II. De
Francici
titulo per
eum usur-
pato.

mum remeavit : ita tamen ut ibi re-
 lictus ab eo Buccellinus dux , magnam
 Italiæ intulerit vastitatem. At Theo-
 debertus idem , paulò ante obitum ,
 non infructuosam cum Justiniano pa-
 cem fecit anno 548. Quam & filius
 ejus Theodobaldus , petente per Le-
 gatos Imperatore , firmavit. Nec ta-
 men aut Totilæ bellum intulit, pater-
 ni cum Gothis prioris fœderis me-
 mor : nec posteriorem cum Romanis
 pacem , quantumvis à Gothis inter-
 pellatus , abrupit. Verùm circa an-
 num 555. Leotharis & Buccellinus fra-
 tres , (Rege è vivis jam exempto) cum
 Francis & Alemannis nova expeditio-
 ne suscepta , in Samnium usque simul
 progressi sunt. Divisis exinde copiis ,
 Buccellinus secundum mare Tuscum ad
 fretum Siculum arma circumtulit , in-
 que ipsam Siciliam penetravit : Leo-
 tharis in Apuliam & Calabriam po-
 pulationibus pervenit : atque hinc in
 Veneriam præda onustus sese recepit.
 Ibi æstate ingruente , & contracto ex
 æstu morbo interiit , exercitus & præ-
 dæ maximâ parte amisâ. Buccellinus
 verò , cum Gothis fidem obstrinxisset,
 Regniq; apud eos obtinendi spem con-

cepisset ; cum millibus hominum tri-
ginta substitit in Campania : atque ad
Casilinum à Narsete Justiniani duce ,
fusus, cæsusq; est cum universo exercitu.



D E

ROMANI JURIS

INTERPRETIBUS PRIMARIIS ;

ET INTERPRETANDI RATIONE

C A P U T IX.

INFINITUM, atque adeò impossi-
bile, nec tamen utile admodum esset,
omnes Juris Romani Interpretes re-
censere. Postquam enim Juris illud
Corpus à Justiniano conditum inva-
luit per Occidentem ; Doctorum in-
gens subinde ex Italiæ, Galliæ, His-
paniæ, Germaniæque Academiis ag-
men prodiit : quorum lucubrationibus
innumeris aucta partim & illustrata,
partim obruta atque obscurata est Ro-
mana simul, & patria cujusque gentis
Jurisprudencia : ut hodie reverà mole
suâ ubique laboret. Hîc mihi progres-

i. Inter-
pretes
innumeri.

I iij

sum ejus rei paucis describere sat erit.

2. Glossatores.

Irnerius, imitatione Græcorum, qui Scholiis Basilica interpretati erant, in Justiniani libros, ac præsertim in Digestum vetus, & Codicem, Notas breves edidit sub Glossarum nomine. Eum proximè sequuti, Jacobus antiquus Glossator, Martinus Gosia, Bulgarus, Rogerius, Joannes Bossianus, Placentinus, Hugolinus, Jac. Balduini, Roffredus, in eo docendi genere diu perseverarunt. Ex horum omnium Glossis, suam deinde Accursius anno 1220. confecit: quæ nunc vulgò hominum manibus teritur. In ea sibi ipsi adversarium videri Accursium, nihil mirum, quando ex tot diversorum Interpretum, plerumque invicem dissidentium, sententiis opus suum cōflavit: at Glossas in Librū Feudorum à Bulgaro & Pyleo editas, emendavit postremo, & locupletavit Jacobus Columbinus.

3. Summistæ.

Glossatoribus accessere qui Jus certâ methodo in compendium redigere conati sunt: quod primus, sed minùs feliciter, tentavit Rogerius, qui & primus Glossas ad Infortiatum emisit. Ejus æmulatione Placentinus Gallus in Narbonensi provincia natus, apud

Montem Pessulanum luculentiorē Epitomen conscripsit in Codicem atque Institutiones, sub annum 1200. ut postea Joannes in Digestum, & paulo utiliùs in librum Novellarum. Sed veteres in eo genere omnes Azo, Joannis auditor superavit, cujus Summæ Odofredus quædā adjecit haud inutilia. Feudorum quoque Summam, post Pyleum, reformarunt Jac. Columbinus eorundem Glossator, & Jacobus Ardiccionus.

Post hæc Jacobus à Ravanis Lotharingus, quæ simpliciter à majoribus tradita fuerant, sive indicatis similibus Legum locis; sive unaquaque materiâ, quæ sub titulis continebatur, in Epitomen redactâ: ea ad dialecticum arguendi modum adduxit; dum argumentorum multitudine quæstiones tractat, aut onerat. Inde ortus Commentandi novus mos; quo non tantum Textus, sed vel magis Glossarum verba Doctores exponere cepere. Sic in immensum excreverunt, mutuis altercationibus, difficultates. Hunc Interpretandi modum sequuti sunt plerique ab anno ferè 1250. ad 1500. & eo ampliùs. Lecturas Librorum vocabant; Repetitiones autem Legum sin-

4. Com-
mentato-
rum varia
genera.

gularium : unde tractu temporis exiit ingens illa Collectio , cui nomen Tractatus Tractatum. Floruere autem ab anno 1250. ad 1350. Odofredus imprimis , Dinus Mugellanus , Jacobus de Arena, Olradus de Ponte, Albericus de Rosate Itali. Petrus de Bella pertica , & Joannes Faber Galli : Post hos prodiere Bartolus à Saxoferrato , Lucerna Juris cognominatus : Baldus de Ubaldis ; Bartholomæus Salicetus ; Raphaëles duo , Comensis , & Fulgosius (quorum opera Mariano Socino Juniori , & Cujacio non mediocriter probata : nisi potiùs Christophori Castellionei sunt , cujus uterque discipulus cujusq; scripta inter se partiti esse , ac pro suis venditasse dicuntur). Joannes deinde ab Imola , Paulus Castrensis , Franciscus Accoltus Aretinus , Alexander Tartagnus Imolensis , Bartholomæus Socinus , Jason Mainus in pretio fuere Itali omnes , quibus se Gallus unus inferuit Lucas de Penna Tolosanus. De his extat Alciati judicium versibus exaratum.

*In Jure primas, comparatus ceteris ,
Partes habebit Bartolus.*

Decisiones ob frequentes actio

Baldum forensis sustinet.

*Non negligenda maxime est tironibus
Castrensis explanatio.*

*Opinionum tutius symplegadas
Superabis Alexandro duce.*

*Ordinis Jason, atque lucis nomine,
Videndus est properantibus.*

*His si quis alios addiderit Interpretes,
Onerat quam honorat verius.*

Haecenus, ut in cæteris artibus, ita in Jurisprudencia quoque, mera barbaries; & tum doctarum linguarum ac purioris Latinitatis, tum historiae veteris, omnisque propemodum literaturae ignoratio mira regnabat: ut quisquis horum Interpretum scripta, cum ipso Juris, quod enarrandum susceperant, corpore, scriptisque priscorum Jurisprudentium contulerit; assutas purpuræ Tyriæ vilissimi pannilacinias agnoscat. Sed omni scientiarum genere feliciter illustratum seculum huic nostro proximum, plurimos tulit magni nominis Jurisconsultos, quorum operâ ingens huic scientiæ lumen accessit. Autores adjungendarum ad dilucidandum Jus Romanum literarum humaniorum fuere Guill Budæus Gallus, Æmilius Ferre-

f. Politi-
res Inter-
pretes sæ-
culi XVI.

itis Italus sed in Gallia plurimum ver-
 farus, atq; Udalricus Zasius Germanus.
 Hos insequuti eodem seculo ex Gallis
 Petrus Rebuffus, Joannes Corasius,
 Andreas Tiraquellus, Franciscus Dua-
 renus, Eguinarius Baro, Carolus Mo-
 lineus, Franciscus Connanus, Franc.
 Balduinus, Jacobus Cujacius, Step-
 hanus Forcatulus, Hugo Donellus, Franc.
 Hotomannus, Petrus Faber, Joannes
 Robertus, Ant. Contius, Joan. à Re-
 berteria, Joan. Fornerius, Barnabas
 Brissonus, Æmarus Rivallius, Dionys.
 Gothofredus : quibus Guillel. Dou-
 jatium proavum meum non piger an-
 numerare, quamvis pauca ejus scripta
 in lucem publicam sint emissâ.

Inter Italos ejus ætatis celebrantur
 Joannes Sadoletus, Franciscus Mantica,
 Jacobus Menochius, Taurelli pater & filius,
 Andreas Alciatus, Marianus Socinus junior,
 Guido Panzirolus.

Hispania inter cæteros Antoniũ Augustinum,
 Ferdinãdum Vasquium Menchacensem,
 Ariam Pinellum, Antonio Gomezium cum
 Ant. Goveano Lusitano dedit.

Belgiçæ Provinciæ Jacob. Rævardũ,
 Viglium Zuichemum, Nicolaum Ever-

hardum, Petrum Peckium protulere.

Germania Joachimum Mynfingerum, Joannem Oldendorpium, Claudium Cantuunculam, Joannem Thomam Freigium, Gregorium Haloandrum, Joannem Leunclavium, Nicolaum Cifnerum, Nicolaum Vigelium, Valentinum Forsterum) Joannem Schneidevinum, (qui Græcum aliquando Oiontonii nomen affectavit, Joannem Sicardum, Joannem Fichardum, Simonem Schardium, Hubertum Giphaniū, Matthæum Wesembecium, Henricum Agylæum.

At fœcundissima litterarum bonarumque omnium proventu ætas nostra plurimos ubique tulit magni nominis Jurisconsultos: imprimis autem, quorum scripta ad Jus Civile pertinentia ad meam notitiam venerint, fuere, aut adhuc sunt ad annum usque à Virgineo partu 1678.

6. Hujus ætatis.

In Gallia nati Raguellus, Antonius Faber Guil Ranchinus, Guilielmus Maranus, Antonius Mornacius, Petrus Gregorius Tolofanus, Joannes à Costa, Emundus Merillius, Carolus Labbæus, Franciscus Marsis, Bernardus Autumnus, Alexander Chassa-

næus, Carolus Annibal Fabrotus, Joannes Davezanus, Joannes Broæus, Joannes Mercerius, Antonius Dadinus Altafferra, Claudius Columbetus, Jacobus Gothofredus, Joannes Ofius, (vero nomine Orrius,) Ægidius Menagius, Nicolaus Catherinotus, (qui se Catharinum appellari maluit), Michaël Legius, Petrus Collonquius, Daniel Galterius.

In Italia Andreas Fachineus, Prosper Farinacius, M. Antonius Peregrinus, Julius Pacius à Beriga, qui plurimum vixit in Gallia, Nicolaus de Passeribus, Scipio Gentilis.

In Germania Joannes Borcholten, Henricus Vulteius, Hieron. Treutlerus, Helfricus Ulricus Hunnius, Joannes Calvinus, Reinardus Bachovius, Henricus à Rosenthal, Christophorus Besoldus, Joan. Althusius, Cunradus Rittershusius, Gerardus Tunningus.

In Belgio Everardus Bronchorst, Bernardus Schotanus, Henricus Zoësius, Antonius Perezius, Arnoldus Vinnius, Arnoldus Corvinus, Petrus Gudelinus, Hugo Grotius.

7. Cûr
non plures
nominati.

Nec sum nescius multos à me esse prætermittos non minoris dignationis,

nis, imò vel majoris eruditionis aut nominis, quàm nonnulli eorum quos memoravi. Id non odio cujusquam, vel contemptu, non incuriâ; sed partim casu, partim de industria factum. Plurimorum, exterorum præsertim hujus ævi scriptorum, nomina nondum ad me pervenerant; aliorum non occurrunt quærenti memoriæ: quos utrosque, sive ignoratiæ, sive oblivioni meæ veniam spero daturus. At eos haudquaquam nominandos censui, qui licet utriusque Juris egregiè periti, tamen aut sibi & musis canere, aut uni ætati, auditoribusque suis consulere contenti, lucubrationum suarum nihil hætenus ediderunt, quod posteris prodesse posset: qui, ubi quid proferent, nequaquam suo tempore silebuntur. Eos prætereà hîc recensendos non putavi, qui nihil, aut pauca admodum de Jure Civili scripsere; Pontificio magis delectati, quales ex Hispanis Didacus Covarruvias, Martinus Navarrus ab Azpilcueta; è nostris Joannes Quintinus, Franciscus Florens, Joannes Dartis, Amb. Gaufreus. Innoc. Cironius, aliique: quibus brevi spero accensendum Cl. v. Petrum Hallæum,

aliosque suo tempore Collegas nostros. Nec ii nominandi hoc loco visi sunt, qui Decisionibus seu Quæstionibus Forensibus ac Senatusconsultis congerendis, aut interpretandis dumtaxat Constitutionibus, Statutis, Consuetudinibus insudarunt. Priorum mentionem differendam in Prænotionum Canonicarum, siue Criticæ Ecclesiasticæ diffusius opus: quod dudum promissum, sub prælo esset, nisi jussu eorum, quibus quicquam denegare nec possum, nec debeo, me aliò traxisset. Verùm, ut affectum reverà est, non diù, juvante Deo, expectabitur. Posteriorum ideò non memini, quia ad proprium cujusque Gentis au Provinciæ, locive Jus pertinent: eoque nomine Galli Jurisconsulti suum in Manuductione ad Forum Gallicum invenient locum, si quando inchoatum hoc opusculum absolvere dabitur: ubi & de Juris tum communis, tum patrii Studio dicendum erit.

8. Cur illorum res atq; opera necnon recensentur.

Horum, quos antea memoravimus, natales, moresque describere, aut monumenta recensere, ingentis voluminis res esset, non brevis enchiridii, quale exarandum suscepimus. Quis enim aut

Antecessorum tot non modò Lecturas ac Repetitiones ; sed Recitationes, seu Titulorum & Legum enarrationes, tot Paratitla ; tot omnis generis Doctòrum Observationes , Emendationes , Conjecturas , Disputationes , Enantiophanon seu Antinomiarum Libros ; Tractatus , Repertoria , Methodos , Tabulas sive Schemata percurrere nisi longo tempore valeat ? Quis singula cujusque opera ad judicii trutinam audeat revocare ? Quid si Judicum deinde atque Advocatorum Quæstiones, Decisiones, Consilia, Praxes essent adjungendæ ? Quis verò patriam , familiam, facta, fortunam cujusque cognoscere possit, & certò proferre ? Id quidem non mediocri diligentia Fichardus, Zilettus, Freymonius , Forsterus , alique tentarunt , & accuratius cæteris Panzirolus. Sed plura longè Auctorum Nomina , pluraque eorum etiam quorum illi meminere acta eruenda è tenebris supersunt. Hoc unum adjicere lubet, ex iis etiam , qui postremis seculis vixerunt, complures non solum Senatorum, ac Præsidium, Episcoporum atque Archiepiscoporum , sed Cardinalium quoque meruisse dignitatem : ut

K ij

Hugonem Boncompagnum taceam*, qui ex Antecessore Bononiensi, ad Ecclesiæ Romanæ purpuram evectus, ad Pontificium tandem culmen desinente proximo seculo pervenit sub Gregorii XIII. nomine.

9. Justiniani institutum pauci Jurisconsulti sunt sequuti.

Id certè prætermittere non possum in immenso illo Interpretum numero paucissimos reperiri, qui in operibus suis consilium Justiniani sequuti fuerint. Sanxerat enim in utraque Constitutione de confirmatione Digestorum ad Senaturn, Latinâ & Græcâ, sive L. 2. & 3. Cod. de vet. jure enucl. ne quis unquam in leges à se congestas Commentarios scribere auderet: eo tantum concessio, ut liceret eas in Græcam linguam transferre sub eodem verborum ordine, ita scilicet ut verbum verbo redderetur; itemque per Titulorum subtilitatem, indices quæ *περίπλαν* nūcupantur quædam ad monitoria facere: districtè autem interdixerat omnem aliam interpretandi rationem: his addiderat ut in alterius generis operum autores, tanquam falsi reos ageretur, jussissetque eorum volumina corrumpi ac penitus aboleri. Attamen pauci, vel nulli potius, posterioribus præsertim tempori-

bus, inventi sunt, qui id, quod per ipsum licebat, attigerint: omnes ad quævis per eundem vetita commendandi genera decurrerunt.

Religiosiores cæteris invenio nostros olim Gallos fuisse vertendis in patrium sermonem libris Juris. Nam & Institutionum translationes veteres reperiuntur, autoribus Nicolao del'Escut & Guidone de la Roche, (quarum meminit Verderius in Bibliotheca sua) longè quidem infra elegantiam, quâ Primum Institutionum librum (ad reliquorum desiderium) eximiâ paraphrasi illustravit vir omni, cultioris præsertim literaturæ genere, excellens Paulus Pellissonius Fontanerus libellorum supplicum Magister; sed sensui verbisque strictè in hærentes. Extant & trium posteriorum Codicis Librorum ac Novellarum versiones Gallicæ, regnante ut videtur Philippo Augusto, conscriptæ; itemque Feudorum Libri. Quas omnes uno volumine in membrana descriptas penes virum eruditissimum Ludovicum Nublæum esse testatur, sæpe; nec tamen satis unquam, laudatus Menagius Observationum in linguam Gallicam præte primâ cap. 3. Ejusmodi exemplar

10. In vertendo in aliam linguam textu.

viderat sine dubio Cujacius, cum
 Commentarios suos in postremos illos
 Codicis Libros ederet. Etenim in epi-
 stola nuncupatoria ad Margaritam Va-
 lesiam Duce[m] Sabaudia & Biturigum
 Commentariis eorundem librorum
 præfixa, sic scribit: *veteres Franci, qui
 Principum suorum valdè amantes fue-
 runt, missis novem aliis Libris, hos
 tres dumtaxat Francos fecerunt.* Postea
 tamen alios vidit, ut patet ex eo quod
 ab eo notatur obs. lib. xi. cap. ii. ubi
 auctoritate tum Basilicorum, tum Gal-
 licæ versionis, correctionem confirmat
 à se annotatam ad L. dolum 6. Cod.
 de dolo, qua pro voce, *indiciis*, legen-
 dum docet, *insidiis*, cum in Græco sit
 ὁπὲρ ἐπιβουλαῶν μεροφανείων: in Gallico
 verò *par apers aguets*. Et sanè apud
 ante laudatos Nablæum, Menagium,
 aliosque plures sunt aliorum Codicis
 librorum partes in Gallicum vetus
 idioma transfusæ. Digestorum præcæ
 versionis nulla ad me notitia pervenit.
 Audio tamen in his nuper elaborasse
 virum eruditione atque ingenio, non
 minus quàm natalibus conspicuum,
 cujus lucubrationem publici juris fieri
 optandum esset. Sed & versibus quo-

que Gallicis expressas Institutiones habet penes se vir cl. & eruditiss. D. Bigotus Rothomagensis. Latinam quoque versu exaratam earum translationem me aliàs legere memini : cujusmodi opus elegantissima paraphrasi tituli de rerum divisione & acquirendo earum dominio tentavit Hugo Grotius ; utinam & in reliquis peregisset.

Paratitla quidem à multis , sed ea maximâ saltem ex parte , vereor ut ad Justiniani mentem composita sint. Si quidem ut post Leunclavium & Janum à Costa ex Matthæo Monacho demonstratum est Amœnitatum Juris Civilis cap. 5. Paratitla propriè sunt Titulorum , non explicationes , sed ex cæteris Titulis repletiones , id est , Indices Legum , quæ ex aliis titulis ad unumquemque Titulum qui exponitur subtiliter possunt revocari.

11. In Paratitlis.

Contestatus quoque fuerat idem Justinianus in Constitutionibus antè laudatis contrarias in libris suis Leges non inveniri , si quis subtili animo diversitatis rationes perpenderit : sed esse aliquid novum inventum vel occultè positum , quod dissonantiam dissolvit , aliamque naturam sive speciem

12. In Legibus conciliandis.

rerum inducit, ita ut discordia nulla remaneat : quòd scilicet Leges, quæ oppositæ videntur, ad diversas referantur hypotheses, mutatâ circumstantiâ facti aliquâ. Magna tamen pars Jurisconsultorum in ejusmodi Antinomiis anxie inquirendis ita versatur, ut nonnisi, aut per verborum immutationem, trajectionem, additionem, deductionem; aut per Juris veteris & novi, stricti & benigni; aut per diversarum priscos inter Jurisconsultos sectarum distinctionem; aut etiam per Triboniani ab illis dissensionem, conciliandi viam quærant. Quorum duo postrema, etsi inspecto initio, & rebus ipsis per se sumptis, veritati aliquando consentanea sint; in eodem tamen volumine non per partes, sed simul ab iisdem Collectoribus edito admitti vix possunt; quasi contrarietatem quæ priùs fortè inter autores olim intercesserat, adhuc servant: etsi enim v. g. in alia sententia fuerit hinc Julianus è Sabini schola, inde Celsus filius Proculeianus in L. 1. §. 1. D. de usus. accresc. & in L. & Proculo 20. ff. de Legat. 2. non tamen eorum sententiæ velut contrariæ in Digesta

insertæ sunt, sed ut hujus quidem in facti certa specie, nempe in usufructu; illius vero in facto aliquantum dissimili, in proprietate scilicet servo communi legata valeret: quæ differentia ex verbis subtiliter eruenda est. In conciliandis hac ratione Legibus neminem vidi aut legi feliciorum Francisco Marzio quondam Gordoni apud Cadurcos Propratore, qui ejus rei specimen aliquod in libro Prætermisforum in publicum dedit, sed cujus scripta alia ejus generis apud me sunt de universa materia testamentaria omnium difficillima.


17. Conciliationis
legum
præcepta.

Ab eo hoc accepi Legum interpretandarum præceptum certissimum, quod Florentina & Haloandri editiones cum vulgata sive Accursiana conveniunt, nihil sine temeritate mutari posse; alioqui carnificinam aiebat Legum esse, non interpretationem: Quod si omnibus accuratè perpensis in concordiam adduci Leges aliquæ non posse videantur, nisi demptâ fortè uni, aut additâ negatione, aut aliter everso textu; honestius satiusque esse ignorantiam suam ingennè fateri, quàm pro arbitrio Legum conditorem agere: ac neglecto enarratoris officio, in Prin-

cipis minus invadere. Quâ in re ingenio suo audacissimè usus est, ne dicam, abusus Ant. Faber in libris Conjecturarum. At si inter se differrent editiones, aiebat eâ utendum, quæ commodior videretur. Et verò in una aut altera tantùm antinomia sibi aquam hæsisse, homo candidus, si quis alius, & minimè vanus inter familiares asseverabat.

Aliud à Cl. Viro Dom. du Verger Antecessore Tolosano, cujus hodie munere haud dispar filius egregiè fungitur, Legum ad concordiam revocandarum Præceptum jamdiu hauseram, nimirùm si ex pluribus Legum singularum nodos solvendi rationibus, quæ à Glossa indicantur, examini subjectis; eam, quæ Juris regulis atq; principiis maximè convenire videbitur seligamus. Delitescere quippe ferè semper, inter multa inutilia, veram solutionē; quam distinguere non cujusvis sit; sed ejus qui in Jure maximè versatus, ingenii acumine polleat.

Haftenus de Jure Romano, ejusque ortu, progressu & consummatione, ac Partibus in genere satis pro suscepto opere diximus. Superest, ut ordinem Partium indicemus, factò ab Institutionibus initio.



S E R I E S

I N S T I T U T I O N U M

P E R L I B R O S E T T I T U L O S .

C A P U T X.

INSTITUTIONUM opus uni-
 versum ad duo summa capita re-
 ferri potest, Jus nempe ipsum in
 se spectatum ; & Juris subjectam
 Materiam, sive (ut Scholastici lo-
 quuntur) Objecta circa quæ versa-
 tur. Hæc tria indicantur §. ult. de
Jure naturali, Gentium, & Civili,
 scilicet PERSONÆ, RES & ACTIO-
 NES, quo referuntur judicia, quæ
 per actiones ferè exercentur, ut Jus
 executioni mandetur.

Summa divi-
sio.

De JURE in genere agitur pri-
 mis duobus Titulis : quorum prior
 est de Juris fine & arte, Justitia ni-
 mirum & Jurisprudentia, deque hu-
 jus summis & generalibus præceptis :
 alter de Juris privati partibus, Jure
 nimirum Naturali, Gentium & Ci-

LIBER I.
 Tit. I.
De justitia & jure.

Tit. 2.
*De jure Na-
 tur. Gent. & Civili.*

vili, atque hujus divisionibus.

Reliquo Libro primo tractatur de primo Juris subjecto, nempe de *Personis*, quarum duæ summæ divisiones afferuntur; prior deducta ex Jure Gentium. Titulo 3. in liberos homines & servos: adjectâ liberorum subdivisione in ingenuos & libertinos, qui per manumissionem liberi fiunt: quod tamen non semper procedit, præsertim propter Legem Æliam Sentiam; olim etiam propter Fufiam Caniniam.

Posterior Personarum divisio generalis, ex Jure Civili petita, quæ adducitur Tit. 8. est in eos, qui sui, & eos qui alieni juris sunt, id est in alterius potestate; sive dominica, ut servi; sive patriâ, ut filii familiars: quæ Patria Potestas Nuptiis, Legitimatione aut Adoptione acquiritur: Solvitur autem morte, emancipatione, aliisque modis.

Jam earum Personarum, quæ in Potestate non sunt, sed sui juris & patres-familias, subdivisio proponitur Tit. 13. cujus divisionis membra ad finem usque libri explicantur. Earum itaque personarum quædam in tutela.

DE PERSONIS.

Tit. 3.

De jure person. ubi de servis.

Tit. 4.

De Ingenuis

Tit. 5.

De Libertinis

Tit. 6.

Quibus ex causis manum, non licet.

Tit. 7.

De lege Fuf. Cani. tolle.

Tit. 8.

De his qui sui vel alieni juris sunt; ubi de pot. dominorum in servos.

Tit. 9.

De Patria potestate.

Tit. 10.

De Nupt. ubi & de Legitimat.

Tit. 11.

De Adoptionib.

Tit. 12.

Quib. mod. jus patr. pot. solvitur.

in tutela ; quædam in curatione sunt :
aliæ neutro Jure tenentur.

Hac de causa primò de Tutela ac
Tutoribus , tum de Curatione seor-
sim agit Justinianus ; ac deinde de
iis permixtim quæ utrique generi
communia sunt.

De Tutela docet quid sit , & quo-
tuplex , quis ejus effectus , quis fi-
nis. Ratione Constitutionis triplex
est Tutela : Testamentaria primam
speciem constituit : secundam Legi-
tima , ad quam referuntur præter
Agnatorum Tutelam , quæ quâvis
capitis diminutione perimitur , Pa-
tronorum etiam , Parentum , & fra-
trum integri Juris Tutela , quam Fi-
duciam vocant. Tertio loco est
Dativa , ex Legibus Attilia & aliis
descendens.

Effectus Tutelæ , præter defensio-
nem personæ pupilli , est rerum ad-
ministratio , in qua eminet Autoritas
pupillis contrahentibus à tutore præ-
standa.

Finitur autem Tutela Pubertate Pu-
pilli , atque aliis modis.

Inde incipit Curatorum officium ,
quibus tria sunt cum tutoribus com-

Tit. 13.
De Tutel. se

Tit. 14.
*Qui testam.
tutor. dari poss.*

Tit. 15.
*De legitima
Agnat. tutela.*

Tit. 16.
*De Capitis di-
minutione.*

Tit. 17.
*De leg. Patr.
tutela.*

Tit. 18.
*De leg. Pare
tutela.*

Tit. 19.
*De fiduciaria
tutela.*

Tit. 20.
De Att. tutors

Tit. 21.
*De autoritate
tutorum.*

Tit. 22.
*Quibus modis
tutela finitur.*

Tit. 23.
De Curator.

Tit. 24.
De satisfatione
Tutorum vel
Curatorum.

Tit. 25.
De excusat.
Tutorum vel
Curatorum.

Tir. 26.
De suspectis
Tutor. vel Cu-
rator.

DE REBUS.
LIBRI II.

Titulus I.
De Rerum di-
visione, & ac-
quirendo earum
dominio.

munia, Satisfatio, Excusatio, & ob
Suspecti crimen remotio.

II. LIBRO transit imperator ad jus
Rerum, quarum divisiones, quæ qui-
dem ad jus pertinent, tit. 1. & 2.
proponit. Deinde rationes tum Do-
minii acquirendi, tum contrahen-
darum Obligationum, per quas ad
dominium quòque perveniri solet.
Dominii acquirendi modos explicat
ad tit. usque 14. Libri tertii, à quo
titulo incipit Obligationum tracta-
tio.

Acquiritur autem dominium vel
jure gentium, ut occupatione cæte-
risque modis primo titulo relatis;
vel Jure Civili, quo acquiruntur tum
res singulæ, tum res universales.

In acquisitione particulari spe-
ctantur res quæ acquiruntur, modi
acquirendi, & personæ quæ acqui-
runt.

Tit. 2.
De rebus cor-
poralibus, &
incorporalibus.

Tit. 3.
De servitutib.
Prædiorum.

Tir. 4.
De usufructu.

Tit. 5.
De usu & ha-
bitatione.

Acquiruntur res non modò Cor-
porales, sed etiam incorporales, in
quarum numero sunt Servitutes tam
reales siue prædiorum, quàm perso-
nales, ut usufructus, usus & habi-
tatio.

Modi acquirendi singulas res ex

Jure Civili sunt præsertim Usucapio, vel longi temporis præscriptio; itemque Donatio.

Quod ad personas attinet, requiritur ut acquiramus ab iis, quibus Alienare liceat; idque aut per nos ipsos, aut per alias Personas.

Per Universitatem res Jure Civili acquiruntur quatuor modis, qui sunt hereditas, bonorum possessio, arrogatio, & bonorum addictio.

Hereditas autem alia defertur ex testamento, de qua est reliquus liber à tit. decimo; alia verò ab intestato, de qua initio libri tertii.

De Testamento quatuor explicantur, ejus forma seu ordinandi ratio; dissolutio qua inutile fit; effectus, & partes sive accidentia. In Ordinando Testamento spectantur præsertim personæ duæ, testatoris & heredis: alia enim solennia requiruntur ad testamenti substantiam in Pagano qui jure communi testatur; alia sufficiunt in eo qui testatur jure Militari. Prætereà in ipsa testatoris persona exigitur generaliter, ut habeat testamenti factionem activam, cum non omnibus Permissum sit facere

Tit. 6.
De usucapionibus & longi temp. præscriptionibus.

Tit. 7.
De Donationibus.

Tit. 8.
Quibus alien. licet, vel non.

Tit. 9.
Per quas Personas cuique acquiritur.

Tit. 10.
De Testamentis ordinandis.

Tit. 11.
De militari Testamento.

Tit. 12.
Quibus non est permissum facere Testamentum.

testamentum. Speciatim quoque, si quis liberos habeat in potestate, ac suos heredes; ut valeat Testamentum, necessaria est eorum institutio, vel ritè facta Exheredatio.

Tit. 13.
*De exheredat.
liberorum.*

Tit. 14.
*De heredibus
instituendis.*

Tit. 15.
*De vulgari
substitutione.*

Tit. 16.
*De pupillari
substitutione.*

Heredes autem alii primo gradu Instituuntur, alii ulteriori gradu Substituuntur; idque aut Vulgari jure in 1. casum, non acquisitæ scilicet hereditatis; aut Pupillariter in 2. casum hereditatis etiam acquisitæ.

Tit. 17.
*Quibus modis
Testamenta
infirmantur.*

Postquam actum est de Testamentis, deque heredum Institutione, quæ caput & fundamentum est Testamenti: videndum quibus modis Testamenta quæ initio constiterunt, utpote jure ordinata; infirmantur ex postfacto, sive ipso jure ante mortem Testatoris; sive postea officio Judicis, per Inofficiosi querelam.

Tit. 18.
*De inofficioso
Testamento.*

Tit. 19.
*De Heredum
qualitate &
differentia.*

Hinc transit Justinianus ad effectus Testamenti, acquirendam scilicet Hereditatem: quod pro diversa Heredum qualitate variè fit.

Tit. 20.
De Legatis.

Tit. 21.
*De Ademptio-
ne Legatorum.*

Appendices Testamentorum sunt imprimis Legata; quæ semel relicta, nihilominus Adimi, Transferrique possunt; sæpe etiam per Legem

Falcidiam minuuntur. Testamento quoque relinqui solent Fideicommissa : tum universalia , in quibus locum habet S. C. Trebellianum ; tum Singularia. Codicilli , denique ex Testamento ferè vim capiunt.

LIBER III. est de successione ab intestato , ac de reliquis modis acquirendi per universitatem , quæ pars adhuc ad dominium refertur. In eo deinde agitur de Obligationibus, quibus non statim res nostræ fiunt, sed incipiunt nobis deberi. Hereditas ab intestato aliter defertur quantum ad Ingenuos , aliter quantum ad Libertinos. Ingenuorum Successores in tres Ordines dividuntur: primus est Suorum Heredum & quasi Suorum , Liberatorum nempe: Secundus Legitimorum , qui vel propriè Legitimi sunt , cùm per Legem 12. Tab. expressis verbis vocentur ad successionem , ut Agnati : vel pro Legitimis habentur , ut Mater in filii successione ex Senatusconsulto Tertylliano , & Filius in successione matris ex Orphitiano. Tertius ordo est Cognatorum , qui à Prætore ad Bonorum possessionē vocabantur.

L iij

Tit. 22.
De Lege Falcidia.

Tit. 23.
De Fideicommissariis, Hereditatibus, & ad Senatusconsultum Trebellianum.

Tit. 24.
De singulis rebus per Fideicommissum. relictis.

Tit. 25.
De Codicillis.
LIBER III.

Tit. 1.
De Hereditariis quæ ab intestato deferuntur, ubi de Suis & quasi Suis.

Tit. 2.
De Legitima Agnat. success.

Tit. 3.
De Senatusconsulto Tertyl.

Tit. 4.
De Senatusconsulto Orphitiano.

Tit. 5.
De Successione Cognatorum.

Tit. 6.
*De Gradibus
Cognatorum.*

Tit. 7.
*De Servili
Cognitione.*

Tit. 8.
*De Successione
Liberorum.*

Tit. 9.
*De Assignmente
Liberorum.*

Tit. 10.
*De Bonorum
Possessionibus.*

Tit. 11.
*De Acquisitione
per Arrogationem.*

Tit. 12.
*De eo cui liber-
ratis causâ bo-
na addicuntur.*

Tit. 13.
*De Successionib.
sublatis qua
fiebant per bo-
norum vendit.
& ex Senatus-
consulto Clau-
diano.*

Quoniam verò in Agnatorum & Cognatorum ordinibus proximior remotiori anteponi solet, ideò cognoscendi sunt Gradus Cognationis: cujus, etiam in servitute contractæ, hodie ratio habetur.

Successio autem Libertorum debetur ut plurimum Patrono, ejusque liberis omnibus; nisi fortè Libertus uni ex Liberis assignatus fuerit à Patrono.

Sequitur Secunda acquirendi per Universitatem rerum dominii species, quæ Bonorum Possessio dicitur; quâ scilicet heredis loco à Prætorè habetur, qui stricto Jure Civili heres non est: Deinde tertia species Arrogatio, quâ Patrisfamilias adoptati bona Patri Adoptivo acquiruntur: & quarta nimirum Bonorum Addictio, quæ vacante hereditate fit Libertatum conservandarum causâ. Fuere olim aliæ quoque species rerum per universitatem acquirendarum, ut solennis Bonorum Venditio, quæ in desuetudinem abiit; & bonorum mulieris servili amore bacchatarum, ex Senatusconsulto Claudiano, quod sustulit Justinianus.

Hinc veniendum est ad Obligationes, quibus, ut dixi, jus magis quam rei dominium rectè acquiritur; ideoque Obligatio dicitur mater actionis. Tractatur ergo à titulo 14. hujus Tertii libri, quâ ratione & per quos constituentur Obligationes & quomodo amittantur.

Tit. 14.
De Obligationibus

Oritur Obligatio quatuor ex capitibus, ex Contractu, quasi contractu, Maleficio, & quasi maleficio: sed posteriora duo genera rejiciuntur in Librum quartum. Obligationum, quæ ex Contractu nascuntur quatuor sunt species, aliæ quippe Re; aliæ Verbis; aliæ Literis; aliæ solo Consensu perficiuntur. Primum ergo differitur de Contractibus qui Re perficiuntur, quales sunt Mutuum, Commodatum, Depositum & Pignus. Deinde vero de verborum Obligationibus, nimirum de Stipulationibus, tum Principales, tum Accessorias tractatur; atque illarum natura & effectus exponuntur. Quod ad naturam sive substantiam attinet, disquiritur quomodo contrahantur, sive per unum, sive per plures stipulandi aut pro-

Tit. 15.
*Quibus modis
Re contrahitur
Obligatio.*

Tit. 16.
*De verborum
Obligationibus.*

Tit. 17.
*De duobus reis
stipulandi &
promittendi.*

Tit. 18.
*De Stipulatione
servorum.*

Tit. 19.
*De Divisione
stipulationum.*

Tit. 20.
*De inutilibus
stipulationibus.*

Tit. 21.
*De Fidejussori-
bus.*

Tit. 22.
*De Litterarum
Obligationib.*

Tit. 23.
*De Obligationi-
bus ex consensu.*

Tit. 24.

*De Emptione
& Venditione.*

Tit. 25.

*De Locatione
& Conductione.*

Tit. 26.

De Societate.

Tit. 27.

De Mandato.

Tit. 28.

*De Obligatio-
nibus quæ quasi
ex contractu
nascuntur.*

Tit. 29.

*Per quas Perso-
nas nobis obli-
gatio acquiritur.*

Tit. 30.

*Quibus modis
tollitur obligat.*

LIBER IV.

mittendi Reos : nec tantum per Liberos homines, sed etiam per Servos. Contrahitur præterea stipulatio, vel conventionem partium tantum; vel autoritate quoque magistratus, aut iudicis jussu : unde oritur Divisio Stipulationum. Effectus est, ut prout variè, deque diversis rebus, aut à diversis personis interponitur, modò utilis sit, modò inutilis. Accessoria stipulationi est, quam Fidejussor contrahit firmandæ principalis obligationis causâ.

Sequitur obligatio quæ Literis sive scripto contrahitur. Et vetus quidem ac solennis Literarum Obligatio jamdiu obsolevit : sed locus est Chirographariæ.

Consensu constant Emptio Venditio, Locatio Conductio, Societas & Mandatum.

Subjiciuntur Obligationes, quæ ex quasi Contractu nascuntur : deinde traditur quatenus per alios nobis acquiri possit Obligatio; ac denique quibus modis Tollatur.

LIBER IV. ad duo summa Capita referri potest, Obligationes ex

Maleficio, vel quasi; & Actiones.

Maleficiorum, sive privatorum delictorum species quatuor proponuntur, Furtum; Rapina, unde actio vi bonorum raptorum; Damnum injuriâ datum, quod Lege Aquiliâ vindicatur; & Injuria. His subjiciuntur species Obligationum, quæ ex quasi maleficio nascuntur.

Actiones in judicio exercentur, quod constat Actore, Reo, & Judice. Ideo in secunda hujus quarti Libri parte de eorum officio sive partibus disserit Justinianus. Actoris partes in Actione propriè dicta, & Interdicto impetrando versantur; Rei verò est Exceptionem proponere.

Hinc tractatur prius de Actionis substantia, deque personis eorum qui actiones exercent, ac de actionum peremptione. Quia verò Actiones vel ex re aut facto nostro; vel ex eorum, qui in potestate nostra sunt, contractu aut delicto in nos dantur: idcirco postquam Actionis in genere natura exposita est, & actionum divisiones enucleatæ, docet Imperator quatenus detur actio

Tit. 1.
De Obligationibus quæ ex delicto nascuntur: ubi de furtis.

Tit. 2.
De vi bonorum raptorum.

Tit. 3.
De Lege Aquiliæ.

Tit. 4.
De injuriis.

Tit. 5.
De Obligationibus quæ quasi ex delicto nascuntur.

Tit. 6.
De actionibus.

Tit. 7.
*Quod cum eo
qui in aliena
potestate est
negotium ge-
stum esse dice-
tur.*

Tit. 8.
*De Noxalibus
Actionibus.*

Tit. 9.
*Si Quadrupes
pauperiem fe-
cisse dicatur.*

Tit. 10.
*De iis per quos
agere possumus.*

Tit. 11.
*De Satisfactio-
nibus.*

Tit. 12.
*De Perpetuis
& Temporalibus
Actionibus,
& quæ ad He-
redes, & in
Heredes tran-
seunt.*

Tit. 13.
*De Exceptioni-
bus.*

Tit. 14.
*De Replicatio-
nibus.*

Tit. 15.
De Interdictis.

ex negotio gesto cum eo qui in Alie-
na potestate sit ; aut ex ejus fortè ma-
leficio , quæ actionis species Noxalis
appellatur ; tum etiam , quod huic
proximum est , quâ ratione compe-
tat actio in Dominum Quadrupedis ;
quæ pauperiem fecerit , sive nocue-
rit. Deinde ostenditur non solum
per nos ipsos , sed etiam per Alias
personas exerceri posse à nobis a-
ctiones : quod tamen non facile
sine Satisfactione procedit. Finiun-
tur , seu perimuntur quædam actio-
nes breviori tempore ; aliæ diutius
durant : quapropter hæ Perpetuæ ;
illæ Temporales vocantur. Quædam
Hereditibus dantur , aut etiam in
Heredes , aliæ verò minimè. Præ-
tereâ eliduntur plerumque actiones
oppositâ Exceptione , quæ & ipsa
non raro inutilis redditur subjectâ
per actorem Replicatione. Hæc om-
nia locum habent in Ordinariis Ju-
diciis. Actionum species quædam
sunt Interdicta , quibus Prætor
causam Possessionis dubiæ interim
disceptat.

Judicii exitus calumniatori , sive
actori , sive reo , periculosus est ,

cùm pœna temerè Litigantibus im-
mineat, quæ res cum aliis ad Judi-
cis Officium pertinet.

Totum opus claudunt Publica Ju-
dicia, quæ scilicet de Publicis crimi-
nibus extra ordinem exercentur.

Rubricas INSTITUTIONUM juvan-
dæ memoriæ causâ metro à me o-
lim per lusum inclusas, hîc inserere
in juventutis studiosæ gratiam visum:
quòd non modo Seriem ipsam Titu-
lorum, sed & rationem Ordinîs, &
cujusque rei vim ac naturam non
absurdè indicare viderentur.

Tit. 16.
*De pœna teme-
re Litigantium.*

Tit. 17.
*De Officio ju-
dicis.*

Tit. 18.
*De Publicis
judiciis.*

ORDO LIBRI PRIMI

INSTITUTIONUM

CARMINE EXPRESSUS.

J ustitiam, & Jus naturæ, Persona se- quatur:	1. 2. 3.
Ingenui, Libertini. (<i>horum nunc genus unum</i>).	4. 5.
At certa servos prohibent Manumittere causæ:	6.
Fusca sed fideat: tum subsit Juri alieno	7. 8.
Cum servo Natus; stringunt quem Patria jura,	9.
Connubio genitum justo, vel quem quis Adoptat,	10. 11.

12. *Ni ratione aliquâ fuerit resoluta Potestas.*
 13. *Jam suus impubes Tutelæ postulat usum.*
 14. *Cui Tutor quivis datur à testante parente ;*
 15. 16. *Vel Lege , Agnatos (Capitis nisi fortè mi-
 nores)*
 17. 18. *Qua vocat ; adjiciens Patronos , atque Pa-
 rentes ,*
 19 *Aut Fratres , Patris . queis dat Fiducia
 nomen :*
 20. *Sape etiam , Attilia Tutor sic Lege jubente ,*
 21. 22. *A Pratore datur. Pupillo quilibet horum
 Auctores fiant. Sed habent Tutoria Fi-
 nem*
 23. 24. *Munera : succedit Curator. Utrique Sa-
 tisfiant ,*
 25. 26. *Vel sese Excusant ; aut Suspecti removentur.*

ORDO LIBRI SECUNDI INSTITUTIONUM.

Nunc post jura Hominum, sequitur Di-
visio RERUM.

*Quas sentiat variis sibi quisque acquirere for-
mis.*

*Corpora seu fuerint, seu sint sine corpore
Jura.*

*Ut queis Urbana, & queis Rustica Præ-
dia subsunt ;*

45 *Atque Ususfructusque, ususque, & Jus Ha-
bitandi.*

6. *Utu res quæ certum est ac tempore longo :*

7. *Gratuito & Domini nobis accedere Dono,*

8. *Quarimus abs illis tantum qui jure Alic-
nant :*

Perque

Perque illos ferme, retinet quos nostra pote- 9.
stas.

Ex Testamentis recto Legum Ordine factis 10.
 Scriptus, defuncti bona cuncta adipiscitur he-
res.

Ut vult testatur Miles solennibus exsors. 11.
 Testandi at cuius non est Permissa facul- 12.
tas :

Exheres patri natus, vel scribitor heres. 13.
 Prima etenim hic cura est de Heredibus in- 14.
stituendis.

Et primis alii sic vulgò Substituuntur, 15.

Heredes nisi erunt : Pupillo, si sit & heres, 16.

Postrema interdum Rumpuntur & Irrita fiunt 17.

Judicia, aut deserta manent cum deficit
Heres.

Vel contra Officium pietatis scripta vacil- 18.
lant :

Sit Qualis distingue, modis è pluribus, He- 19.
res.

Tum Legata vide, Translatane sint vel a- 20. 21.
dempta :

Lege an Falcidii, ac tunc quatenus, immi- 22.
nuenda :

Commisssa heredis Fidei an successio tota, 23.

Aut Res reddenda ; an quid scriptum Codice 24. 25.
nudo.

TITULI LIB. III.

Intestatorum Heredes decet esse propinquos: 1.

In quæis Natorum prima esto causa Suo-
rum :

Hi si non extent, Agnatus lege volente 2.

Succedit ; sed & adjectos per mutua jura,

M

3. *Et Matrem Natumque vocant Decreta Senatus*
4. *Tertullo Orphitioque autoribus : Inde sequuntur*
5. *Quos Pratoris ope admittit Cognatio sola ,*
6. *Pro quo quisque Gradu functis propiore ligatur.*
7. *Servorum ex aliqua hic prodest Cognatio parte :*
8. *Sic ut Libertus servet sua jura Patrono ,*
9. *Aut natorum uni, si qua Assignatio fiat.*
10. *Ast ubi civilis planè successio deerit ,*
11. *Tunc ex Edicto Possessio tota Bonorum*
12. *A Patore datur. Siquis quemquam Arroget, ille*
13. *In bona adoptati succedet jure paterno :*
14. *Et Libertatum, si cuiquam Addicta, favore, Defuncti bona sint, heredis commodum sentit.*
15. *Verum ex usu abiere Bonorum venditiones ;*
16. *Nec jam servili mulier sua perdit amore.*
17. *Contrahimus Rebus, Verbis solennibus, atque*
18. *Scripturâ, solo Assensu quandoque ligamur.*
19. *Unum vel plures verbis Stipulatio necit :*
20. *Servorum quidvis Domino stipulatio quarit*
21. *Divide, non etenim genus est unum stipulandi.*
22. *Sape etiam tibi frustra & inutiliter stipuleris :*
23. *Sape Fidejussor promissa aliena capeffit :*
24. *Firmant Scripta fidem : soloque tenebre patet*
25. *Si quid Vendideris ; si quid Conduxeris ; aut si*
26. *Te dederis Socium, Mandatave fidus amici*

- Sumpseris, explenda* : & quasi Re contraxe- 28.
 ris, ex re
Stringeris. At Subjectorum tibi quærere 29.
 factò
Jura potes ; variisq; Modis tua Solvere vincla. 30.

TITULI LIB. IV.

- P**raterea sua quosque ligant Delicta no- 1.
 centes :
Furtum igitur, Res Rapta reum ; & data 2.
Damna ligabunt,
Aquilæ Legis qua pœnis subjiciuntur. 3.
His accensetur si cuiquam Injuria fiat. 4.
Et pro Delicto culpa est, fraudis licet expers. 5.
Persequitur Personarum ac Rerum ACTIO 6.
Jura :
Atque Potestatis titulo ex contractu aliorum, 7.
Aut noxâ, datur ; & nostra si fortè Ani- 8.
mantes
Pauperiem faciant. Agere at si quando ve- 9.
taris,
Procuratoris cautus gere munere litem 10.
Quam per te nequeas : plerumque Satisdare 11.
oportet.
Perpetua haud tamen est, tibi qua datur, 12.
Actio quævis :
Tempore clauduntur quædam ; quas nec ca-
pit heres.
Quod petis, elidat ne fortè Exceptio ; 13.
quodque
Excipis, haud perimat Replicatio certa, ca- 14.
veto,
Interdicta dabit Prator, Possessio si qua 15.
Disceptanda venis. Temere qui Litigat, illum 16.

3. *Et Matrem Natumque vocant Decreta Senatus*
4. *Tertullo Orphitioque autoribus : Inde sequuntur*
5. *Quos Pratoris ope admittit Cognatio sola ,*
6. *Pro quo quisque Gradu functis propiore ligatur.*
7. *Servorum ex aliqua hic prodest Cognatio parte :*
8. *Sic ut Libertus servet sua jura Patrono ,*
9. *Aut natorum uni, si qua Assignatio fiat.*
10. *Ast ubi civilis planè successio deerit ,*
10. *Tunc ex Edicto Possessio tota Bonorum*
11. *A Pratore datur. Siquis quemquam Arroget, ille*
12. *In bona adoptati succedet jure paterno :*
12. *Et Libertatum, si cuiquam Addicta, favore, Defuncti bona sint, heredis commoda sentit.*
13. *Verùm ex usu abiere Bonorum venditiones ;*
14. 15. 16. *Nec jam servili mulier sua perdit amore.*
17. *Contrahimus Rebus, Verbis solennibus, atque*
18. *Scripturâ, solo Assensu quandoque ligamur.*
18. *Unum vel plures verbis Stipulatio necit :*
19. *Servorum quidvis Domino stipulatio querit*
20. *Divide, non etenim genus est unum stipulandi.*
20. *Sape etiam tibi frustra & inutiliter stipuleris :*
21. *Sape Fidejussor promissa aliena capeffit :*
22. 23. *Firmant Scripta fidem : solaque tenebere pacto*
24. 25. *Si quid Vendideris ; si quid Conduxeris ; aut si*
26. 27. *Te dederis Socium, Mandatave fidus amici*

- Sumpseris explenda : & quasi Re contraxeris , ex re* 28.
Stringeris. At Subjectorum tibi quærere facto 29.
Jura potes ; variisq; Modis tua Solvere vincla. 30.

TITULI LIB. IV.

- P***raterea sua quosque ligant Delicta nocentes :* 1.
Furtum igitur , Res Rapta reum ; & data Damna ligabunt , 2.
Aquilæ Legis qua pœnis subjiciuntur. 3.
His accensetur si cuiquam Injuria fiat. 4.
Et pro Delicto culpa est , fraudis licet expers. 5.
Persequitur Personarum ac Rerum ACTIO 6.
Jura :
Atque Potestatis titulo ex contractu aliorum , 7.
Aut noxâ , datur ; & nostra si fortè Animantes 8.
Pauperiem faciant. Agere at si quando vetaris , 9.
Procuratoris cautus gere munere litem 10.
Quam per te nequeas : plerumque Satisdare oportet. 11.
Perpetua haud tamen est , tibi qua datur , 12.
Actio quævis :
Tempore clauduntur quædam ; quas nec caput heres.
Quod petis , elidat ne fortè Exceptio ; 13.
quodque
Excipis , hand perimat Replicatio certa , caveo , 14.
Interdicta dabit Prator , Possessio si qua 15.
Disceptanda venit. Temere qui Litigat , illum 16.
 M ij

17. *Pœna manet : proprio hic fungatur Munere
Judex.*
18. *Publica , sed propriis tibi crimina sunt per-
agenda.*
Judiciis , in queis alius servabitur ordo.



S E R I E S D I G E S T O R U M .

C A P U T X I .

r. Series
Digesto-
rum.

P A N D E C T A R U M Series non aliunde melius hauriri potest, quàm ex ipsius Justiniani orationibus de Confirmatione Digestorum, in quibus tradit, quis ordo in Pandectarum Libris, Titulis, & Legibus servatus sit. Et primò in Partes Septem totum opus divisum fuisse docet, idque ob numeri Septenarii, ut videtur, præstantiam. In Quinquaginta deinde Libris, quibus omnis Legum disciplina comprehensa est, secutum se profitetur, tam Codicis (prioris scilicet) quàm Edicti perpetui Ordinem : nam & hujus imitatione compositum fuisse Codicem constat : quoad nempe, post sæpius invocata & aucta Jura,

res ipsa pati videbatur. In Edicto autem condendo Julianus trium Juris Civilis Librorum à Sabino veteri Juriscōsulto conscriptorum vestigiis magna ex parte inhæserat, uti ex Commentariorum Pomponii, Ulpiani, & Pauli ad Sabinum fragmentis, quæ per hos Digestorum Libros sparsa sunt, eruitur; si quis illa cum eorundem, aliorumque Jurisprudentum ad Edictum lucubrationibus, quæ supersunt, contulerit. Hujus ordinis rationem ut non penitus negligendam, ita nec anxie nimis indagandam arbitror; satisque esse si causas ejus satis congruas assignemus, quantum ad facilius addiscendam & memoriæ mandandam Rubricarum Seriem sufficiat.

Hæc Methodus tum ex ipso Justiniano, tum ex Juris natura sic videtur colligi posse. Universa Legum disciplina, quemadmodum aliæ pleræque, tribus maximè partibus absolvitur. Prima in Prolegomenis versatur sive *πρόλογος*, quæ ipsius scientiæ naturam explicat. Secunda & præcipua in tradendis artis præceptis consistit. Tertia, veluti Epilogus seu Anacepha-

2. Methodus generalis.

Ixosis quædam, sparsam in anteriori
 parte doctrinam pauca in capita quo-
 dammodò colligit. In Secunda porro
 tractantur tria Juris subjecta, brevius
 quidem Personæ ac Res; fusissimè
 verò Actiones, hoc est, agendi for-
 mulæ, earumque Materia. Agitur
 autem in Judiciis partim de jure pri-
 vato, partim de publico; idque vel
 apud inferiorem Judicem in prima,
 ut vocant, instantia; vel apud supe-
 riorem in secunda. Agiturque aut ad
 rem pretiumque consequendum, aut
 ad persequendam criminis pœnam.
 Jam Civilis Judiciî partes ad tria im-
 primis referuntur, ad judicium nem-
 pe aut præparandum, aut ordi-
 nandum, instruendumque, aut finien-
 dum & exequendum. Constituitur
 autem judicium ex pluribus diversis-
 que causis. Eæ ad genera tredecim vi-
 dêtur posse revocari. Primum est Do-
 minium. 2. Damnum datum. 3. Com-
 munio ejusdem rei quæ ex ipsius na-
 tura absque pacto provenit. 4. Factum
 hominis citra conventionem, & citra
 damnum in corpore datum. 5. Res
 Creditæ, quo nomine Contractus ple-
 riq; comprehenduntur, eorumque

adminicula , in quibus Probationes
 plerumque necessarie sunt. 6. Nu-
 ptia. 7. Tutela & Cura. 8. Heredi-
 tas sive Successio tum Civilis , tum
 Prætoria ; & tam Testamentaria quàm
 ab Intestato. 9. Damnum imminens.
 10. Vectigalium conductio. 11. Do-
 natio. 12. Causæ status. 13. Titulus
 Domini vel Possessionis. His præ-
 missis non ita difficile erit Partium
 & Librorum , imò & Titulorum sive
 Rubricarum ordinem investigare.

PRIMA itaque Digestorum PARS, I. PARS.
 quam Imperator Justinianus appellat τῇ Πρῶτῃ
 τῇ Πρώτῃ, Libris quatuor constat. τῇ

Libro primo breviter traditis Ge-
 neralibus Juris principiis , ejus nem-
 pe fine ac divisionibus , tum Juris
 Civilis Origine ac speciebus per 4. Ti-
 tulos , ac per totidem expositis iis quæ
 ad duo priora ipsius Juris subjecta ,
 Personas & Res pertinent : ad III.
 subjectum transitus fit , Actiones ni-
 mirum , per quas judicia exercentur.
 Deque Præparatoriis Judiciis Ci-
 vilis reliquo Libro 1. & duobus se-
 quentibus agitur. Judicium consti-
 tuunt Personæ , tum judicantium , si-
 ve Magistratum ; tum litigantium.

Lib. I

Posteriore igitur ejusdem Libri Primi parte, Magistratum, tam Urbanorum ordinariorum & extraordinariorum, quàm Provincialium, cæterorumque, quorum ipsi operâ in reddendo jure utuntur, Assessorum nempe & Delegatorum officium explicatur à Titulo 9. ad 22.

Lib. 2.

LIBER II. Jurisdictionem Magistratibus competentem, ejusque appendices enarrat tribus Titulis prioribus : & quia Judiciorum Præparatio duobus ferè generalibus articulis constat, Vocatione in jus, quâ reus trahitur ad Tribunal Judicis (cujus effectus Pacto nonnunquam aliisque de causis excluditur, aut differtur) & Litis Contestatione : idcirco adjiciuntur quæ spectant ad Edictum de in Jus Vocando, & officio in Jus vocati, à Titulo quarto ad decimum ; quò refertur incumbens Actori Editio Actionis atque Instrumentorum ; itemque causæ quibus excusatur quis ne judicio sistat ; in quibus Feriæ, Dilationes ; Pacta etiam vel Transactiones, de quibus ad Titulum usque decimum quintum.

Lib. 3.

LIBER III. Titulis sex, persequi-

tur quæ spectant ad Litis Contestationem ; & Personas pro se , vel pro aliis Postulantes , quales sunt Advocati ; vel nomine Partium litem persequentes aut defendentes , nimirum Procuratores , Syndici , Negotiorum gestores ; à quibus omnibus abesse debet Calumni-
nia.

LIBRO IV. agitur de Causis & Lib. 4.
litibus ex quibus sæpe ante Judicium aditur Magistratus , nempe de Restitutionibus in integrum , ob Metum , Dolum , Minorem ætatem , Alienationem Judicii mutandi causâ factam , aliaque , quæ in limine litis peti solent : De Restitutione item rerum Receptorum , quæ si fiat , lis finita est ; deque Arbitris compromissariis , qui arbitrium receperunt ; quorum etiam operâ terminantur plerumque controversiæ , nec ultra progrediuntur : quæ cuncta novem Titulis exponit Justinianus ,

SECUNDA PARS de Judiciis
inscribitur à primo , ut videtur , Titulo ; constatque septem Libris à Quinto ad Undecimum. Exponit autem Actiones in rem. Cùm enim Actiones instituuntur maximè ad Dominium , aut ad possessionem : & Dominium

II. PARS.
de Judi-
ciis.

aliud sit Rerum, aliud Personarum. Res autem partim nostræ, partim nobis debitæ; & vel profanæ sint, vel religiosæ; Profanæ quoque aliæ universales, aliæ singulares, tum corporales, tum incorporales: in hac Secunda Parte de iis Actionibus differitur, quarum causâ præstantior & antiquior, in quibus Dominium, vel quasi Dominium, & Jus in re aut in rem vertitur: quibus scilicet res nostras vel quasi nostras vindicamus.

Lib. 5.

LIBER V. (qui *de Judiciis* est primus) sex Titulos continet; ac post generalem tractatum de constituendo seu ordinando Judicio, eas Actiones in rem explicat, quæ ad Dominium universale, Hereditatem nempe vindicandam referuntur. Possumus autem hereditatem persequi vel per querelam Inofficiosi Testamenti, quoties ei locus est; vel Petitione Hereditatis, sive totius, sive pro parte; idque aut Directa, aut Possessoria, aut Fideicommissaria petitione.

Lib. 6.

LIBRO VI. (*de Judiciis secundo*) agitur de Dominio rei singularis corporeæ vindicando. Is habet tres tantum Titulos, de Rei vindicatione, quæ

fit à Domino ; de ea quæ bonæ fidei possessori ; deque ea quæ Emphyteutæ conceditur.

LIBRO VII. (*de Judiciis Tertio*) Lib. 7.
 differtur de Dominio seu Vindicatione rei Incorporalis: ac primum de Usufructu : idque septem Titulis. Petitur quippe Ususfructus propriè dictus jure fructuarii, cui aliquando Accrescit alterius portio : sed ut petatur, Cesset oportet ejus dies : nec amissus fuerit Ususfructus. Petitur præterea quasi Ususfructus : nec tantum petitur, sed etiam negatur Ususfructus ad alium pertinere. Agitur item de Operis servorum, Usu, & Habitatione.

LIBER VIII. (*quartus de Judiciis*) Lib. 8.
 tractat de Servitutibus Realibus, sive Prædiorum, tum Urbanorum, tum Rusticorum ; qui cum in Jure consistant, res quoque incorporales sunt. His communes sunt actiones & modi eas amittendi. Constat Liber Titulis sex.

LIBRO IX. (*de Judiciis Quinto*) Lib. 9.
 exponuntur actiones in Personam, quibus res nostras defendimus, & damnum nobis datum vindicare seu ulcisci conamur adversus eum qui

nocuit. Si homo liber sit, qui per se vel per domesticos damnum dederit; datur tunc actio Legis Aquiliæ; aut si effusum quid aut projectum sit è domo, actio de Dejectis & effusis. Ex facto servi est actio Noxalis in Dominum. Ex damno dato à Quadrupede, si Quadrupes pauperiem fecisse dicatur. Huc spectant Tituli quatuor.

Lib. 10.

LIBER X. (*de Judiciis sextus*) est de tribus mixtis seu duplicibus actionibus, quæ partim in rem, partim in personam sunt, rei communis dividendæ causâ: ad distinctionem scilicet Finium inter vicinos, ad Divisionem rerum hereditariarum inter coheredes; & rerum singularium, quæ pluribus Communes sunt citra societatem & hereditatem: itemque de re nostra Exhibenda, quæ actio ad vindicationem aditum parat. Complectitur hic Liber Quatuor Titulos.

Lib. 11.

LIBRO XI. (qui est septimus *de Judiciis*) actionum in rem, quæ superioribus Libris expositæ sunt, appendices quædam Titulis sex subiunguntur: mixtæ scilicet actiones ex nudo hominis facto citra damnum in
corpus

corpus datum competentes : Quod factum vel est legitimum & judiciale, nempe Interrogatio in Jure ; Petitio ejusdem rei, ex qua fit ut, ne causæ continentia dividatur, ad eundem Judicem eundem sit : vel extrajudiciale idque aut illegitimum est, ut servi corruptio; alea; fugitivi receptio; Mentorisve falsa renunciatio : aut culpâ vacans, ut Religiosum atque ad Funus uertinens: quo refertur factum ejus qui non sine culpa mortuum, quò Jus est inferri, aut sepulcrum ædificari prohibet.

Sequitur TERTIA PARS *de Rebus* inscripta, quòd *de Rebus* creditis agat, quæ scilicet nobis debentur. Nam generali crediti nomine Contractus intelliguntur, quibus alienam sequimur fidem. Complectitur hæc Pars actiones in personam, quæ descendunt ex Contractibus tum nominatis, tum innominatis; sive ex obligationibus, quæ re, aut facto, quæque consensu perficiuntur. Continet Libros octo à XII. ad XIX.

III. PARS
De Rebus
(creditis)
a Libro
XII. ad
XIX.

LIBRO XII. (hujus Partis Primo) explanat Justinianus Titulis septem, Mutuum ac promutuum, & Condições alias, præsertim certi,

Lib. XII.

* N

quæ ex variis causis dantur, in quibus maximè utilitas accipientis verfatur. Mutuum, primum genus est Contractuum qui re perficiuntur. Sequuntur aliæ causæ, quæ species quædam quasi Contractuum habentur, in quibus Jusjurandum numeratur, quod & ipsum species crediti est: habetque maximè locum in Mutuo. Conditur etiam certum ex dato ob causam honestam, eâ non secutâ; aut ob causam turpem soli accipienti: aut ex indebito soluto: vel ex dato sine causa.

LIB. XIII. LIBER XIII. (qui est Secundus de Rebus & Septem Titulis constat,) tractantur aliæ certi, aut incerti conditiones, nimirum Furtiva; quæ dicitur ex Lege; Triticiaria; ejus quod certo loco dari debuit, & alibi petitur: quibus adjungitur actio de Pecunia Constituta, sive de quavis re pro se vel pro alio promissa. Sequuntur actiones ex contractibus duob. qui re perficiuntur, Commodati, ac Pigneratitia.

Lib. XIV. LIBRO XIV. (de Rebus III.) continet Actiones quæ ex Credito quoque manant; sed ex Contractu alterius, qui negotium nostrum gessit, sive in po-

reſtate noſtra ſit ; ſive non, ex æquitate in nos dantur. In his enim negotiis alius per alium obligatur ; veluti Exercitor navis per Magiſtrum ; Convector, ex Lege Rhodia, per eos qui ſimul vehuntur ; Negotiator per Inſtitutorem ; Pater & Dominus per eos quos habent in poteſtate ; exceptâ cauſâ Senatusconſulti Macedoniani. Sex ſunt Tituli huius Libri.

LIBER XV. (de Rebus Quartus) Lib. xv.

per quatuor Titulos complectitur appendixem Superioris ; nimirum actiones, quæ non directè, ſed cum adiuncto, ex negotio eorum, quos in poteſtate habemus, in nos competunt ; Quarum prima eſt *de Peculio*. Secunda *de in Rem verſo*. Tertia *Quod ſuſſu*.

LIBER XVI. (de Rebus Quintus) Lib. xvi.

eſt etiam appendix ejuſdem Libri XIV. In eo diſſeritur de actione deneganda ex Senatusconſulto Velleiano adverſus mulierem, quæ pro alio interceſſit : tum actione inſinuenda ex cauſa Compensationis : ac denique de quarta ſpecie Contractuum, qui re perficiuntur, Depoſito nempe, quod ad unius tantum commodum refertur. Quæ tria Capita totidem Titulis tractantur.

Lib. xvii. LIBRO XVII. (*de Rebus Sexto*) transit Imperator ad actiones ex Contractibus; qui nudo consensu perficiuntur; quorum duas species duobus Titulis explicat, *Mandatum*; & *Societatem*.

Lib. xviii. LIBER XVIII (qui *de Rebus Septimus* est) eorumdem Contractuum tertiam speciem prosequitur, Emptionem-Venditionem: Quæ plerumque certis Pactionibus additis contrahitur; inter quas sunt Addictio in diem, & Lex Commissoria. Venduntur autem non res tantum corporales, sed incorporales quoque, veluti hereditas vel actio: & Venditio perfecta nunquam certis de causis rescinditur ac revocatur. Regulariter Periculum & Commodum rei venditæ statim perfectâ Venditione ad Emptorem transit. In Servorum Venditione quædam adjiciebantur conditiones speciales, veluti ut extra Provinciam deportarentur, aut ut manumitterentur, vel contra. Quæ omnia Titulis Septemdecim continentur.

Lib. xix. LIBRO XIX. (*de Rebus octavo*) post actionem ex Empto descendentem, de Locatione-Conductione, quar-

tâ eorumdem Contractuum specie:
deque Æstimatoria & Permutatione
differit, quæ affinitatē habent cum
Emptione: subjiciuntur his actiones
Præscriptis verbis, quæ ex Contra-
ctibus innominantis dantur. Hæc Ti-
tulis quinque absolvuntur.

Postquàm ea tradidit Justinianus,
quæ ex Obligationibus & Contracti-
bus Realibus privati Juris, nobis dan-
tur; eorum Contractuum accessiones
quasdam exponit: deinde transgredi-
tur ad actiones quæ dantur ex Matri-
monio, Contractu scilicet Personali;
& ex Tutela & Curatione, quæ sunt
quasi Contractus, & publicam quo-
dammodò causam respiciunt: Hæc
in Quarta Parte continentur, quam
Justinianus Umbilicum appellat, quod
medium in Pandectis obtineat locum.
Comprehendit octo Libros à vigesimo
ad vigesimum septimum.

IV. PAR
seu Umbi-
licus de
Pignoribus
& Hypo-
thesis.

LIBRO XX. (qui in hac Parte, & Lib. XX.
inter Libros qui ab autore Singulares
dicuntur primus numeratur) propo-
nuntur adminicula rerum creditarum,
quasi superiorum tractationum appen-
dices, quæ hûc idcirco rejectæ sunt,
ne in immensum Pars Tertia exresce-

ret. Differitur ergo hîc Titulis sex *de Pignoribus & Hypothecis*, quæ plerumque Mutuo aliisque Contractibus accedunt, ut securitati Creditorum consulatur. Pignus autem vel expresse vel Tacite contrahitur; nec tamen in omnibus rebus locum habet: sunt enim quædam quæ Pignori obligari non possunt. Ejus duo imprimis sunt effectus, Jus nimirum Prælationis, & Distractio seu Facultas vendendæ rei Pignori obligatæ; quæ obligatio pluribus modis Solvitur.

Lib. XXI. LIBRO XXI. (Umbilici hujus & singularium Secundo) explanantur tribus Titulis actiones, quæ Emptionem quasi ministræ consequi solent; quæ nimirum ex Ædilium Edicto, vel Evictionis causâ dantur. Quibus adjicitur Exceptio rei venditæ & traditæ.

Lib. XXII. LIBER XXII. (ejusdem Partis, & singularium Tertius) absolvitur sex Titulis, quorum Primi duo sunt de Usuris. Et in Primo quidem agitur de Usuris terrestribus, & Fructibus, cæterisque rerum accessionibus, quæ in actionem in rem plerumque veniunt 2. de Nauticis Usuris. Reliqui Tituli

sunt de Probationibus & Præsumptionibus, quibus debiti fides adstruitur; idq; tam in genere, quàm in specie de probatione quæ per Instrumenta: deque ea quæ per Testes fit: prætereà de Ignorantia Juris, quæ rarò; & facti, quæ sæpe contrahentibus excusationem præbet.

LIBER XXIII. (huiusce Partis & singularium Quartus) Titulos quinque complectens, est de Contractu Personali, quo duæ scilicet personæ seipsas invicem in Matrimonium obligant. Et primò quidem de Sponsalibus, quæ ferè Nuptias præcedunt: dein verò de ipsis Nuptiis, ac Ritu earum contrahendarum; deque contractarum effectu circa Dotem: tam generaliter quantum ad Jus ipsum Dotis in universum: quam specialiter quantum ad Pacta Dotalia & Fundum dotalem.

LIBER XXIV. (qui est huius Partis & singularium Quintus) Titulis tribus, contractarum Nuptiarum primò effectum examinat in Donationibus inter Conjuges factis; postea Dissolvendarum modos: ac soluto Matrimonio Dotis restitutionem.

LIBER XXV. (singularium & hu-

jus Partis sextus) tractat Titulis sex, ea, quæ dissolutas Nuptias sequuntur; retentionem Impensarum à marito in res Dotales factarum nomine; actionem rerum ab altero Conjugum divertendi animo Amotarum; officium parentum in Agnoscendis & exhibendis Liberis jam editis, aliisque necessariis Personis: Jus custodiendæ mulieris, quæ se prægnantem ex marito vel negat, vel affirmat; Missionem in possessionem bonorum mariti ventris nomine; & coërcendum ea in re mulieris dolum: adjicitur ultimo loco alia species Contractus personalis, nempe concubinatus.

Lib. xxvi. LIBRO XXVI. (hujus Partis & singularium septimo) qui constat decem Titulis, incipit tractatio actionum ex quasi Contractu descendendum: & primò disceptatur de Tutela constituenda in genere, ejusque tribus speciebus, Testamentariâ (quæ nonnunquam licet ex testantis voluntate robur propriè non habeat, valet tamen ex Magistratus Confirmatione) Legitimâ, & Dativâ. Deinde agitur de officio Tutorum & Curatorum, tam in Administratione, quam in Au-

toritate præstanda : Et quatenus postea ex facto eorum pupilli aut minores teneantur: denique de Tutela per Suspecti Tutoris remotionem dissolvenda.

LIBRO autem XXVII. (qui hujus Partis & singularium octavus est) decem Titulis agitur, post causas, propter quas Excusantur Tutores & Curatores ; de Pupilli educatione & alimentis ; deque officio Judicis circa actiones , quæ post finitam Tutelam & Curationem Pupillo vel Adulto in Tutorem aut Curatorem , & contra dantur ; quæ in iis quoque , qui quasi Tutores vel Curatores administrarunt , locum habet. Sed Rebus à falso Tutore gestis , Restitutio datur iis , qui eo autore cum Pupillo contraxerunt : datur & actio adversus falsum Tutorem. Ipsis autem Pupillis & Minoribus non tantum adversus Tutores & Curatores actio datur, sed & adversus eorum Fidejussores & Nominatores , eorumque heredes : quin etiam adversus Magistratus Municipales. Ne verò Pupilli & Minores rebus suis spolientur , non debent eorum prædia sine decreto Magistratus alienari aut pignori obligari. Denique

Libro
XXVII.

Curatores non solum Minoribus, sed extra ordinem etiam Majoribus, qui rebus suis ipsi superesse non possunt, Furiosis putà & prodigis dantur.

V. PARS
De Testa-
mentis.

QUINTA PARS *de Testamentis* dicta per Libros novem à 28. ad 36. agit de universo Jure Civilis ex Testamento Successionis, ejusque appendicibus.

Libro
XXVIII.

In ea spectantur primò subjectum & forma Testamenti, de qua Libro 28. agitur Titulis octo (qui in hac Parte Primus, inter Libros singulares nonus est). Ut enim valeat Testamentum requiritur primò ut is Testamentum fecerit, qui jure testari poterit; 2. ut solemnî ritu factum sit Testamentum; 3. ut Testator liberos, si quos in potestate habet, vel habiturum se sperat, nòminatim vel instituat, vel exheredet; 4. ut Testamentum neque ab initio injustum, neque postea ruptum aut irritum factum sit; 5. Videndum, ne in Testamento inductum vel deletum quid mutatam indicet Testatoris voluntatem; 6. An heres aliquis ex Testamento existat, sive institutus, sive vulgariter aut pupillariter substitutus. 7. Utrum conditio Institutioni vel Substitutioni adjecta

extiterit : denique an tempus hereditatum ad deliberandum effluxerit.

LIBER XXIX. (in hac Parte Secundus, & inter singulares Decimus) Lib. xxix
 est appendix superioris, qui de hereditate, deq; heredum coërcendis fraudibus per septem Titulos disputat. Et primò de Militum in condendo Testamento privilegiis, quibus forma solennis remittitur. Hinc transit ad Testamentorum effectus vel appendices. Hereditas delata Testamento, acquiritur voluntate heredis vel omittitur. Sed ne quid fraudis interveniat, quatuor remedia Legibus prodita sunt. Primò, ut statim à morte Testatoris solenniter aperiantur Testamenta. 2. ut, si legitimus heres Testamento institutus, omisâ causâ Testamenti, ab intestato hereditatem possideat, Legatariis nihilominus dentur in eum actiones. 3. Si occiso Testatore, ante quæstionem de Servis habitam & supplicium de noxiis sumptum, hereditatem quis adierit; ea illi ex Senatusconsulto Syllaniano & Claudiano auferatur; quemadmodum & si quis defunctum testari coëgerit, vel prohibuerit. Hereditas autem licet Testamento tan-

tum detur, tamen Legata & Fideicommissa, de quibus in sequentibus, non solum Testamento, sed etiam Codicillis relinquuntur.

Sequitur Tractatus de Legatis & Fideicommissis singularibus in genere, in tres Libros, Cui Jurisconsulti exemplo, propter materię ubertatem, divisus a Triboniano, quorum singuli unico Titulo constant.

Itaque LIBER 30. est de Legatis Primus. LIBER 31. de Legatis Secundus. Et LIBER 32. de Legatis 3.

LIBRO 33. (qui sexto loco in hac Parte habetur; & inter singulares decimus quartus) discutiuntur decem Titulis, Legatorum singulatum varia genera, quę partim ex rei Legatę natura interpretationem accipiunt, ut anniversaria Legata: tum Legata Ususfructus, alteriusve servitutis; item Dotis, Optionis, vel Electionis: partim ex usu & proprietate verborum, aut consuetudine Testatoris, ut Legata Tritici, Vini, aut Olei; Legatum fundi instructi, aut instrumenti; Legata Peculii, Penus, Supellectilis.

Lib. 34. LIBRO 34. (inter Singulares 15. &

& hujus Partis septimo) *de Legatis* quoque singularibus , eorumque vitiis aliquot, differitur novem Titulis. Horum Legatorum quædam interpretationem recipiunt ex favore solo rei legatæ , ut legata alimenta vel cibaria : quædam ex circumstantiarum varietate , ut Legatum auri vel argenti &c. itemque liberationis. Legatis autem accedunt vitia sive accidentia quædam. 1. Ademptio vel Translatio. 2. Ambiguitas. 3. Inutilitas , si quid pœnæ nomine relictum esset; aut alias ab initio non valeret , unde tractu temporis convalescere non posset. Quædam vitia efficiunt 4. ut Legata pro non scriptis habeantur. 5. Ut auferantur Legatariis velut indignis.

LIBRO 35. (inter Testamentarios 8. & singularium 16.) per Titulos tres differitur de duobus aliis Legatorum adjunctis, nempe de Conditionibus , quibus suspenduntur, iisque deficientibus & ipsa deficiunt ; deque modo per Leges eis imposito, quem supergressa diminuuntur per Legem Falcidiam , ita ut nonnisi restituendi cautione interpositâ solvi debeant.

Lib. 35.

Lib. 36. **LIBER 36.** (hujus Partis nonus, singularium 17. & ultimus) quatuor Titulis agit de *Fideicommissis* universalibus, ad quæ pertinet Senatusconsultum Trebellianum; deque iis, quæ Legatis & Fideicommissis communia sunt: nimirum *de die* quo quæque cedunt; *de cautione* eorum nomine præstanda ab herede, quoties eorum solutio sive præstatio differtur: alioqui Legatarii & Fideicommissarii in rerum hereditariarum possessionem custodiæ causâ mittuntur.

VI. PARS.
De bonorum Possessionibus.

Exposito in **QUINTA PARTE** Jure Testamentorum, reliqua Successionum jura, & acquirendi ac tuendi Dominii modos complexus est in **SEXTA PARTE** Justinianus, quæ à Bonorum Possessionibus nomen accepit; complectiturque octo Libros à 37. ad 44.

Lib. 37.

Et quidem Libro 37. (qui hujus Partis est Primus,) explicantur quindecim Titulis Successiones Prætoriz seu Bonorum Possessiones, tum in genere; tum illæ specialiter, quæ Tabulis Testamenti extantibus dantur, etiam furiosis & infantibus. Earum quædam ordinariæ sunt, aliæ ex-

traordinariæ. Ordinariarum Prima est, quæ contra Tabulas datur Liberris & Postumis suis, emancipatis, & adoptivis; siue præteritis.; siue aliter quàm oportet exheredatis: ejusque triplex effectus affertur. Primò ut eâ petitâ ab emancipatis, nihilominus præstentur necessariis personis Legata testamento relicta. 2. Ut conferantur suis, quæ ab emancipatis ante mortem parentis communis acquisita fuerunt, etiam dos à sorore. 3. Ut cum filio emancipato in unam partem concurrant nepotes ex eo, ab avo retenti in potestate. Ejus successionis nomine & venter, i. mulier ex quo Postumus speratur; veluti si is jam natus esset, in possessionem bonorum defuncti mittitur; ut & pupillus, cui statûs controversia movetur, quæ eo casu differtur ad tempus pubertatis ex Carboniano Edicto. II. Bonorum Possessio est quæ secundum Tabulas heredibus scriptis datur. Utraque Parenti emancipatori competit, & Patrono, quorum utrique obsequia debentur à Manumissis.

LIBRO 38. (*De Bonorum Possessionibus* secundo) qui Titulis septem-

Lib. 38.

decim constat, agitur de reliquis Juris Patronatus effectibus: deque Bonorum Possessionibus ab intestato, & Legitimis successioneibus. Ad Jus Patronatus pertinet Operæ Libertorum, eorumque Bona sive successio, quæ competit tum ipsis Patronis, etiam si sint Universitates, id est, Collegia, Municipia; tum filiis Patronorum, sive omnibus, sive ei, cui Assignatus est unusquisque Libertus: qui si quid in fraudem legitimæ Patrono debitæ alienaverit, id Patronus revocare potest. Inter Bonorum Possessiones ab intestato primum locum obtinet, quæ unde *Liberi* dicitur. 2. Unde *Legitimi*, id est, Agnati: Tertium, Unde *Cognati*: in quibus cessante vel deficiente primo gradu, reliquis ejusdem ordinis; priore ordine exhausto, posteriori locus fit ex Edicto, quod idcirco *Successorium* appellatur: unde fit ut necessaria sit graduum Cognationis notitia. Sed & deficientibus Liberis, Agnatis, & Cognatis, Prætor Virum & uxorem ad alterutrumque intestati successionem mutuò vocat. Denique vocatur fiscus, nisi ex militari privilegio excludatur à successione damna-

torum : aliquando ipse fiscus heredes excludit ob indignitatem. Extra ordinem datur quibusdam Bonorum possessio ex certis Senatusconsultis aut Legibus : & in omnibus Bonorum Possessionibus certus Ordo servari debet. Jam legitima successio vel Lege defertur , ut liberis in potestate constitutis , & post hos Agnatis ex Lege duodecim Tabularum : vel Senatusconsulto , ut ex Tertulliano & Orphitiano matri & filio invicem.

LIBRO 39. (Hujus Partis tertio) Lib. 39.
alii actionum seu cōtroversiarum fontes indicantur Titulis sex ; Damnum imminens , Vectigalium conductio & Donatio, qui maximè naturalis est rerum singularum voluntate Domini acquirendarum modus. Damnum impendet alteri , vel à Novo alterius opere , vel à ruina vicini ædificii , vel ab Aqua pluvia , quæ mutatâ operis facie nocere potest. Quæ omnia damni genera ad res nostras conservandas avertere nostrâ interest. Ex publicorum cōductione dari potest actio tam in Publicanos seu Vectigalium Redemptores , si quid ultra modum præscriptum exegerint ; quàm in Ne-

gotiatores, si merces suas Vectigali obnoxias non profiteantur. Ex Donationibus quoque sive inter vivos, sive mortis causâ datur actio.

Lib. 40. LIBER 40. (Hujus Partis Quartus) Sedecim Titulos habet de Statûs controversiis & præjudicialibus causis: ubi disceptatur imprimis de servitute aut Libertate; itemque de Ingenuitate aut Libertinitate. Ad statum Libertinitatis spectat Tractatus de *Manumissionibus* in genere, ejusque speciebus; Vindictâ, quâ servi quoque Universitatum manumittebantur: Testamento, quæ vel directio fit, vel per Fideicommissum, & mutatâ voluntate defuncti cessat; adjectâ verò conditione in suspensio manet: aliquando sequutâ manumissione non valet. Qui jure manumissi sunt, Libertinæ conditionis fiunt, nisi Jus aureorum annulorum impertraverint, aut natalibus fuerint restituti. De Libertate agitur liberali causâ, ut si quis à servitute ad libertatem proclamaverit, quod utique non semper licet. Sed quæritur nonnumquàm an ingenuus quis, an Libertinus sit: verùm hæc posteriores controversiæ.

post quinquennium à morte defuncti in deteriorem causam non agitantur. Reo vivo, si quærat per Collusionem, hæc à quovis detegi potest.

LIBRO 41. (qui in hac Parte Lib. 41. Quintus est) enarrantur causæ Domini & Possessionis per decem Titulos: ac primò traduntur acquirendi domini generales ex Jure gentium modi: deinde acquirendæ vel amittendæ Possessionis, cujus effectus præcipuus est Usucapio rei possessæ, nisi usurpata fuerit. Usucapionis autem causæ sunt, vel onerosæ, ut ex empto; vel lucrativæ, ut ex hereditate, aut ex ipsa possessione, ex Donatione, ex re pro derelicto habita, ex Legato; vel mixtæ, ut ex dote.

Quoniam verò cujusque judicii finis est, ejus quod æquum videtur declaratio & executio: idcirco post Judicia, Judiciorumque materiam & controversiarum genera, progreditur Justinianus ad sententiam & rem judicatam jure ordinario ad exitum perducendam; de quibus agit Libro 42. Lib. 42. (in hac Parte Sexto) cujus octo sunt Tituli. Et primò quidem differit de re judicatâ & effectu Sententiæ, cui

non abſimiles ſunt effectus Confeſſionis, Ceſſionis Bonorum, & Contumaciæ abſentiæve debitoris, nempe Miſſio in Poſſeſſionem bonorum ejus, aut captorum pignorum autoritate judicis venditio, niſi quod aliquando ſeparantur bona heredis & militis. Cuſtodiendis autem ac diſtrahendis bonis debitoris, ſæpe conſtituitur Curator: & ſi quæ in fraudem creditorum facta ſunt revocari oportet.

Lib. 43. - **LIBRO 43.** (hujus Partis Septimo) *de Interdictis ſeu Decretis*, quæ poſſeſſionis cauſâ interponuntur à Ma- giſtratibus, agitur per tres & triginta Titulos. Hæc partim ex jure aliquo univerſali fluunt, Succeſſione putà, vel miſſione in poſſeſſionem: danturque ad Poſſeſſionem rerum hereditariarum aut Legatarum adipiſcendam: vel ne vis fiat; aut ut Teſtamenti Tabulæ exhibeantur: partim manant ex jure ſingulari, aut religionis cauſa ob loca ſacra: aut ad hominum utilitatem; ſive publicam veluti ob flumina; ſeu privatam; idq; aut ratione rei immobilis, tum ſoli, tum ſuperficiæ, aut ſervitutis prædio co- hærentis, (quò referuntur Interdicta

de vi, uti possidetis, quod vi aut clam, de Precario) : aut rei mobilis (quò spectant Interdicta Utrubi & Salvianum, quæque pertinent ad exhibendos homines liberos.) Atque hùc usque de Actoris partibus.

Enuclearis actionibus specialibus, quæ cujusque rei causâ in Judiciis Civilibus moventur, Libro 44 (hujus Partis Octavo) explicantur septem Titulis exceptiones reo competentes, quibus eliduntur variis de causis actiones. Exceptiones autem, quæ hîc referuntur, præcipuæ sunt quinque : *Rei iudicata*, *Præscriptio- nis*, *doli mali*, *metus*, *actionis non impetrata* & *Litigiosæ*. Et quoniam Exceptionum vis ex qualitate quoque Obligationis & Actionis intelligi potest : ideò adjungitur Titulus de *Obligationibus* & *Actionibus* in genere.

PARS SEPTIMA Libris sex ultimis à 45. ad 50. complectitur reliquos Juris articulos, qui scilicet ad Stipulationes, Crimina, & Jus Publicum spectant.

VII. PARS
De Stipulationibus
&c.

LIBER 45. tres habet Titulos, Lib. 45. quibus explanantur verborum Obligationes, per quas cæteri Contra-

ctus firmari solent, id est Stipulationes Civiles & principales, tum unius, tum plurium; nec Dominorum tantum, sed & Servorum.

Lib. 46. LIBER 46. constans Septem Titulis, est de Stipulationibus Accessoriis, veluti Fidejussoriis: itemque de Prætoriiis tam in genere, quàm in specie, de Stipulationib. rem Pupilli Salvam fore, Judicatum solvi, Ratam rem haberi. Quibus adjiciuntur illarum solvendarum modi, quales sunt Novatio, Delegatio, Solutio, & Acceptilatio. Superiùs tradita pertinent ad Actiones & Judicia merè Civilia: Sequuntur Criminalia.

Lib. 47. Et Libro 47. differitur primò de Privatis delictis, in quibus læsus quod suâ privatim interest, persequitur. Eorum prima species est Furtum; ad quod refertur Actio de Tigno juncto, seu aliena materia ædificio adjecta; & adversus Nautas & Caupones, de Furto ab iis quorum operâ utuntur facto, adversus Dominum de Furto à familia commisso: item Arborum furtim cæsarum. Secunda species est Rapina, ubi & de eo agitur quod fortè ex Incendio, ruina

naufragio fuerit ereptum. Tertia species est Injuria. Deinde agitur de Criminibus Extraordinariis, quorum certa poena veteribus Legibus constituta non est: his principaliter privatum commodum intervertitur, sed sæpe publica honestas vel securitas violatur. In his sunt *Sepulcri Violatio*, *Concussio*, *Abigeatus*, *Prevaricatio*, *Receptatorum Crimen*, *Effraectura*, *Expilata Hereditas*, *Stellionatus*, *Termini motio*, *illicitum Collegium*. Adjiciuntur Populares quoque Actiones, quarum scilicet persecutio cuiusvis è populo patet, ob ea quæ medi generis sunt inter privata & publica Delicta.

LIBRO 48. Per 23. Titulos Publicorum Criminum persecutio & species tractantur. Publica verò dicuntur Judicia, in quibus non tantum privatorum indemnitas, sed publica vindicta quæritur ad aliorum terrorem & bonorum securitatem. Ea Persecutio per Accusationem reorum fit, qui Custodiri solent ne Pœnam effugiant. Species Criminum sunt Læsa Principis Majestas, Adulterium, Vis Publica & Privata, Cædes & Ve.

Lib. 48a

neficiū , Parricidium , Falsum , Re-
petundarum crimen , Annona frau-
data , Peculatus , Sacrilegium , Am-
bitus , Plagium. Hæc Judicia pera-
gere coguntur Accusatores : alioqui
ex Senatusconsulto Turpilliano pu-
niuntur , nisi Abolitione impetratâ
destiterint. Rei verò , si absint , Re-
quiruntur : & contra negantes veri-
tas Tormentis exquiritur. Pœnæ con-
victis infliguntur , Bona plerumque
fisco vindicantur : aliquando damnati
Restituuntur à Principe. Hæc cuncta
ad primam pertinent instantiam. Sed
quia utriusque Judiciî Civilis & Cri-
minalis , commune est , ut à senten-
tia minoris Judicis ad majora sub-
sellia in Secunda Instantia provo-
cetur , ideo

Lib. 49. LIBRO 49. agitur priori Parte
Titulis octodecim de *Appellationibus*
& *Relationibus* ad Principem : *Quan-*
do , *Qui* , & à *Quibus* appellentur ,
& Similibus. Posterior autem Pars
Jus Publicum & peculiare tum Prin-
cipis sive Fisci : tum Militum expli-
cat , quia scilicet superiores Libri Pri-
vatum Jus dumtaxat explicuerant.

Lib. 50. LIBER 50. (qui postremus est
Digesto-

Digestorum) duabus Partibus constat. Prior est de Jure Municipali, ubi de Decurionibus, de Muneribus & Honoribus, de Jure Immunitatis, &c. Et huc usque agitur de Subjectis Juris, omnique Controversiarum materia. Posteriori Parte quæ instar Epilogi est, absolvitur totum opus duobus Titulis, nempe *de Verborum significatione*, quo ambigua vocabula explicantur : & *de Regulis Juris*, quo axiomata & velut principia diversarum materiarum enunciantur. Quæ duo cum ad diversas Juris Partes pertineant, ad nullam certam classem sive sedem redigi potuere.

M A T E R I A R U M

Quæ in Septem Partibus, & Quinquaginta Libris Digestorum tractantur, Index verbis exaratus.

JU^IRA, Magistratus, Jus dictum²
 Pactaque tradit

DIGESTUM
 VITUS !

P

- I. ³
Ac Procurantes PARS PRIMA, &
⁴
Restituendos.
- II. ⁵
Judicium statuit PARS ALTERA,
⁶
Resque Petitas;
⁷
Atque hinc Personis, hinc *subdita*
⁸
Pradia fundis,
⁹ ¹⁹
Damnaque, & Erciscunda docet, cum
¹¹
Religiosis
- III. ¹² ¹³
Credita condicit, Contractus TERTIA
servans.
- ¹⁴ ¹⁵ ¹⁷
Qui Re perfecti, aut alio spondente
ligarunt,
¹⁶
Robore quive carent, aut Compensan-
do fatiscunt:
- ¹⁷ ¹⁸ ¹⁸
Et quos efficiet validos consensio sola
²⁰
IV. *Q*UARTA in *Pignoribus posita est,*
²¹
Emptique Sequelis.

²²
Fœnore, & his qua facta Probant; &
^{23 24 25} Conjugiorum

INFOR-
TIATUM.

²⁶ Jure, ac Tutelâ & ²⁷ Curâ, Rebusque
Minorum,

^{28 29} Testamenta dabit, ^{30 31 32} Legataq; QUINTA, v.
^{33 34} modumque

³⁵ Falcidia, & quem ³⁶ Trebelli consulta
dedere.

IN SEXTA Possessa Bona, & cum Jure ^{VI.}
Patroni,

Legitima intestati inerit Successio :
deinde

³⁹ Impendens Damnum, tum Veltigalia; ^{DIGES-}
Donum; ^{TUM}
^{NOVUM.}

⁴⁰ Et Manumissorum causa; Tituli Do-
⁴¹ minorum

⁴² Ac Possessorum, & litis Sententia finis:

⁴³ Post hæc Interdictum, ⁴⁴ Exceptio, Vin-
cula Juris

VII. ⁴⁵ *Obligat inde Reum, Sponsorem* ⁴⁶ *Se-*


PTIMA Verbis

Liberat, & Privata hominum ⁴⁷ *Delicta*
coërcet :

Publicaque ⁴⁸ *Accusat, Pœnis & Subji-*
cit aquis:

⁴⁹ *Appellat ; Fisci & Castrorum Jura*
recludit :

⁵⁰ *Muneraque & Census ; & Verba ac*
Dogmata acervat.



SERIES CODICIS.

TIT. XII.

I. Codicis
utilitas.
& divisio.

INTER Juris Justinianæi volumi-
na eminere hic Codex duplici Ti-
tulo videtur, tum quòd emendatius
procul dubio jus, atque ad usum quo-
tidianum accommodatius complecta-
tur: tum quòd eam quoque compre-
hendat Juris partem quæ ad Christia-

na Sacra pertinet, de quibus in Digestorum & Institutionum Libris (ut pote qui ex Ethnicorum Commentariis decerpti sint) altum silentium. Quapropter hæc Legum Imperatoriarum collectio verè, ex Chrysippi sententia in L. 2. ff. de Legib. adducta, dici potest *Divinarum & humanarum rerum Regina*. Unde meritò in Juridico Systemate ac velut orbe; cùm Institutionum quatuor Libri Elementis: Pandectarum Partes septem, Planetis respondere videantur: octavam sphæram signis Zodiaci duodecim fulgentem, æmulatur quodammodò distinctus Libris totidem Codex. Quamquàm cur in Codice duodenarius Librorum numerus Justiniano placuerit, nec facile est conjicere, nec admodum refert. Fortè Decemviralium Legum Duodecim Tabulas; fortè Platonis de Legibus totidem Libros ob oculos habuit. Sunt qui velint eum ad Assis Uncias duodecim respexisse, quasi eo numero quandam totius Juris velut hereditatem studiosis traditurum.

Id verò imprimis est observandum, æquè in Codice atque in Pan- 2. Ordo
generalis.

P ilj

dectis curasse Tribonianum , operi universo à Justiniano præpositum, ut ad Ordinem Edicti perpetui quàm proximè accederet. Unde factum ut, si rerum summa genera seu capita maximè generalia spectes , Series duodecim Librorum Codicis non multum ab ea distet , quæ in quinquaginta Pandectarum Libris servata est. Utut, sit, in hoc opere varias Juris partes ita executus est Auctor , ut ad duo generalia membra revocari possint: Publicum nimirum , & Privatum. Publici, quod in Sacris , in Sacerdotibus , in Magistratibus consistit , duas distinxit species ; Divinum nempe, sive Sacrum Jus , quod spectat ad Res & Personas Ecclesiasticas ; & Humanum, quod ad Publicum Civitatis Statum spectat , consistitque in Legibus & Magistratibus , qui Leges tuentur. Privati quoque duas species statuit ; Commune , quod omnibus Civibus æquè convenit ; & speciale seu Privilegiarium , quod Fisco, Civitatibus , Militibus competit , & Personis in dignitate constitutis : de Magistratibus enim tum primo , tum ultimo Libro agitur , sed diverso re-

specū. Prius quippe de iis differitur tanquā Jurisdictionem exercen-
tibus, & aliorum controversias di-
rimentibus: Posterius tanquā pro-
pria Jura persequentibus.

PRIMO itaque LIBRO de Jure Lbi. I.
Publico disputat Imperator: & prio-
re quidem Parte, ad quam tredecim
primi Tituli referuntur, de Sacro
sive Divino, quod partim circa ve-
ram & Catholicam religionem con-
servandam; partim circa falsam abro-
gandam, & coercendos veræ con-
temptores versatur. Posteriore parte,
(cujus materiæ responderet Liber Pri-
mus Digestorum) de Jure Publico
Humano agit, cujus Species sive Par-
tes à 14. ad 23. Titulum excutiuntur;
deinde ad finem Libri Jura exequen-
tes Magistratus majores, & minores.
His quædam specialia, quædam com-
munia sunt: Propria eorum officia
tum Ordinariorum, sive Illustrium,
sive Spectabilium, sive Clarissimo-
rum à Tit. 26. ad 42. tum Extraor-
dinariorum Tit. 43. & 44. tradun-
tur. Hinc Communia omnium Ma-
gistratuum explicantur à 45. ad 54.
Tit. Denique de Minoribus, seu Ci-

vitatum Magistratibus agitur ultimis tribus Titulis.

Lib. 2.

LIBER II. à quo incipit Privati Juris tractatio, ea complectitur quæ 2. 3. & 4. Digestorum Libris continentur : Præparatoria nempe Actionum & Judiciorum, ordinemque obtinendi Juris sui, veluti in Jus vocationem, Pacta, Postulationem, Negotiorum Gestionem, & similia ad Tit. 19. Restitutiones in integrum à Tit. 20. ad 55. Arbitria Tit. 56. & Judicii constitutionem tribus Titulis postremis.

Lib. 3.

LIBRO III. (qui respondet sex Libris Digestorum, à 5. ad 10.) Justinianus *de Judiciis* in genere, deque Fori & aliis moratoriis Præscriptionibus differit prioribus sex & viginti Titulis : tum *de Actionibus* in rem, quarum causæ sunt Dominium tam universale quàm rei singularis; & *Servitutes*, de quibus à Tit. 27. ad 34. Deinde de affini actione in Personam, quæ domino datur ob damnum acceptum, quò pertinet Titulus 35. Denique de Mixtis Actionibus, quæ maximam cum realibus affinitatem habent; danturque, aut pro-

pter communionem , aliamve rei conditionem , de quibus à Tit. 36. ad 42. aut etiam propter factum aliquod nudum , aleæ nempe lusum , & mortui corpus illatum , de quibus sunt duo ultimi Tituli.

LIBER IV. (cui consonant undecim Digestorum Libri à 12. ad 22.) Lib. 4.
à Realibus ad Personales actiones transit ; & Obligationum , ex quibus illæ oriuntur , magnam partem exhibet : primo certi Condições proponit ex Credito & negotio gesto , sive à nobis , sive ab aliis , quorum nomine tenemur : itemque Condições ex Contractibus aliis qui reperiuntur ; quorum species , & regulæ generales Obligationum habentur ab initio Libri ad Tit. 34. Postea de Contractibus agit , qui solo consensu constant , posterioribus Titulis tribus ac triginta.

LIBRO V. tractat Imperator Actiones in Personam , tum ex speciali Contractus genere , quo persona personæ conjungitur ; tum ex quasi Contractu ortæ : quæ scilicet Matrimonii , quæque Tutelæ causâ competunt. Prior Pars (concordans cum Lib. 5.

23. & duobus sequentibus Digestorum Libris) complectitur antecedentia Nuptiarum , Contractum ipsum & inspectiones varias ; adjuncta etiam , ac denique solutionem & ejus effectus usque ad 27. Titulum . Posterior Pars à 28. ad 75. & ultimum pertingit , (responderque Libris Pandectarum 26. & 27.) complectens Tutelæ species , administrationem Tutorum & Curatorum , ejusque effectum cum Appendicibus nonnullis.

Lib. 6.

LIBER VI. (eandem materiam complexus , quæ habetur undecim Libris Digestorum à 28. ad 38.) est de alia quasi contrahendi specie ; de Successionibus nimirum tum Ingentuorum , tum Libertorum. Horum Successio Pars est præcipua Juris Patronatus , ad quod referuntur Tituli octo priores. Ingentuorum Successiones vel sunt Patrumfamilias , nulli obnoxiorum conditioni ; eæque aut Prætorix , aut Civiles : vel sunt Filiorumfam. vel Conditionalium. De Prætoriis Successionibus seu Bonorum Possessionibus disputat Justinianus à 9. ad 20. Tit. Civilis Successio seu Hereditas partim ex Testa-

mento defertur , partim ab Intestato ,
De priori genere ac Testamentorum
Appendicibus agitur à Tit. 21. ad
54. Quatuor postremi sunt de Suc-
cessionem Filiorumfam. & corpori ali-
cui addictorum.

LIBRO VII. (qui Pandectarum Lib. 7.
40. ac duobus sequentibus , partim
etiam 49. responder) accedit Impe-
rator ad Actiones Præjudiciales sive
statûs causas ; tum Libertinitatis ,
quæ ex Manumissione profluit ; tum
libertatis , quæ liberalis causa dici-
tur , de quibus sunt primi quatuor &
viginti Tituli. His subjicitur tracta-
tus de Dominii & Possessionis Titu-
lis , qui Actionum Realium fontes
sunt , à Tit. 25. ad 41. ac denique
tractatus de sententia & re judicata ,
cujus causâ actio datur : deque iis ,
quæ rem judicatam subsequuntur ; si-
ve tanquàm remedia adversus senten-
tiam , veluti Appellatio : sive ad
ejus executionem , veluti Missio in
Possessionem ; quo referendi postre-
mi Tituli à 42. ad 75.

LIBRO VIII. (qui concordat Lib. 8.
cum Libris Digestorum 43. & se-
quentibus ad 46. itemque cum prima

parte Libri 1. & cum trigésimi noni postrema parte) exponuntur Actio-
num fontes alii, Possessio imprimis,
quò pertinet Tractatus de Interdictis
ad 13. Titulum: dein Hypotheca &
Pignus, de quo à Tit. 14. ad 35. Ac-
tionum Tractatui rectè subjiciuntur
Exceptiones, quæ Obligationibus
opponuntur; & commune Obligatio-
num vinculum Stipulationes; illarum-
que solvendarum modi, Novationes
putà & Solutiones; tandemque Evi-
ctiones: quæ cuncta Obligationum
adjuncta enarrantur à Tit. 36. ad
46. Subjungitur Patria potestas,
Moribus seu Consuetudine introdu-
cta: quò spectant septem Tituli à
47. ad 53. ac denique Donationes,
ad quas ferè referuntur postremi Ti-
tuli sex.

Lib. 9.

Post Judicia Civilia, de Crimina-
libus agitur **LIBRO IX.** (cui respon-
dent Digestorum Libri 47. & 48.)
Partes hujus Tractatus præcipuæ qua-
tuor sunt. In prima Accusatio, quæ
principium est Criminalis Judicii, sex
primis Titulis explicatur. In Secunda
Criminum seu Maleficiorum, tam
Publicorum, quàm Privatorum, sive
ordinario-

ordinariorum five extraordinariorum species à Tit. 7. ad 39. In Tertia differitur de Ordine seu modo procedendi adversus reos, à 40. Tit. ad 45. In ultimo de Pœnis eorundem à 46. ad 51.

Huc usque de Jure Communi. Sequitur de Jure Speciali; quod mixtum dicitur à quibusdam, quasi ex Publico & Privato quodammodo conflatum; complectiturque ea quæ Fisco Principis, Universitatibus, Magistratibus specialiter competunt.

LIBER itaque X. (cui Pars postrema 49. & prima 50. Libri Pandectarum respondent), tractat prioris sui parte de Jure Fisci ejusque Privilegiis: atque imprimis de Tributis à Tit. 1. ad 30. Alterâ parte Jus Municipale seu Curiarum & Municipum munera, atque ab oneribus vacationes explicat à 31. ad 76: Titulum. Lib. 10.

LIBER XI. ad tria summa Capita Lib. 11. revocari potest. Primum est de Speciebus Fiscalibus & Corporibus quæ eis serviunt ad 12. Tit. Secundum de Collegiorum oneribus & privilegiis; à Tit. 13. ad 46. Caput tertium

Q.

à 47. ad 77. Titulum de Rusticia
Personis & Rebus, de Colonis præ-
fertim, ac fundis Militum, Impera-
toris, Rerumpublicarum, eorumque
Censibus & Oneribus.

Lbi. 12. LIBRO XII. & ultimo, per Ti-
tulos duos & triginta agitur primùm
de Dignitatibus, tam Senatoriis, quàm
Equestri & Perfectissimatus : deque
Honoribus cujusque Magistratus.
Deinde à Titulo 34. ad 52. de Re Mi-
litari & Cursu Publico. Ac denique
de Officialibus Magistratum, seu
Apparitoribus à 53, ad 64. Tit.

Sed ut omnis hic Ordo duodecim
Librorum Codicis memoriæ mande-
tur, non inutile opinor fuerit sequen-
tes versus addiscere.

O R D O

Duodecim Librorum Codicis
Versibus indicatus.

*S*Acra dabit PRIMUS, Leges, Le-
gumque Ministros.

ALTER Jure vocat, Procurat, Resti-
tuitque.

Judiciis Domino Rem, Jusque in Prae-
dia Serva.

Vindicat, & cuique assignat Communia TERNUS.

Actio, Contractus, Testes QUARTO referuntur.

QUINTUS Connubii & Tutela fura recludit.

SEXTO Libertos, Bona, Testamenta require.

PROXIMUS à sexto Manumittit, Tempore longo

Prescribit; Litem finit, ni Provocet alter.

OCTAVO Interdicta patent, Stipulatio, Donum.

Accusat NONUS, diversaque Crimina Punit.

Fiscum & Municipis DECIMUS cum munere ponit.

Collegam UNDECIMUS, Urbisque & Rustica fura.

POSTREMUS Dignos, cum Militibusque Ministros.

Ex his omnibus sufficere Justinianus censuit, si Libros Institutionum, & Quinque priores Digestorum Partes à voce Magistra in Scholis accipiant, Auditores; idque hoc ordine. Primo

Q ij

studiorum anno tironibus, seu novis Justinianæis, quatuor Institutionum Libros, cum totidem Primæ Digestorum partis Libris tradi voluit. Secundo anno Edictalibus explanari alternatim jussit, vel septem Libros de Judiciis, sive Secundæ partis; vel octo Libros de Rebus, id est Tertiæ partis, cum Libris quatuor singularibus, ex Quartâ scilicet Parte Librum 23. & 26. Ex Quintâ verò Parte 28. & 30. Tertio deinde anno Papinianistis explicari, vel Tertiam Partem, si Secundam priori anno audierint; vel Secundam, si jam Tertiæ interpretationem acceperint: idque cum tribus primis Quartæ Partis Libris. 20. 21. & 22. Anno Quarto sanxit, ut antedictorum decem Librorum singularium expositionem accipiant, nimirum 24. 25. & 27. ex Quarta Parte. Ex Quinta 29. 30. & sequentium ad 36. ita ut toti illi Libri, per suam consequentiam, nullo ex his derelicto, prælegantur Auditoribus, qui Lytæ hoc anno vocentur à verbo Græco λύω, id est solvo, quod jam Legum ænigmata solvevere didicerint. Sextæ, & Septimæ Digestorum Partes lectioni Audi-

torum privata reservantur; qui Codicem quoque Quinto anno (hic finis erat studiorum) accuratè evolvere jubentur, jam Probytae nuncupati, utpote Lytis Superiores.

Novellarum certa Series duabus de causis tradi non potest: tum quòd non servato rerum seu materiarum ordine collectæ atque dispositæ sunt; tum quòd sæpe in unam & eandem Novellam diversos, nec sibi ullatenus coherentes Juris articulos contulit Justinianus. Verùm Dionysius Gothofredus varia earum Capita ad Seriem Codicis per Indicem redegit: qui huic Justinianæi Juris Parti præfixus est in ipsius Editionibus.

4. De Novellarum ordine.

De iis, quæ ad Juris Romani historiam spectant, aliisque hoc Libello comprehensis, qui plura volet, Jo. Nevizanum, Lud. Gomezium. Jo. Fichardum, Joannem Baptistam Zilettum, Joannem Wolfgangum Freymonium, Marquardum Freherum, Jacobum Cujacium, Guidonem Pancirolum, Jacobum Gothofredum præ cæteris consultare poterit; eosq; qui de Legibus, præter jam laudatos scripserunt, in quibus & Lipsius.

6. A quibus hæc fusius tradita.

F I N I S.

Summa Privilegii.

Regis Christianissimi Rescripo dato apud Sanctum Germanum, die 16. Januarii anni 1678. cautum est, ne quis in ipsius Regno, aliisve locis ditioni ejus subjectis, Librum, cui titulus est, *Historia Juris Civilis Romanorum*, intra sexennium à die publicationis Exemplarium numerandum, absque auctoris Joannis Doujat permisso, prælo subjicere aut vendere audeat, indictâ ei qui secùs fecerit mulctâ duorum millium librarum, atque exemplarium publicatione, prout ampliùs in ipso diplomate continetur, subscripto de mandato Regis **JUNQUIERES**, atque in acta Typographorum Parisiensium relato die ultimâ ejusdem mensis per **EDMUNDUM COUTEROT** Syndicum.



INDEX RERUM JUXTA ORDINEM ALPHABETI.

A

<i>Ætas prima Juris Romani sub Re-</i> <i>gibus. pag.</i>	6
<i>Ætas secunda sub Republica. p.</i>	8
<i>Ætas tertia sub Imperatoribus. p.</i>	17
<i>Authentica quid sint. p.</i>	38
<i>Authenticum. Vid. Novella.</i>	
<i>Autorum Catalogus ex quibus Digesta</i> <i>deprompta. p.</i>	2

B

<i>Basilii Prochiron. Vid. Prochiron.</i>	
<i>Basilica Priora. p.</i>	47
<i>Basilica Posteriora. p.</i>	48
<i>Basilius Macedo, Imper. p.</i>	46.
<i>Bellum Justiniani adversus Gothos.</i> <i>pag.</i>	94
<i>Bellum Persicum ejusdem Justiniani.</i> <i>pag.</i>	90
<i>Renovatum. p.</i>	95
<i>Bellum Vandalicum in Africa. p.</i>	92

C

<i>Capitularia Regum Francorum. p.</i>	60
--	----

CI.

Citandi ratio Jurisconsultis usitata p. 62

COD

<i>Codex cur compositus.</i> p.	35
<i>Codex Legum antiquarum.</i> p.	59
<i>Codex Justiniani Prior.</i> p.	30
<i>Codex Posterior.</i> p.	35
<i>Codex Theodosianus qualis ad nos pervenerit.</i> p.	28
<i>Codices Gregorianus, Hermogenianus, & Theodosianus.</i> p.	26
<i>Codicis etymologia.</i> p.	36
<i>Codicis divisio.</i> p.	36
<i>Codicis ordo generalis.</i> p.	171
<i>Codicis utilitas.</i> p.	170
<i>Codicem inter & Novellas quæ sint differentia.</i> p.	39.

COM

<i>Commentatorum Juris varia genera.</i> pag.	101
<i>Commentatorum res atque opera recensere difficile.</i> p.	108
<i>Commentatores Juris præcipui.</i> p.	106

CON

<i>Conciliationis Legum præcepta.</i> p.	115
<i>Constitutiones Imperatorum.</i> p.	25
<i>Constitutiones in tres Codices collatae.</i> pagg.	26 & 43
<i>Constitutionum varia genera.</i> p.	25

Consuetudinum *diversitas. unde orta.*
pag. 76

DI

Digesta. p.	31
Digesta, <i>quo tempore edita. p.</i>	31
Digesta, <i>quorum operâ confecta fuerint. p.</i>	33
Digesta <i>unde collecta. p.</i>	31
Digestorum <i>nomina & etymologia.</i> pag.	31
Digestorum <i>series. p.</i>	134
Digestorum <i>methodus generalis. p.</i>	135
Digestorum <i>divisio per partes & volumina. p.</i>	33
Digestorum <i>Pars prima. p.</i>	137
Digestorum <i>Pars secunda de Judiciis dicta p.</i>	139
Digestorum <i>Pars tertia de Rebus.</i> pag.	143
Digestorum <i>Pars quarta de Pignoribus. p.</i>	147
Digestorum <i>Pars quinta de Testamentis. p.</i>	152
Digestorum <i>Pars sexta de bonorum possessionibus. p.</i>	156
Digestorum <i>Pars septima de Stipulationibus. p.</i>	163
Digestum <i>Infortiatum. Vid. Infortiatum.</i>	

Digestum *Novum*. p. 169
Digestum *Vetus*. p. 167

E

Ecloga. p. 54
Edicta *Magistratum*. p. 15
Edictum *Perpetuum*. p. 17
Extravagantes *Imperatorum Germania*. p. 59

F

Feudorum *Libri*. p. 58

G

Glossatores. p. 100

H

Harmenopuli *Prochiron*. p. 56

I

Index *Legum ad seriem operum cuiusque auctoris accommodatus*. p. 32
Infortiatum p. 169
Institutiones *Justiniani*. p. 30
Institutionum *summa divisio*. p. 117
Interpretes *Græci Basilicorum*. p. 42
Interpretes *incerti*. p. 51
Interpretes *Latini prisci Legum à Justiniano collectarum*. p. 99
Interpretes *politiores sæculi xvi*. p. 103
Juris *Romani usus necessarius deficiente in multis Gallico*. p. 86
Juris *à Justiniano compositi quot sint partes*, p. 29.

<i>Juris veteris reliquia, à quibus præfer-</i>	
<i>tim collecta. p.</i>	27
<i>Juris studium magno ardore arreptum</i>	
<i>seculo Christi XII. p.</i>	80
<i>Juris studium quare Monachis, & Cle-</i>	
<i>ricis majoribus, Lutetia & alibi in-</i>	
<i>terdictum. p.</i>	81
<i>Juris Civilis autoritas in Gallia, ex</i>	
<i>Regum voluntate. p.</i>	82
<i>Juris Interpretum varia apud Græcos</i>	
<i>genera. p.</i>	52
<i>Juris antiqui diverse ætates. p.</i>	5
<i>Jurisconsulti post Hadrianum præcipui-</i>	
<i>pag.</i>	21
<i>Jurisconsultorum res à quibus conscri-</i>	
<i>pta. p.</i>	24
<i>Jurisconsulti Romani celebres. p.</i>	18
<i>Jurisconsultorum Autoritas. p.</i>	21
<i>Jurisprudentiæ dignitas, p.</i>	69
<i>Jus aliquod apud omnes gentes in usu.</i>	
<i>pag.</i>	5
<i>Jus à Romanis præ cæteris excultum.</i>	
<i>pag.</i>	5
<i>Jus Orientale post Justinianum. p.</i>	42
<i>Jus à Justiniano conditum non statim</i>	
<i>in Occidente valuit. pag.</i>	70
<i>Jus Justiniani apud Occidentales in usu</i>	
<i>esse cœpit inveniis Pandectis Pisanis.</i>	
<i>pag.</i>	77

Jus proprium Gallix unde manaverit.	pag.	88
Jus Romanum , ut rectè discatur, ejus cognoscenda Historia. p.		4
Jus Romanum secuti generaliter Itali, Gallique Narbonenses &c. p.		72
Jus Theodosianum in Gallia diu perse- veravit. p.		71
Justiniani institutum pauci Interpretes secuti sunt. p.		110
Justiniani patria & vita. p.		89
Unde haurienda. p.		96
Justinianum literarum prorsus rudem non fuisse. p.		96

L

Leges duodecim tabularum. p.	9
Leges Regiæ. p.	6
Leges singulares p.	11
Leonis Novellæ. p.	45
Leonis opuscula varia. p.	46
Libri Feudorum. Vid. Feudorum &c.	

M

Methodus generalis Digestorum. Vid. Digestorum &c.	
---	--

N

Nomocanon Photii, p.	54
Notæ & Sigla. p.	64
Notarum quibus utuntur Juriscan- sulti necessaria cognitio. p.	64
Novellæ	

Novellæ, p.	37
Novellarum <i>numerus</i> , p.	37
Novellarum <i>Etymologia</i> . pag.	37
Novellarum <i>Collectio & ordo</i> . p.	38.

& 183.

Novellarum <i>Latina Interpretationes</i> . pag.	38
---	----

Novellarum <i>volumen cur Authenticum dictum</i> . p.	38
---	----

O

Oriente Jus &c. <i>Vid.</i> Jus Orientale.	
--	--

P

Paragraphus <i>quid sit</i> , pag.	62
------------------------------------	----

Photii <i>Nomocanon</i> . <i>Vid.</i> Nomocanon Photii.	
--	--

Plebiscita. p.	13
----------------	----

Prochiron Basilii. p.	46
-----------------------	----

Prochiron <i>Harmenopuli</i> . <i>Vid.</i> Harmenopuli <i>Prochiron</i> .	
--	--

Prochiron <i>alterum Imperatorum</i> . p.	49
---	----

Proculeiani. <i>Vid.</i> Sabiniani.	
-------------------------------------	--

R

Responsa <i>Prudentum</i> . p.	18
--------------------------------	----

Rubricæ <i>nomen unde</i> . p.	61
--------------------------------	----

S

Sabiniani & Proculeiani. p.	20
-----------------------------	----

Seditio <i>Constantinopolitana sub Justiano</i> . p.	91
--	----

Senatusconsulta. p.	14
---------------------	----

& in Add.


R

Senatusconsulta secundum Orationes

<i>Principum. p.</i>	17
<i>Studii Juridici tempus & loca. p.</i>	39
<i>Summistæ. p.</i>	100
<i>Synopsis. p.</i>	36

T

<i>Thuani Præsidis Sententia de autoritate Juris Civilis. p.</i>	81
<i>Titulorum Juris divisio in Leges & Paragraphos. p.</i>	61



A D D E N D A

Ad Cap. I. §. 5. pag. 15.

De Senatu & Senatusconsultis.

QUæsitum est ex me nuper quæ Senatus De Sena-
Romani in Rep. potestas esset, in qui- tus pote-
bus ea maximè versaretur, an, & quibus in state.
causis, aut quatenus Senatusconsulta pro le-
gibus essent. Constare enim aiebant tum
Belli, Pacisque ac fœderum, tum Legum
condendarum, & creandorum Magistratuum
arbitrium penes universum populum fuisse.
Et quamvis in iis rebus autoritatem suam Se-
natus interponeret, eamque populus plerum-
que sequeretur: attamen liberum populo fuisse
ab eo quod Senatus censuisset, discede-
re. Neminem quoque latere, judicia, nec
Privata, quæ de re familiari; nec Publica,
quæ de criminibus sunt, in Senatu disceptari
olim solita: sed illa quidem à Prætoribus vel per
se, vel cum assessoribus, sive ex Senatorio, sive
ex equestri ordine delectis; hæc à Quæstoribus,
extra ordinem, prout res inciderat, à populo
constitutis; post à Prætoribus cuiusque crimi-
nis causâ creatis, aut in comitiis à populo
exercita fuisse. His autem detractis, non sa-
tis apparere, quæ partes essent Senatus,
quidve ejus potestati relictum. Hæc nec ve-
teres, nec, quod sciam, recentiores satis
enucleasse videntur, collectis in unum, ut par
erat, rerum generibus, de quibus consuli
Senatus consueverat, & in quibus ejus præ-

R ij

ferim elucebat autoritas. Ego, etsi rem esse longioris disquisitionis haud ignoro, non ingratum studiosis fore putavi, si, donec materia hæc pleniori tractatu explicetur, lucem ei aliquam asferre conarer. Quod non aliâ commodiori viâ fieri posse visum est, quàm si raptim, ex Livio qui mihi præ manibus, congesta indicarem capita quæ memoriæ succurrerent. Hæc vel ad ea referebantur quorum summum jus apud populum; aut ad alias causas pertinebant.

Circâ bellum & bellica.

Nova quidem bella novis hostibus populus plerumque, autoribus patribus, indicebat: sed ubi de repellenda quotidianorum, ut ita dicam, hostium vi aut injuriâ agebatur; nonnunquam Senatus bellum jubebat; ut plurimum bello gerendo delectum haberi imperabat, non expectato populi consensu; sæpe reluctante plebe. Stipendium quoque de publico militibus in numeros delectu habito relatis, præstari cepit Senatusconsulto; quandoque & voluntariis datum. Jussi etiam à Senatu, socii sociis auxilium ferre. Idem nonnunquam dividi prædam statuebat. Denique belli gerendi rationem sæpenumerò Consulibus aliisque Magistratibus præscribebat.

Circa Pacem & Fœdera.

Pacis præterea componendæ, atque imprimis Induciarum hostibus certâ lege concedendarum Patres vel primi, vel soli autores erant: eosque, qui in re præsentis pacis condiciones ferrent, delegabat. Idem, in civilibus discordiis, iis qui adversus placita aliquid fecissent, poenam constituebat: & securitati ad concordiam atque ad officium suum redeuntium prospiciebat, decre-

to interposito, ne cui secessio, aliudve simile fraudi esset; aut ut quis ab exilio revocaretur. Fœdera Senatus simul populusque Romanus inibant; jure civitatis & connubii populos benè de Rep. meritos donabant. Sed Legati exterarum gentium, mandata earum in Senatu exponebant, qui & iis ferè responsa dabat: & privatis honorem hospitii publici impertiebatur. Soli quoque Senatores externas legationes obire soliti.

Ut prisca fœdera, ita & leges conquiri ac servari curabat Senatus: has nonnunquam temperabat, vel antiquandas censebat. Quod ad publica judicia attinet, de criminibus quæstiones decernebat, reosque in custodia haberi, aliquando & ultimo supplicio affici, aut vinculis jubebat, seu coerceri, seu liberari.

Jam in Magistratibus creandis, licet per se solus non interveniret Senatus, sed ex suffragiis quæ in comitiis populus aut plebs ferebat, tota ea res penderet, nisi quatenus auctoritate gratiaque plurimum in hoc quoque Senatores poterant: certum nihilominus est in hac præcipuè Reipublicæ parte valuisse dignitatem potentiamque Senatus. Nec modò in iis quæ ad exequenda Magistratuum munera pertinebant; sed in genere quoque Magistratuum deligendo. Et primò quidem Provincias, etsi quam quisque susciperet plerumque inter se comparabant aut sortiebantur Consules ac Prætores: quandoque tamen eas extra ordinem partiebatur, atque huic vel illi Senatus assignabat: alios ad bellum proficisci, alios in urbe manere jubebat: numerum legionum atque auxiliarium, aut na-

Circa Leges & Judicia.

Circa creationem & officia Magistratuum.

vium, pro belli gerendi ratione, definiebat. Prout res ab unoquoque gestæ, ita Triumphum, Ovationē, supplicationes plurium pauciorumve dierum, indicebat, vel negabat: aliquando Magistratu ante diem se abdicare cogebat: nec expectato comitiorum die alios jubebat creari. Deinde qualia fierent comitia Summorum Magistratuum creandorum, Consulum verbi causâ, an Tribunorum Militarium, præfinire: Interreges etiam, ubi opus, dicere: & quod caput est, Dictatorem (qui supra cæteros omnes Magistratus eminebat, iisque imperabat, ac sine provocatione liberum habebat administrandæ Reip. arbitrium) à Consulibus, Tribunisque militum dici jubere; eamque potestatem ultra præscriptum continuare: denique supremos Magistratus plenâ potestate imperioque armare, decernendo ut viderent ne quid Resp. detrimenti caperet, per se poterat Senatus. Invenio & ejus decreto Tribunos plebis à Pontifice maximo creatos.

Circa aliâ.

Præter hæc, Patrum erat justitium in re trepida, subitisque periculis indicare: Colonias deduci, agros devictorum hostium dividere, ejusque rei curam triumviris ferre ex suo corpore selectis mandare. Tandem in iis, quæ ad religiones spectabant, non exigua fuit ejus ordinis autoritas: quandoquidem non solum de his consuli Pontifices, inspicere fatales libros; sed profanatas etiam Ædes Sacras restitui, atque expiari decreto suo præscribebat.

*Quando
firma Senatuscon-*

Verum horum pars magna, fateor, post constitutam Tribunorum plebis potestatem

vacillabat, ut quæ his intercedentibus, ac, si ^{sultra jus} vel unus ex eorum collegio obstaret, exitum ^{facerent.} nequaquam sortirentur; nisi forrè alii collegæ ea præbarent. Cessante autem intercessione, valebant pro lege Senatusconsulta, idq; ex rei decretæ natura; sæpe in annum quoddam res ita ferret, veluti cum de officio Magistratuum annuorum quid decretum erat; aliàs in perpetuum.

Ad Cap. 2. §. 3. pag: 35.

De nomine Infortiati.

DE hujus nominis origine, quam è Chaldaicæ Linguae fontibus apud Accursum deduci videbam, consultus à me Clarissimus Collega Claudius Capellanus, Sacræ Theologiæ è Sorbonæ Collegio Doctor, & Literarum Hebraicarum Professor Regius, peritissimus idem Linguarum Orientalium; primò quidem mecum senserat ejusmodi vocabulum idiomatis Chaldaici formam non satis redolere. Aliquo tamen post tempore, evolventi ei Joannis Buxtorfii Lexicon Chaldaicum, Talmudicum, & Rabbinicum, occurrir parùm cognita, nec usu vulgari trita vox, & radice carens (quæ quidem cum ea sensu cohærere videatur): sed nec Literis multùm abhorrens à re quâ de agitur, & significatione apprimè conveniens. Cùm enim Digestorum Libri, qui *Infortiati* nomine continentur, circa *Testamentorum Jus* versentur magna ex parte: פורטיתא, (quod & *Portitha* & *Fortiatha* legi potest) pro *Testa-*

mento & ultima hominis voluntate scripto comprehensa, invenitur pag. 1813. ex Talmude Babylonico, ubi, Sanhedrin fol. 96.

2. habetur **שדא פורטיתא לביתיה** *projecit testamentum in domum ejus*. Dictionarium Judaicum, quod vocant *Baal Aruch*,

legit **פירטא**, *Pireta*. Fieri itaque potuit, ut non nemo, accepto à Rabbinis eo vocabulo; cum de materia Testamentaria ageretur; sive per ludum, sive, ut se venditaret, dixerit *in Fortiato* pro in Testamento; indeque ad eam Justinianæ Juris partem, quæ media est inter vetus & novum Digestum, agitque *de Testamentis*, manaverit hæc appellatio.

ERRATA

in Contextu.

ERRORES. CORRECTIONES.

Pagina. Linea.

N Ovi Triumviri,	10	N Ovi Decem-	8
Facultas concessa non		Facultas concessa	
est,	18	est.	15
De Origine,	24	ult. De Origine Juris	
		expectatur.	
Sequuntur conjicit,	15	Sequitum conjicit,	25
Ant. Valent,	18	Antecessoris Valen-	2
		tini.	
Non servari suo tem-		Non servatum suâ	
pore,	39	atate fuisse.	23
In Provinciis specta-		In Provinciis ser-	
bant,	45	vanda spectabant.	10
ἀναγὰς ἀποιν,	47	ἀναγὰς ἀποιν.	22
Novam, sive ejus o-		Sive novam ejus	
peris repetitam præ-		operis expurgatio-	
lectionem,	48	nem, & repetitam	
		prælectionem.	22
Anno ab orbe con-		Anno ab orbe con-	
dito,	55	dito secundum Gra-	
		cos.	27
Non modò Gothis,		Non modò Gothis, &	
sed & Francis,	72	Longobardis, sed	
Balufius ad Agobar-		& Francis.	8
dum,	72	Balufius observat ad	
		Agobardum.	20

Legibus, Noribusque
nostris, 87

Is itaque, 75

Oldradus de Ponte, 102

Antonio Gomezium,

104

Oinotonii, 105

Per Titulorum subti-

litate Judices qui

Paratitla nuncu-

pantur, quædam

admonitoria face-

re, 110

Ad rem pretiumque

136

Mixtæ, scilicet actio-

nes, 142

Appendicem superio-

ris, 145

Est etiam appendix,

145

Legatis autem acce-

dunt vitia sive acci-

dentia quædam, 155

3. Inutilitas, si quid

pœnæ nomine reli-

ctum esset, aut alias

ab initio non vale-

ret, 155

Quædam vitia effi-

ciunt, 155

Quâ servi quoque

universitatum, 160

Legibus moribusque
12 nostris.

17 Is itaque.

Oldradus de Ponte

6

Antonium Gome-

25 zium.

9 Oinotomi.

Per Titulorū sub-

tilitate aliquid

annotare, & ea

qua Paratitla nun-

cupantur, com-

29 ponere.

Ad rem pretiumque

12

28 Actiones scilicet.

Appendicem quan-

21 dam superioris.

Est etiam velut ap-

20 pendix.

Legatis autem ac-

cidunt vitia sive

9 adjuncta quædam.

3 Inutilitas velut io-

lim si quid pœna no-

mine relictum esset,

aut si aliàs Lega-

tum ab initio non

12 valeret.

16 Quædam efficiunt.

Quâ solâ servi uni-

14 versitatum.

Sequitur manumissio-
ne non valet, 160

Tit. XII. 170

Moribus seu Consue-
tutine, 178

De rebus municipa-
libus seu Juribus ci-
vitaris, 179

in Margine.

Nomocan Phot. non
54

opera necnon recen-
seantur, 106

Lib. 173

Sequitur manumissio-
ne non valet.

12 C. A. P. XII.

Moribus, valanti-
16 quissimâ lege.

De Collegiorum o-
neribus & privile-
giis.

in Margine.

Nomocanon Photii

Opera non recen-
seantur.

Lib. I.



Digitized by Google

